

کتاب شرح کیاثر 7

صاحب کتاب

شہری عثمانی

الہدی



1200

Süleymaniye U. Kütüphanesi

Kısım | H. Hüsnî

Yeni Sayı |

Eski Kayıt No | 1200

هَذَا كِتَابُ شَرْحِ كَبَائِرِ

بِسْمِ اللَّهِ الرَّحْمَنِ الرَّحِيمِ

أَحْمَدُ لِلَّهِ رَبِّ الْعَالَمِينَ . وَالصَّلَاةُ وَالسَّلَامُ عَلَى
رَسُولِهِ مُحَمَّدٍ النَّبِيِّ الْأَمِينِ . وَعَلَى آلِهِ وَصَحْبِهِ أَجْمَعِينَ
وَبَعْدُ فيقول العبدُ الفقيرُ السَّيِّئُ السَّامِعُ حَقِّ
شَرَفِهِ اللَّهُ بِبَرِّيقِ التَّجَلِّي وَمَزِيدِ التَّرْقِي . إِنَّ اللَّهَ
تَعَالَى دَعَا عِبَادَهُ إِلَى دَارِ السَّلَامِ . عَلَى لِسَانِ رَسُولِهِ
آلَيْهِ أَرْسَلَهُ بِالْهُدَى وَدِينَ الْإِسْلَامِ . بِأَن أَمَرَ
أَوَّلًا بِالتَّوْحِيدِ الَّذِي هُوَ أَحْسَنُ الْحَسَنَاتِ . وَنَهَى
عَنِ الْإِشْرَاقِ الَّذِي هُوَ أَسْوَأُ السَّيِّئَاتِ . ثُمَّ بَيَّنَّ
لَهُمُ الْحَلَالَ وَالْحَرَامَ . وَعَيَّنَ مَا يَحْتَاجُونَ إِلَيْهِ مِنْ

الشرايع والاحكام . فلا بد للعبد المؤمن المدعو
بعد ملازمة التوحيد ومجانبة الاشراك . ان
يكون من الذين يجتنبون كبائر الاثم لئلا يقع في
ورطة الردى والهلاك . فان جميع المعاصي لاسيما
الكبائر منها طريقة موصلة الى الكفر المعبود .
والعيان بالله تعالى من البعد بعد القرب ومن الرد
بعد القبول ومن النزول بعد الصعود . وقد سألني
اول من ينظر الى جمال الله تعالى ولقائه . يوم يتجلى الله
بخلقته بوجوه عطائه . وهو محمد الصوفي البصير
فتح الله بصيرته وهو على ما يشاء قدير . ان اشرح
له الكبائر باللسان التركي ليعم نفعه لاهل الدين
فاجبت ذلك ابتغاء لمرضات رب العالمين . والله
اسأل ان يعصمني وجميع عباد المؤمنين من الزلل
والعشار . ويهديني واياهم الى ما دعا اليه من طريقة
بما وضع من الآثار . ويجعلني واياهم من الذين زكاهم
عن سفاسف الاخلاق وشفالة الاوصاف . وحلاهم
بجليّة التوحيد الحقاني وزينة نفوس الانوف والاشراف

الاول من كبائر المعاصي الشريك بالله تعالى

يعني الله تعالى به مخلوقا تشدن بر نسنه بي الوهيتده
شريك قلمقدر كرك اول شريكه واجب الوجود و
كرك عبادته مستحق ديسون اگرچه مشرك كرك شريك
اشيات اتد كركي نسنه به واجب الوجود د مشرودر
بلکه الله تعالى نك الوهيت و خالقيتنه اقرار ايدوب
عبادت اصنامي حقه تقريبات ايجون سبب قريب

قلمشردر نتكم قرأنده كلور مانعید هم الا ليقربونا
الى الله بسر شرك ايله كاه اولور كه مطلق كفر مراد
اولفور كركسه اوراده عبادت صنم بولنسون زیرا
كفر شركدن خالی دكلدر نتكیم قرأنده كلور ان الله
لا يغفران بشرك به و يغفر ما دون ذلك لمن يشاء
يعني بوايت كريمه شرکدن مراد كفر در و الا يهود
و نصاری و امثالی مغفور اولمق لازم كلور زیرا ان الله
اهل كتاب اولمغله مشرك د نلنر بلكه كافر د نلور
پس اگر مشرك و اگر مشرك غيري كافر در مطلقا مغفور
دكلدر و كاه اولور كه مشرك ايله اصناميه عبادت

ايدنر مراد اولفور الحاصل بوراده شرکدن مراد
مطلقا كفر در كه اكبر كباثر درر پس شول كسه دن
كه الفاظ كفر و يا افعال كفر صادر اولسه بونده
داخلدر مثلا صنمه سجده ايتمك و يا مصحف
شریف مزبليه القا ايلك و يا اوزر نه او توقم
و امثالی كبی زیرا شارع بومقوله معصيتك علامت
تكذيب قلمشدر پس بونی اشليه نك باطننده تصديقي
وارايسه ده اعتبار اولنماز بلكه كفر نه حكم اولفور
و كفر حكی بشدر اولكسی جميع اعمالی خيری باطل
اولمقدر اگر صدوری جبرله و يا خود سبق لسان
ايله دكل ايسه و لكن حقی قضا ايدر غيري عبادتی
قضا ايتنر زیرا حج عمری در یعنی عمرده بر كره فرض
در و مما ته دك وقتي باقیدر ايكنجیسی متزوج
ايسه نكاح منفسح اولمقدر یعنی امام اعظم و امام
ابو يوسف رحمهما الله تعالى بوکا انفساح نكاح
در لرتلاق ديمز كرك اردن و كرك عورتدن
صادر اولسون حتی اوج كره صادر اولسه بله حله

لازم كلز امام محمد ايسه انفساح نكاحه طلاق
اطلاق ايدرانچون اكراردن اوج كره صادر اولور
ايسه انك قاتنده حله واجب اولور بوندن فهم اولور
كه امام محمد قاتنده ردت ايله طلاق منقض اولور
امام اعظم و ابو يوسف قاتنده منقض اولماز بلكه
فرقت بلا طلاق اولور و لكن اكر بعد الدخول صادر
اولديسه عورت اوزر نه عدت لازم كلور و اكر كلز
كفر عورتدن صادر اولوسه بالاجماع طلاق واقع
اولماز اكرچه عدت كلور و لكن عورتدن صادر
اولدوغى صورتده بعد التوبه نكاح اوزر نه جبر
اولور و اكراردن صادر اولدى ايسه بعد التوبه
خاتون مخيره در وقتاواده كلور اولكى مهرنك
اوزر نه اون در هم كشتن ^{زياده} وضع اولور زيرا نكاح
جدید در او جنجیسی ذبیحه سی حرام اولمقدرد
یعنی مرتدك بوغازلدوغى كبی مردار در اندن اكل
اتمك كركدر زير امام يذ كراسم الله عليه قبيلندند
دوردنجسی مرتدی قتل ایتك حلالدر پس آنی

اول حاله قتل ایدن كسیه دیت لازم كلز
بشنجسی توبه اوزر نه جبر ایتكدر توبه دن
مراد دیدوکی سوزدن رجوعدر یوخسه مجر
كلمه شهادت كتور مك دكلدر انچون بر كافره
ایمان تلقین اولنسه دین اسلامك ماعداسی
اولان اديانه باطله دن بری اولدمر دیوسویلتك
كر كدر زير اقرانده كلور اتی بری متاشركون
واكر مرتد اولان كسه اردادنی انكار ایدرسه
انكاری توبه دن عد اولور و اكر توبه و رجوع
اتمزه قتل واجب اولور و جهنمده ابدی قالور
وروايت حدیثی و وقفی دخی بطلانه دفتر نه
یازیلور و اكر ردت اوزر نه فوت اولور و یا قتل
اولور سه كلب كبی بر حفره ایجنه القا اولور
و هیچ بر ملتك مقبره سنده دفن اولماز
بوندن صكره شرك ایکی در كه بری شرك چلی
و بری شرك خفی در شرك چلی دن مراد كفر در نكتم
شرح اولندی و شرك خفی دن مراد دیادر نكتم

لسان فارسی اوزره دیمشردر مُرائی هر کسی معبود
 سازد مُرائی را از آن گفتند مشرك یعنی مُرائی
 اولانه مشرك دید یلر زیر اهر کسی معبود اتخاذ
 ایدر و عبادتی غیر ایچون ایلر حق ایچون ایلر و تائات
 خانیته ده کلور که اگر بر مصلی صلاوته خالصا لله
 افتتاح ایدوب صکره قلبینه ریاء دخول ایلسه
 ینه افتتاحی اوزرنه باقیدر بویله یرده ریاردن
 مراد خلقدن تنها اولسه قلی ایچی و خلقله اولسه
 قلیچی اولدوغیدر فاما اگر خلقله قلدوغی زمان
 کوزل قیلوب تنها قلدوغی وقتده رعایت آداب
 انمزسه اصل نماز نک ثوابیله مثاب اولور یعنی
 اصل صلوٰتک ثوابی اولور فاما حسنی اولما مغبله
 حسنی ثوابندن محروم قالور و دیمشردر که صومه
 ریا داخل اولماز انچون حدیث قدسیده کلور
 الصوم لی وانا الجزی به ولكن آخرتہ سائر عبادات
 ثوابی کبی اهل حقوقه دفع اولنمقده اختلاف وارد
 بعض علما نک مختاری عدم دفعدر **والتانی**

قتل النفس بغیر حق یعنی نفس محترمه بی ظلماً
 قتل اتمکدر اگر قصاص طریقله قتل ایدر سه حلالدر
 قتل حیاتی ازاله در پس بونده غیرک فعلی اعتبار
 اولنور موت ایسه حیاتک زوالیدر پس بونده
 فعل غیر اعتبار اولنماز و بوندن فهم اولنور که
 موت و قتل ظاهر نفس ناطقه اوزرنه واقع اولور
 نیکیم قرأنده کلور کل نفس ذائقة الموت ولكن
 ذوقدن مراد بدندن مفارقتدر و الم و وجع فی
 الحقیقه روح حیوانی نک صفتیدر نفس ناطقه
 اصلندن روح منفوخ منهک آثارندن در روح
 حیوانی دخی نفس ناطقه آثارندن در و لکن نفس
 ناطقه نک بدنه و روح حیوانی یه شدت اتصالی
 اولدوغندن آثار طبیعت ساریه اولوب فساد قبول
 ایدر و الا کندی ذانتندن طهارت و سعادت اوزرنه
 خلق اولنمشدر و دنیا و آخرتده اولان الم و عذاب
 الم و عذاب جسمانی و روحانی در لر معا و بر زحده
 اولانه الم و عذاب روحانی در لر فقط لذت و ثواب

دخی بویله در پس بر ز خنده یعنی دنیا و آخرت
 را سنده حائل اولان عالم مثاله روحانی در لرزیر
 مقر آرواح در پس او راده اولان نعیم و حجیم ^{نصفیت}
 او زرنه در روح دیننده کلور القبر روضه من
ریاض الجنة او حفرة من حفر النيران یعنی بوحیدت
 اهل جنتک بالفعل جنته و اهل جهنمک بالفعل ناره
 دخولی لازم کلز زیر بالفعل دخول اتمک ^{حشر}
 جسمانی دن صکره در بلکه روحانیت لریله نعیم
 جنان له متلذذ و حجیم نیرانله متالم اولور لر
 الحاصل بالفعل جسمانیته موقوف در مکره روحانیت
 دخی فعلده داخل اوله و لکن بوگا دخول متعارف
 دیمزلر تنکیم بر کسه رؤیا سنده یا بیستانه و یا
 زندانه داخل اولسه بقطعه ده کئی ^{دخول} کئی اولماز اگر چه
 روح یا متلذذ و یا متالم اولور بعد زابونده کشو
 کندی نفسنی قتل اتمک دخی دلخادر و لکن بو
 مسئله بخصوصها آشغده کلور **والتالث**
عقوق الوالدین المسلمین بقول او فعل عقوق

عقوق برک ضدیدر یعنی او زرنه که حق واجب اولان
 کمسنه نک امرنه اطاعت اتمک در پس معنای کلام
 بودر که والدین مسکینه عاصی اولوب قولله و یا
 فعلله ازیت اتمک در اگر عقوق قری اضاعت حقوقه
 مؤدی اولور سه والا لاطاعة لمخلوق فی معصية
 الخالق موجبنه رضاء مخلوق ایجون رضاء حق
 ترک اتمک یوقدر مثلاً نماز قلمغه و اورج طوتمغه
 و حج اتمک مانع اولور بویله خصوصاً در انلره
 مخالفت اتمک عصیان و عقوق دیمزلر واکروالدین
 کافرین اولور لر سه شرکه متعلق اولان امورده
 انلره دخی اطاعت اتمک کرکدر زیر اقرانده کلور
 وان جاهدک علی ان تشرک بی شیئاً فلا تطعهما
 و سائر معاصی دخی شرک حکمنده در پس
 معاصی دن غیری امور عادیته ده خدمت و اطاعت
 لازمدر حتی دیمشردر که انلری کنیسه یه کتور
 یوقدر و لکن کنیسه دن منزل لرینه وصولده
 معاونت جائزدر بوندن فهم اولور که مسلمان

اولان شاگرد لر کافر اولان استاذ لرینه اداره خمر
اتمک جائز دکلدر زیرا فسقه معاونت دروسائر
معاصی دخی بوکا قیاس اولنه و دیمشلدر که
اگر نافله نماز قیلورکن والده سی اکاندا ایلسه
نمازی قیوب اکا اجابت اتمک کرکدر زیرا والده^{سنه}
اجابت اتمک نافله عبادتدن افضلدر زیرا اجابت
فرضدر انکچون زمان اولده جریح راهب نماز قیلورکن
والده سی جاغرد قدده جواب ویرمه مکن بعض
زانیات ایله مشتم اولدی و امام غزالی رحمه الله
بیورر که اکثر علما بونک اوزرنه در که شبهات
مقوله لرنده طاعت والدین واجبدر حرام محضده
ایسه واجب دکلدر زیرا ترک شبهه ورع بابندند
رضاء والدین ایسه واجبدر و کذلک برکسه نماز
جائز اولاجق قدر قرآن بلسه رضاء والدین اولدجه
طلیعلم ایچون خروج اتمک جائز دکلدر زیرا قرانی
ختم اتمک نوافلدر سائر ضروری اولیان علوم
دخی بوکا قیاس اولنه فاما ضروری اولانده اطاعت

دکلدر احکام ظاهره و اخلاق باطنه کی و کذلک
معاصی ظاهره و معاصی باطنه بی تعلیم کی معاصی
باطنه دن مراد حسد و کبر و دیار سوء ظن
وامثالیدر و والدینه دخی واجبدر که سوء معامله
و جفا ایله اولادک عقوقنه سبب اولیار و انلر
دخی آثم اولورلر زیرا بویله یرلرده سببیت معتبر
در حتی برکسه آخرک والدینه سبب ایدوب
آخردخی انک والدینه سبب اتشه سببیت حسیله
کندی والدینه سبب اتمش کی اولور که اودخی
عقوق دن عدا اولنور بعد ذاقولیه عقوقدن
در که انلری اسملری ایله جاغروب مثلاً یا عبد الله
و یا علی و یا فاطمه و یا امینه دیه و یا خود انلرک
کراحت اند کلری سنه بی انلره القا ایلیه الحاصل
اگر غیا بلرنده و اگر حضورنده انلری تعظیم ایله
ذکر ایلیه و بی حضور اولاجق سوز سویلیه و حیا
حیاتلرنده و بعد الممات دعاء خیر له مقید اوله و فعل
ایله عقوقندر که انلرک اوکجه یورمیه مکر یورمه^{سو}

اصلاح طريق و دفع آدن و محافظه ایچون اوله و شاکر
و استاذ و تابع و متبوع دخی بویله در انکچون ابوبکر
الصديق رضی الله عنه ليله هجرتده کاهیه
رسول الله علیه السلام لاجل المصلحة اوکلرجه
یوررلردی و كذلك اکل و شرب و جلوس و کلامده
دخی سبق اتمک کرکدر و برکسه نک والدینی
و یا خود بریسی کافر اولسه هدایت و توفیق لریچون
دعا این تکیم حضرت ابراهیم علیه السلام پدری آذر
ایچون دعا ایدردی صکره کفر اوزرته موتی متبیین
اولدقده دعا ین ترک اتدی زیر کافره و فالتدن صکره
خبر له دعا اتمک یوقدر و بزم پیغمبر یمزک علیه السلام
پدری عبد الله و والد سی آمینه کرچه جاهلیت
اوزرته وفات اتدیله فاما بعض اخبار آحاد ایلله
ثابتدر که رسول الله علیه السلام اندری حج و داعدف
عود تده باذن الله احیا ایدوب تلقین ایمان ایلدی
و عمیلری ابوطالب دخی احیا و انلره دخی تلقین اتدی
نتکیم امام قرطبی تذکره الموتده و نیجه علماء کبار

دخی روایت مذکوره نک صحتنه ذاهب اولدیله
بومعنا رسول الله علیه السلام علوجاهنه دلالت
ایدردیله دیناده حضرت عیسی علیه السلام نیجه
موتی احیا اتمش ایدی بونلردن خود عیسی دن
افضلدر پس بومعنا نک حصونی انلرکشان
عالیله رینه نسبت ایلله بعید دکلدر نتکیم نفسیه
روح الیایانده و کتاب محمدیه اوزرته اولان شرح
فرج المروحه مفصلا کشیده سلاک تقریر قلمش
و خصوص مزبوره دال اولان جمله اخبار صحیح
درج اولمشدر **الحمد** دیدی مولی خبر قد سیده
سبقت رحمتی علی غضبی **و** غضب اتمز بوامته
زیرا **رحمت** مطلقه در ذات نبی **الرابع** الفرار
من الزحف و زحف زاء معجمه و حاء مهمله ایلله
ایمکملک و آهسته آهسته کتمک و سورتتمک و قار
اوزرته سورتمک معنا رینه کلور و قاموسده
کلور الزحف انجیش ینحفون الی العدو ای میشون
و مفرد اتده کلور که اصل الزحف انجا انبعاث مع

مع جر الرجل كانبغات الصبي قبل ان يمشي وكا
البعير اذا اعى فجر فرسنة وهو بالكسر للبعير
كالخافر للدوابه وكالسكر اذا كسر فتعثر انبعاثه
وشرح رمضانده كلور كه الرحف الجيش الذي ير
لكثرة كاته يرحف اي يدب ديبا انتهى پس
بوراده فراد من الرحفن مراد غزاده دشمن ^{عسكروند}
قاچقدرو لکن مثل ايله وياضعفه مقید در یعنی
فرار اندوکی کافر حربی بر کسه و یا ایکی کسه اولسه
فراری کباردن عداولور فاما اگر دشمن ایکیدن
زیاده ایسه اول وقتده بر مسلمان اوج عدد کافردن
فرار اتمک کباردن اولماز بلکه انسان طاقت کنور
مدیکی نسنه دن فرار اتمک کر کرد رنتکیم حضرت
موسی علیه السلام قبل النبوة مصرده قبطدن فرار
ایلدی رنتکیم قرأنده کلور ففررت سنکم لما خفتکم
ودیمشلورد که الفرار مما لا یطاق من سنن المرسلین
بوندن فهم اولور که مؤمن نقدر ضعیف ینه کافرا
قویسندن قوتلورد زیرا سه شجاعت صفتی فطرت

اصلیه نك سلامتنه موقوف در ایمان ایسه اش
فطرتدر پس کافر جبن اهلیدر زیر کفرله فطرت
اصلیه یی تغیر ایلشدر و مؤمنك کندی نفسنده
ایکی دشمنی واردر که بری طبیعت و بری نفسدر
و یا خود بری نفس و بری دخی شیطاندر و بونلرک
صفتلری کفدر رنتکیم قلبك و روحك صفتلری
ایماندر پس مؤمن کندی نفسنده صفت قلب و
روحله متصف اولوب ذکر اولنان نفس و شیطان
دشمنلرینه غالب اولیجق آفاقدده دخی بو ایکی دشمنك
حکمنده اولان کافر حربی یه دخی غالب در زیر ایمان
و تقوی نور و کفر معصیت ایسه ظلمتدر ظلمت
ایسه نورله مندفع اولور انچون قرأنده کلور
واعلموا ان الله مع المتقين و بوسبیدندر که بعضر
اوقاتده ذکر جهری ایدر لر زیر دشمن و سارق
مقابله سنده تهییب و تخویف ایجون تکبیری جبر
اتمک مشر و عددر نفس ایسه دشمن و شیطان ایسه
سارقدر پس جبر اتمک بوعدو و بوسارقی دفع

اتمك ايجون در والا الله تعالى ياننده چهر و اخفا
 برابر در انچون تركيه نفس ايدنكرا اكثر حالده اخفا
 ايدر لر و يا خود ذكر قلبی ايدوب خارجده خاموش
 اوتور لر **والخامس البدعة** معلومه اولاه كه
 بدعت رسول الله دن عليه السلام و كذلك اصحاب دن
 رضی الله عنهم معروف و معروف اولان طریقت
 مسلو كه نك خلافي اوزر نه احداث و اختراع اولنا
 نسنه ي اعتقاد اتمكدر و لكن بو احداث اولنان
 نسنه معاونده و مقابله طریقیله اولور سه كفر در
 و اگر نوعا شبهه یعنی دلیل باطل ایله اولور سه
 كفر در یعنی اهل بدعتك دلیل ثابت بكنر
 و لكن فی الحقیقه ثابت دكلدر زیر اجمله سی مدخولدر
 و دلیل لری قرأندن اولق مفید دكلدر زیر قرأنده
 كلور یضل به كثير و یهدی به كثير یعنی الله تعالى
 قرأنله نیجه لرین اضلال و نیجه لرین هدایت ايدر
 پس انلر كه هدایت حقه مظهر اولمشلردر اهل
 سنت و جماعت کبی ادله قرآنی حقیقتی اوزر نه فهم

اتمشلردر بوجهت دن دلیل لری مدعالرنه مطابق
 در و انلر كه قرین ضلالت اولمشلردر فرق ضالاه
 کبی كه بتمش ایکی فرقه در انلر سوء فهم اهل اولغله
 دلیل لری مدعالرنه مطابق دكلدر پس بونلرك
 اعتقاد لرنده خلل وارد در و لكن بعض اعتقاد كفه
 مؤید در و بلکه كفر در معتزله و جهمیه و فلا^{سفه}
 اعتقاد لری کبی كه بونلر و حدانیت حقه اعتراف
 ایدوب صفات جلیله حق انكار ايدر لر مثلاً الله
 تعالى عالم بذاته و قادر بذاته در دیر لر ذات حقله
 قائم باشقه صفت علم و صفت قدرت اثبات اتملر
 پس بونلرك ایمان لری ایمان معتبر دكلدر و بعضی
 لرینك اعتقاد لری كفر مقوله سندن دكلدر پس
 کبار ثردن عد اولنان بدعت بو طائفه نك بدعتدر
 بو خسه كفر اولان بدعت دكلدر و دیمشلردر كه
 معتزله طائفه سی اهل قبله در و اهل قبله یی
 اكفار اتمك قاعده اهل سنتدر بونلر ایسه اهل
 قرأنه مخلوقدر و رؤیه الله محالدر در لر و افض

سبب تشخیص آنکه کفری کبی بونلرک جمله سی خود
کفر در پس هم اهل قبله اکفار اولماز و هم بوصفتلر
کفر در دیمک ایکیسی بریرده مجتمع اولماز نتکیم شرح
عقائدده مصرحدرد و دیمشدر در المول لایکفر
یعنی بعض طوائف تاویل ایلده خلاص اولور و کافر
اولماز زیرا کافر کفری قبول ایدندر اکفار اولنان دکل
اگرچه که هر بنسبه تاویل کو ترمن فافهم جدگا بعدنا
عهد رسول الله ده علیه السلام و عهد اصحابده رضی
الله عنهم اولیان بدعت ایکی نوعدر بری بدعت قبیمه
اودر که سنت ثابتیه مصادمه یعنی مضاربه و
مقارعه ایلیه و بر امر شرعیك علتی باقی ایکن اینی رفع
ایده فاما بر بنسبه که سنن ده احتیاط اوزرنه
معین اوله انی اشملک مستحسندر نتکیم احیاء العلو
مصرحدرد و بدعت حسنه اودر که الله تعالی امر ایدوکی
طاعات مقوله سنندن و عبادتده زیاده قبیلندن
اوله و جانب شرعدن او خصوصده نهی وارد اولیه
نتکیم شرح غریب الحدیثده مسطوردر و امام

دیلمی

دیلمی فردوس اعلی نام کتابده انش ابن مالکدن
رضی الله عنه و انشردخی رسول الله دن علیه السلام
نقل ایدر که کل بدعت ضلالة الابدعة فی عبادة
یعنی هر بدعت ضلالتدر الایجادتده اولان
بدعت ضلالتد کلدر پس او اثل شرعه ده
ابتداع جائزدر کلدر اگر عبادتده اولور سه ده
دیدوکی مدخولدر زیرا نصرت مذکوره مخالفدر
و كذلك و رهبانیة ابتدعوها ایتندن مأخوذ
اولان معنایه دخی مخالفدر زیرا الله تعالی رهبانیتی
ذم اتمدی بلکه اول رهبانیتی محافظه قلمد قلری
اوزرنه توبیخ ایلدی و رهبانیتدن مراد طاعلرده
مغاره لرده تنها او تورمق و نفاس اطعمی و
رغائب البسه یی و امثالنی ترك اتمکدر و حدیثده
کلور من سنن فی الاسلام سنة حسنة فله اجرها
واجر من عمل بها من بعده من غیر ان ینقص من اجرهم
شیئ پس بو مقوله بدعت حسنه یه سنت اطلاق
اولمق شرفی کامل امته الی یوم القیام کافیدر

بوسبید ندر که اقطاب امتدن شیخ ابو مدین
 معری قدس سره حضرتلری بعد الطعام ایکی رکعت
 نماز سنت قلدی حالا اتباعی ارا سنده امر مسنون
 اولوب قالشدر و احیاء العلومده کلور که هر
 مباح اولان نشنه صحابه دن رضی الله عنهم منقول
 دکلدر پس بر کسه وجد صحیح اهل اولوب باشندن
 وجد حالنده عمامه سی ساقط اولسه اهل وجد
 اولما یوب حاضر اولانلر کا موافقت ایجون باشلنده
 عماملرینی تنجیه و تبعید اتمک مباحدر اگرچه که
 بومقوله نشنه صحابه دن صادر اولما مشدر
 نظر ایله که حضرات اصحاب کرام رسول الله قیام
 اتمزلردی زیر اکراحت اندوکن باورلردی ولکن
 بر شهرده اکرام و تطیب قلبی مراد اولان کسه لر
 قیام اتمک عادت اهل بلد اولسه قیام لا بأسدر
 انتهى و كذلك علماء عاملین و امرآء عادینه تعظیم
 ایجون النی صدر نه قومق و فی الجملة منحنی اولق
 لا بأس اولدوغنی کتاب الاوراده مصر حدرو بعض

نهی وارد اولان نشنه لری اشملک دخی مکروه دکلدر
 صوم وصال کی زیر صوم وصالده وارد اولان
 نهی نهی تحریم دکلدر بلکه نهی ترفیه و شفقتدر
 زیرا بر نشنه نك که بزه نفعی اولسه ضرری اولسه
 انك ترك و فعلی بلا کراهه صحیحدر نیکیم و اشهدوا
 ذوی عدل منکم نظم کریمنده اولان امر اشهاد
 ایجاب ایجون دکلدر بلکه امر ترفیه و شفقتدر
 پس بر کسه اشهادی ترك اتسه آثم اولمازو
 مکروه دخی دکلدر و بعضی امور که اهل الله آنی
 اشملشرو صحتندن خبر ویر مشلدر در بس
 اول امور لری اشملک مسیحسناتدن بلکه نیجه
 ارادت صادق اهل یا ننده امور راجحه دندر
 زیرا امام شعرانی قدس سره کتاب الجواهرده ایراد
 ایدر که کلام اولیاء صادقین ادله اجتهاد دن
 اقوادر زیرا خطا مجتهد و یا کذب راوی و یا تحیل
 غلط احتمالی وارد اولیاء صادقین له حالی
 ایسه بویله دکلدر زیرا انلر حق دن بلا واسطه

اخذ اتمكه قادر لر در انچون كاهيجه اخبرني
 ربي ديرلر و حضرت شيخ صدر الدين قدس سره
 حديث اربعين شرحه ايراد ايدركه هر موجودك
 حقه ايكي جهت دن ارتباطي وارد در واسطه ايله
 و بلا واسطه پس بلا واسطه اولان ارتباط و اخذ
 انكار اتمك فلاسفه مذهبيدرو بومقامده
 اولان اذله نك تمامي نوافل حقنده تحرير اندو كن
 رساله دن طلب اولنه بعد زايتمش اوج فرقه نك
 بري اهل سنت و جماعت باقيلري اهل بدعت
 اولد قلري حديث صحيحده مسطور در و لكن
 بونلر اصحاب ظواهره كوره در و اصحاب بواطنه
 كوره دخی بشقه اهل بدعت وارد در زير ايمش
 در كه طائفة صوفيه اون ايكي فرقه در كه بري
 اهل سنت و باقيلري اهل بدعت و ملاحده در
 پس انك كه باطننده اعتقادي و ظاهرده عمل
 اهل سنتك اهل ظواهره و اهل بواطنك اعتقاد و
 عملنه موافق اوله مقبولدر و الامر دود در نيكيم

مدعيان زمانه نك اكثر بوقيلد نذر اصلح الله
 حالنا و حال جميع المؤمنين بحرمة النبي الامين
 و الملائكة المقربين بدعتيله جهان طولدي
 انخي نلر اولسه كرك جهانده دخی منهدم
 اولدي بناء سنت اني هدم ايدنه اولسون لغت
 كيملكه خارج اوله شريعتدن طوييه شته بو
 طريقتدن ايدنه كور عشق كندو كه پيشه نيجه
 برز هده بوانديشه كملكه بوله سلوك ايجينده
 فنا ايرشته منزله بي زج و عنا بعد ذا الحيا^{مله} العلو^{مله}
 كلور كه واعظ مبتدعي و عضدن منع اتمك واجبدر
 وانك مجلسنه حاضر اولق دخی جائز دكلدر مكره
 يا كندني و يا حاضر اولنلرك بعضني رد اتمك قصد
 ايليه اكر قادر اولور سه و الاسماع بدعت جائز دكلدر
 زير اقرانده كلور فاعرض عنهم حتى يحضروا في
 حديث غيره انتهى بالترجمه و اشباهده كلور كه
 اهل بدعتنه زكوة و يرمك جائز دكلدر پسر و پسر^{سه}
 اعاده لازم در و اهل بدعت ايله اهل سنت اراسنده

مناکحه دخی درست دکلدر پس اهل بدعتدن
زیاده حذر لازمدر **والسادس** الاحاد یعنی
حرم مکی که حرم الله درانده کناه اتمک صغیره
اولسون کبیره اولسون پس حرم الله ده صغیره
کبیره حکمنده در بر کبیره ایکی کبیره یرنده در
مقامک حرمتندن او توری وحتی دیمشلدرد که
بر کناه یوز بیک کناه یازیلور بر حسنه یوز بیک
حسنة یازلد یغی کبی و دیمشلدرد که اگر بر کسه
حرمک خارچنده خاطره کناه اتسه فعله کورد
ستیه یازیلور والا یازلمز فاما اگر بر کسه خریده
اندیشه کناه اتسه فعله کورد مرسه دخی کناه
یازیلور انجون سلطان المفترین ترجمان القرآن
ابن عباس رضی الله عنهما مکدن هجرت ایدوب
طائفده قراری اختیار اتدی و مرقد منیرلری دخی
اوراده در که زیارت کاه عالمیاندر و دیمشلدرد که
حرمده خذمتکارنه دوشنام و یرمک و احتکار
طعام اتمک و یونلرک امثالی الحاد دندر و قرانده کلور

ومن یرد فیه بالحاد بظلم نذقه من عذاب الیم
حتی ابن مسعود دن رضی الله عنه مرویدر که بر کسه
یمنده عدن ولایتندده ایکن مکده بر کسه فی قتل
اتمک مراد قصد ایلسه عذاب الیمه مبتلی اولور
و دیمشلدرد که حرمده الحاد اتمک خلق آنک عمارتندن
منع اتمکد روح اتمک دخی عمارتندن در پس اول
اعرابکه طریق حجاجی قطع ایدر لراکراستخار اول
ایدر لر سه کافر اولور لروالا اشم کبیر ایلده اشم
اولور لروشان حرمین شریفین زیاده عالی و مغله
بعض علما مجاورتنی مکروه عدا اتمشلدرد زیرا عهد
رعایتندن چقماق کوجدر بلکه زیارت ایدوب
ینه وطنینه عودت اتمک کرکدر مکرکه زیاده اهل
دیانت و رعایت اوله بوضورتده مرخصددر پس
بو تقریردن مفهوم اولدی که الحاد دن مراد اعتقاد
جهتیه اولان میل و انحراف دکلدر زیرا بومعنی
بدعتده داخلدر پس تکراره حاجت قلماز اگرچه
بدعتده دخی الحاد و اهل بدعتده اهل الحاد دیرلر

زیر اسنان اهل سنتدن میل انتشار در و طریق ضلالت
 دوشوب کمتشار در بعد ذابو جعفر نقلی اور زینه
 حرم شریفك جانب مشرقدن حدی التي میل و جانب
 شمالدن اون ایکی ویادورت و یا اوج میل و جانب
 مغربدن اون سکر میل و جانب جنوبدن یکر می
 دورت میل یردر سبب تحدید بودر که حجر اسود
 یواقیت جنتدن بر یا قوت و مضی ایدی محلته
 وضع اولند قد نوریه دك منتهی اولدیه
 اول محل محترمه حرم اعتبار اولندی و بعضیلر دیدر
 که الله تعالی نك خطابنه ابتدا اجابت ایدن ارض
 حرمدر انچون محترم اولدی و بعضیلر دیدر که
 حدود حرم جبرئیلک علیه السلام تعیینی ایله
 حاصل اولشدر پس جبرئیلک تعیین اندوکی
 مواضعه حضرت ابراهیم علیه السلام طاشله نشان
 وضع ایلدی و الی هذا الآن میلر ایله محدود و
 معلدر و بعضیلر دیدر که الله تعالی سماء سابعه
 اولان بیت معموری آدم ایچون علیه السلام اهباط

ایدوب کعبه مکرمه نك محلته وضع اتد کده آنک
 نوری مشرق و مغرب اراسنی اضاعت ایلدی
 بوسببیدن شیاطین هوا یوزنده اطرف عالمه نظر
 ایدوب اول نور مکه مکرمه جانبندن کورد کلرنده
 اکا قریب اولمق استدی لر الله تعالی دخی ملائکه
 ارسال ایدوب حرمك اطرفنده اعلام اولان
 مواضعده طورب شیاطینی بیت معموره اقتراید
 منع ایلدی لر انچون حرم د نلدی بوندن فهم
 اولنور که انسان کاملک قلبی منیری حرم الهیدر که
 اکا شیاطین قریب اولمغه قادر د کلدر زیر نور ذات
 ایله محترق اولور و بوندن اخذ اولنور که نفس
 کعبه مقام ذات اشارت اولمغه ایچنه شیطان
 گرمیه اگرچه که عالم صفاته ناظر اولان مطافده
 بی پروا کزرو اهل طوافی اضلال ایدر و روایت
 اولنور که حضرت اسمعیلک علیه السلام قیونلری
 حرم شریفدن طشره چقمر لر بلکه همان داخلنده
 اولنلر دی و حدوده قریب اولسیرینه حرمه

رجوع ایدر لردی فاما بوشریعتده حالا حرمک
 صیدی و شجری و از خوردن کلهی او تدن ماعد^{سه}
 حرمدر که انکله انتفاع اولنماز نیکیم محکمه
 مبتندر **والتابع** شرب الخمر یعنی اوزم صوفی
 که چیک اولوب غلیان ایلسه و مشتدا اولسه
 انک قلیل و کثیری اجمک حرامدر کبائر و ندر و
 فقهد کله که طلاء دید کلهی دخی حرامدر طلاء
 اودر که طنج اولنوب ثلثین دن اقلی قاله عجم اکاباد
 دیر نیکیم منظومه شرحنده کله که ماء عنب
 بر مقدار طنج اولسه صکره مشتدا اولسه قلیل
 کثیری حرامدر خمر دیوشمیه اولندی زیر اعقلی
 تخمیر و ستر و یا خود مخمره و مخالطه ایدر و
 حدیثده کله ایاکم والغیراء فاتها خمر العالم
 یعنی غبیرا که حمیرا و ذننده طائفه جشک
 طاریدن اتخاذا اند کلهی شراب مسکرد و جمیع ناس
 اراسنده متعارف اولان خمر کبیر که ایکی سنک
 اراسنده فرق یوقدر کذا فی المغرب و اولکه حدیثده

کلور اکل الغبیراء یورث الفصاحة بوغبیرادن
 مراد عجم سنجزدید و کیدر که اگده بمشیدر و ابو
 علی سیناء منسوب اولان باعیاتندر که کلور
 روز نوروز هفت سین خوردن مردی افزاید
 و جهان و هنر سین ستماق و سین سننوسه
 سنجزد و سیب و سیر و سرکه و سر و علاء الدین
 الترکستانی منظومه سندده بنجی دخی کبائر دن
 عدا تمشدر و لکن بنجده اختلاف وارددر که نیکیم
 کتب فقریه ده مسطوردر و خریدة العجائب نام
 کتابده کله که خمری ابتدا ملوک عجمدن جمشید
 نام پادشاه استخراج اتمشدر سبب عمر بده اولغله
 بواست اوزر نه محرم اولدی زیر مفتاح الشرواق
 الحباشندر و حدیثده کله که اذا وضع الرجل
 قد حامن خمر علی یدیه لعنته ملائكة السموات
 والارض فان شربها لم تقبل صلاته اربعین لیلة
 وان داوم علیها فهو کعابد الوثن کما فی القهستان
 و بعض کتب فتواد کله که بر کسه شرب خمر معناه

اولوب صکره توبه ایدوب مریض اولسه دفع مرض
 ایجون تکرار شربی جائز دکلدر اگر شرب اقیوب
 اول مرض سببیده وفات ایلسه آثم اولماز بلکه
 مأجور اولور و خمره قنوه دخی دیرلر زیر اشتهوت
 طعامی ازاله ایدر و مدامه دخی دیرلر کوپده ^{مندن} دوا
 اوتری و یاد و ام شربندن اوتری و عقار دخی دیرلر
 ضمه کوپه معاقرت و ملازمتندن اوتری و هدیه
 المهدیتین ده کلور که بر کسیه دیسه لکه پیر
 اولدک و هنوز شرب خمر ایدر سین نیجون توبه
 اتمز سین اولدخی هیچ کسه اناسی سدنندن صبر
 ایده بیلور می دیسه کافر اولماز دیمش لر یعنی
 مرادی شرب خمر دن صبر ایدر مم صبی اولان اناسی
 سدنندن صبر ایده مدوکی کبی دیمک ایسه و اگر
 مرادی سد کبی حلالدر دیمک ایسه کافر اولور
 زیرا استیلا بمعصیت کفر دینتکیم آفون یمک
 سنتدر دین کافر اولور **والثامن** الزنی مدله
 وقصر له ^{مرأه} اجنبیه فی عقد شرعی سز و طه اتمکد

مکرکه بر کسه بر اجنبیه فی کندی خاتونی ظن
 ایدوب و طه اتمکد اکازنی دیمزلر زیر اشتهوت ملک
 وارددر انکچون حد لازم کلر و شهوت ایله اجنبیه
 عورتیه نظر اتمک دخی زنا یه ملحقدر زیر اتمک
 مقدما تندن در و حد یتده کلور که زنا اتمک طاعون
 سببدر زنا ده هلاک معنوی وارددر یعنی زنا دن
 حاصل اولان ولدک پدیری مجهول اولمغله مرقی سز
 قلوب هلاک اولور انکچون حق تعالی دخی هلاک
 صوری ایله ^{مبتل} ~~هلاک~~ ایلر زیر اهر عملک کندی ^{جسندن}
 جزاء وفاق و مناسبی وارددر و بلاغات مجشیده
 کلور اذا کثر الطاغون ارسل الله الطاعون
 یعنی فتن دیناده طغیان اهلی کثیر اولسه الله تعالی
 انزلک و غیر لریک اوزرنه طاعون کونددر زیر
 بلائک نزولی عموم اوزرنه در تا که صالحلره رحمت
 وفا سقلره عذاب اوله انکچون جمعیت ایدوب
 طاعونی رفع ایجون دعا اتمک یوقدر زیر طاعون
 سائر نوازل کبی دکلدر اگر جکه ابن النجیم اشباه

نام کتابده فی الجمله تجویز ایدر و لکن اصح اولان اول
کیدر نتکیم طاش کوپری زاده رساله سنده ^{مصر}
والتاسع اللواطه لواطه لوط علیه السلام
قومینک فعل شنیعیدر که فاعلی لسان نبوت
اوزرته ملعون و قتله و یا الحراقه و یا اوزرته
هدم حایطه مستحق اولشد و انوار المشارق
نام کتابده کلور که لواطه ده عند الامامین حد
واجبدر زیر امامین لواطه بی زنا یه الحاق
اتمشلرد و امام اعظم رح قوی بودر که لوطی
اولان کسه تغیر اولوب توبه سی ظاهر اولج
زندانه حبس اولور فاما بونک سرتی شرح
اکملده بیان ایدوب دیر که ظاهر اولان بودر که امام
اعظمک ذاهب اولدوغی نسنه اول فعل شنیعی
استعظام طریقیه در زیر انک قبچی اول مرتبه
دکلدر قتله و یا زنا یه ترتیب اولنا جزا کی
اکادخی جزا ترتیب اولنه بلکه تغیر اتمک تسکین
فتنه ایچونددر نتکیم یمین غموسده امام اعظمک

مذهبی عده وجوب کفار تدر زیر اعظمندن
او تری کفار تله مستتر اولیجق نسنه دکلدر ^{سؤال}
اول نورسه که اگر چه غلاوه محل حرث و تولد دکلدر
لکن قضاء شهوت و استیفاء لذته محلدر پسر
مقتضاء عقل بودر که مالک اولان کسه ملکنده
کیفما یشاء متصرفدر جواب بودر که شرع اول
محلده تصرفه اذن و یرمدی کی محاکم غایت قبا ^{حت}
و نهایت خباثتندن او تری در انکچون حیض
حالنده خاتونلردن اعتزال ایله امر ایلدی نتکیم
قرآنده کلور قل هو اذی فاعتزلوا النساء فی
الحیض و مجرد مماوکیست مملوکه تصرف اقتضا
اتمز نتکیم بر کسه مجوسیه که آتش پرست و یا
و ثنیته که بت پرست در مالک اولسه اسلامه
دخول اتمد که تصرفلری جائز اولماز و کذاک
بر خاتونک عبد مملوکی اولسه آنده دواعی و طه
اولان تقبیل و تفحیذ و امثالی ایله تصرف جائز اولما
بس اگر بر کسه مملوکنده تصرف جائز اولسه

عورت ته دخی بطریق کندی مملوکنده بطریق الاولی
 جائز اولوردی زیر محل حرثدربوایسه مشروع
 دکلدر وبرکسه کندی منکوحه سنه ویا جاریه
 سنه ویا عبد مملوکنه لواطه انسه حد لازم
 کلز واجنبیه یه لواطه انسه امام اعظم دن
 حد مرویدر ولکن بومقوله لری دخی لواطه دن
 عد اولور زیر احقنده وعید شدید وارد اولشد
 تنکیم حدینده کلور لا ینظر الله الى رجل اتى
 رجلاً و امرأه فی الدبر ولکن عورت ایله اولان
 لواطه ^{لواطه} یه صغری دیر لر وبرکسه کندی خاتونیه
 اولان لواطه یه بی استحلال انسه علی الاصح کافر
 اولمازدیوشرح عقائد ده مسطور در ولکن
 حیض حالنده خاتوننه وطی استحلال انسه
 کفرنده اختلاف اولندی نوادر ده امام محمد دن
 روایت ایدوب لایکفر هو الصحیح دیر ولکن علم
 اصولده کلور که وطی حائضی حلالدر دین کافر
 اولور زیر حرمت اجماع امت ایله ثابت اولشد

وبرکسه طلاقه یمین ایدوب حرام نشسته ارتکاب
 اتیم دیسه خزانة الفتا واده کلور که بو حرام
 زنی ویا لواطه کبری ویا لواطه صغری اوزرنه
 واقع اولور وبرکسه بر غلام آمردی فعل شنیعی
 ایده جکن ظن اتدوکی کسه یه صائم مکر وهدر
 زیر معصیت اوزرنه اعانت اتمش اولور پس
 سده ذریعه لازمدر ولکن بوندن فهم اولنور که
 اوزر صوینی مستند اولمزدن اول انی خمر اتخا
 ایده نه بیع اتمک مکروه اوله زیر بونده دخی
 اعانت علی المعصیت وارد ر مع هذا فتا واده عصیر
 عینی خمر اتخا ایدن کسه یه بیع اتمک بلا کراهه
 جائزدر مکر بومعنی کافره بیعه مقتدا اوله زیر
 کافره شرب خمر ک فوقنده کفر دخی وارددر پس
 مسلمانی بومقوله نشسته دن صیانت ایدوب
 معصیتنه سبب اولما مق کر کردر ولکن بوا عصار
 در میخانه کشاده واهل اسلامک دخی نیجه لر
 اهل باده اولمغله اوزمی واوزر صوینی کافره

بيع اتمك تقواند نكدر ذيرافي الجمله معصيته
 اعانت وارد در فافهم جدا و عمل قطعاً بعد از
 ديمشردر كه حرمت لواطه عقليه در پس جنتده
 لواطه نك وجودي يوقدر و بعضيلرد ديمشردر كه
 حرمتي سمعيته در پس جنتده وجودي وارد و
 بعضيلرد ديمشردر كه الله تعالى جنتده بر طائفه
 خلق ايدر كه نصف اعلا لري صفت ذكور و نصف
 اسفل لري صفت اناث اوزر نه اولور و لكن صحيح
 اولان قول اولدرد يو مناقب كردري ده مسطور در
 نتكيم ابن نجيم اشباه نظائر ده نقل ايدر كه ^{اتمشدر}
 و لكن شارح اشباه اولان زيرك زاده ديد كلري
 جاهل و خبيث بو مقامده نظر ايراد ايدوب دير كه
 الله تعالى نك رحمتي واسعه در و قرأنده كلور كه
 يطوف عليهم ولدان مخلدون بس بوندن فهم
 اولنور كه جنتد خوب و محبوبلر اوله بو مقوله
 لرايسه مشتهي اولماق بعيد در و دنياره غير
 معقول اولان لواطه نك خلاف وضع و مستقذف

و سبب قطع نسل اولما سيدر بو محذورات ايسه
 جنتده يوقدر و الله تعالى اهل جنت ايجون بو مقوله
 تازه لري خلق اتمك بعيد دكلدر بلكه و لهم فيها
 ما يشتهون آيتنك عمومي انلرك وجودني مقتضيه
 در انتي كلامه بالترجمة و بعض علماء خبيث مذكور
 جواب و يروپ بيور مشدر كه صحيح اولان بودر كه
 جنتده لواطه اولما زير الله تعالى اني استبعأ
 واستقباح اتمشدر نتكيم قرأنده كلور ما سبقكم
 بهامن احد من العالمين و اكما خبيثه ديمشدر
 نتكيم تنزيله كلور كانت تعمل الحياث جنت
 ايسه خباثتدن منزهدر انتي بالترجمة پس
 خبيثك وجودني تجويز ايدن دخی خبيثدر زير
 اديانندن برد ينده زنا و لواطه مقوله لري نك
 خمر كبي حلال اولدوغی يوقدر پس انلرك جنتده
 وجودي مقتضاي حكمت دكلدر و عموم آيت
 مذكوره دن لواطه يي اشتها لازمه كلر زير اسوره
 زخرف تفسير نده اسوله مفسحه ده كلور كه الله تعالى

اهل جنتی محال و یا منتهی عنه اولان نشسته بی
 اشتها اتم کردن عصمت ایدر انتهی بالترجمه پس
 جنتده ولدانک وجودی خدمت و نظر ایله
 تلذذ و غیره مصالح خفیه ایچوندر نتکیم الله تعالی
 دنیاده بسا تینی نظر ایچون خلق اتمشد و حور
 عینی ایکی وجهله تلذذ اتم کردن او توری خلق اتمشد
 پس ولدانی حوره قیاس اتمک اولماز و بومقامک
 تمام روح البیان نام تفسیر مزده در آند
 مطالعده اولنه والله الحافظ **وَالْعَاشِرُ قَذْفُ**
الْمَحْصِنِينَ وَالْمَحْصَنَاتِ بِالزَّانِي قَذْفُ اصلنده روحی
 بعید در انکچون مسافه بعیدده اولان منزله
 منزل قذیف و بلدی بلده قذوف دیر لر صکره روحی
 کبی شتم و عیب ایچون استعاره قلندی پس
 قذف المحصنه و در ماها دیمک محصنه بی شتم اند
 و آنی زنا به نسبت قلدی معناسنه در واحسان
 اودر که مقذوف اولان کسه حر و عاقل و بالغ و
 عقیف یعنی زنی و فواحشدن محفوظ اوله و

و تعریفانده کلور الاحصان ان یكون الرجل
 عاقل و بالغاً حراً مسلماً دخل بامرأة بالغة عاقلة حرة
 مسلمة بنکاح صحیح انتهى یعنی کبائر دند که ذکر
 اولنان صفتلرله ستصف اولان رجل و مرأی شتم
 ایدوب زنا به نسبت ایلیه مثلاً یازانی و یازانیه
 و یا ولد الزنی و یاروسبی و یا جلب و یا بونلرک
 امثالنی دیه پس بوضوئده حد قذف لازم کلور
 یعنی اگر قذفی اقرار قاذف و یا بینه مقذوف ایله
 ثابت اولور سه قاذفک پنجه لو و یا کورک مقوله
 اولان لباسلری اوزرندن ترع اولنوب اعضاسنه
 مفرق جلد ثمانین اولور نتکیم قرآنده کلور
 فاجلدوهم ثمانین جلد و لکن حد زناده جلد
 مائه در حد زناده ستره دن ماعدا اولان لباسلر
 بالجمله تجرید اولور تا که الم ضرب اعضاسنه
 واصل اوله و بونده بینه دن مراد ایکی شاهد در
 ایکیسی دخی رجل اوله بریسی زن اولینه و اگر
 بر کسه غضب حالنده ایکن آخره سن حاشا

فلا نك دكلسن ديسه قذف اتمش اولور واکر
 غضب حالي دکل ايسه معاتبیه محمول اولوب سن
 محاسن اخلاقده بابا که بکزه مرسن ديمک اولور
 واکر فحبه اوغلور ديسه درد قولي اوزره حد لازم
 کلز زير الفاظ تعزير دندرو هديه المهد ينده
 حد اولور بس بوقول اوزر نه الفاظ قذفن عده
 اولور و برکسه آخره يازاني ديسه آخردخي اکا
 زاني سن سين ديسه ايكسي دخي قذف اهلي اولوب
 حد اولور لرفا مایا خبيت ديسه اولدخي اکا خبيت
 سن سين ديسه برابر اولور لروساثر الفاظ دخي
 بوکا قياس اولنه و لکن برکسه آخره يالوطی ديسه
 عند الامامين حد لازم کلور و فتاواي زنيته ده
 کلور که برزقي برزقي يي قذف ايلسه تأديب
 اولور فقط و برزقي برزقي يه ايله زنا ايدوب
 زنا سي طريق شرعي ايله ثابت اولسه جلد ايله حد
 اولور لر جمله دکل و فتاواي قاري الهدايه ده
 کلور شارب الخمر اولان زقي حد اولماز و لکن حسن

ابن زياد

ابن زياد حد اولور ديو فتوي ويرمشدر و بعض
 علما بوفتواي حسن کور مشلردر زير اهلا ديان
 حرمت خمره اعتقاد استلر شرب خمر اتمکله احکام
 مسلمين اوزر نه دخي جاريدر فاما بوکلور مده
 نظر واردر زير شرب خمر شرع محمدي ده حرام
 اولمشدر بس اهلا ذمتک حرمت خمری اعتقاد
 اتد کلري مجهول و مرجوحدر زير انلردين ماضي
 اوزر نه ماضي لردر و فتاواي عدليه ده کلور که
 برکسه مؤمنک موضع ايمان و قرآن اولان اغر نه
 شتم ايلسه بعض علما قولي اوزر نه کافر اولور
 زير قرآن نه شتم اتمش اولور و بعض علما ديديلر که
 کافر اولماز و لکن تعزير شديد و استغفار لازم
 کلور و عليه الفتوي انتهى بالترجمة فمؤمن محل
 قرآندر اني شتم ايلز اهل تقوي عدم کفر نه
 اولوب ذاهب کرجه دير لر عليه الفتوي **الحکامي**
عشر اکل مال اليتيم ظلماً يتم صبي نك قبل البلوغ
 بابا سندن انقطاع ايدر و لکن انسانک يتيمي جاب

و حیوانك بی امر اولاند ریعی مال یتیمی بغیر حق
 یمك کبائر دند فاما اگر وصی اولان کسیه مال
 یتیم دن یتیم او زرنه قیام و خدمتی مقداری اجرت
 دیو الووب اکل ایلسه لا بأسدر اگر چه احتراز افضل
 در کما فی تفسیر ابی اللیث و قرآنده کلور ان الذین
 یا کلون اموال الیتامی ظلما انما یا کلون فی بطونهم ناراً
 و سیصلون سيعبرگ یعنی وجه غیر شرعی ایله اموال
 یتامی بی اکل و اتلاف ایدنلر قارنلری طولوسی سبب
 نار جهنم اولان نسنه بی اکل ایدرلر و بالآخره جهنم
 کروب عذاب جسمانی بی حشر ایدرلر و ایت اولنور
 مال یتیمی اکل ایدن کسیه قبرندن قیام اتدوکی و قنده
 اغرنندن آتشلر صاحبله و بعضر و یا تده قبرندن
 و اغرنندن و بورنندن و قولقلرنندن و کوزلرنندن
 د خان جهنم خروج ایده بو علامت ایله اهل محشر
 انلرک مال یتیم اکل اتدکلر فی بله لر بس کرچه دنیا
 صور تا آتشک سببن اکل اتدیلر فاما اول سبب
 فی الحقیقه آتش ایدی و لکن کمال کثافت و غلظت

حجابلرندن احساس اتمزلردی پس آخرتده یقظه
 تامه حاصل اولدقده فذوق العذاب نداسی وارد
 اولوب علی الکمال عذابی ادراک ایده لر و سائر
 صفات رزیده و صفات حمیده دخی بویله در
 انکچون شهید اولنلرک قانلرندن مسک رایحه
 ظاهر اوله پس دیناره قان ایکن دخی آنده مسک
 رایحه سی و ایددی فاما اثری نشانه اخرویه ده
 ظهور اتدی زیرا دنیا دار غفلت و آخرت دار یقظه
 در الحاصل مال یتیم محض آتشدر مکر خدمت
 مقداری اولان نور اوله ن تکیم قرآنده کلور
 ولا تقربوا مال الیتیم الا بالاتی هی احسن و شرح
 د مضانده کلور که قضاة زمانک حق قسمت
 دیو الدقلری نسنه نک اصلی مشر و عدرا کرانلرک
 ایجون بیت المال دن تعیین حق اولنمدیسه فاما
 کیتی مشکله در یعنی حق قسمت دیو نقد ر نسنه
 المق کر کرد رانی تعیین اتمک مشکله را کر چه بیکده
 یکر می بشد ایجه دیو الور لر انک دخی آدی وارد

بلکه بیکده اللی اچقه و یا خود یوز اچقه و یا خود قادر
 اولد قلرن الوردلر و وار ثلره خصوصاً یتامی یه ظلم
 ایدر لر الا لعنة الله علی الظالمین و قرأند کلود
 وان تخالطوهم فاخوانکم فی الدین یعنی یتامی ایله
 مخالطه اتمک اگر مالده و اگر غیری خصوصاً ده اصلاح
 طریقیه اولور سه لا با سدر و اگر اضرار طریقیه
 اولور سه منهیدر اگر چکه اصلاح صورتده دخی
 احتراز افضلدر و تفسیر تیسیرده کلود که بو آیت
 ایله استدلال اولور که سفرده رفقادن هربری
 برر مقدار مال چقارب خلط اتمک کدن صکره انکله
 طعام اکل ایله سلر مرخصدر انتی بالترجمة و خلق
 ارا سنده عارفانه دیوا خراج اتمک لری مال دخی
 بویله در و لکن بعد التناول استحوال اتمک اولی در
 و یا خود بر امین آدمه تبرع ایدوب اتمک کر کرد زیر
 برابر اولد و غی صورتده بلکه اکلری مساوی دکلر
 پس قلت اکل اهلی کثرت اکل اهلی اولان حقنده بی
 حضور اولور نتکیم رفقاء حجه غالبدر بناء علی

هذا

هذا تقوی ایله عمل اولنه و اشباه نظائرده کلود که
 یتیمی بلا اجرة استخدام اتمک حرامدر اگر چه خدمتی
 فرنداشنه و یا استاذنه اولور سه ده مکر و ^{سنة} والده
 اوله و یا استاذی انی شریکی احضار ایچون کونده
 و ذخیره نام کتابده کلود که بر عبد و یا بر صبی
 بر حوضک صویندن بر د اقلرین طولد و رب بعد
 بر مقدار فی اول حوضک ایچنه دو کسلر اول حوضک
 صویندن کسه یه ایچک حلال دکلر زیر اکندی
 ملک لری نی ماء مباحه خلط اتمش اولدی لر ایکی سنی
 ایسه بر برندن تمیز اتمک ممکن دکلر و کذلک
 بر صبی بر ماء مباحدن بر داغن طولد سه اگر
 با یاسی و اناسی غنی ایسه لر اول صودن ایچک
 انلره حلال دکلر زیر ا صوبعد الاخذ انک ملکی
 اولدی پس احتیاج یو غنیکن انک مالندن اکل و شر
 اتمک حلال اولماز **والثانی عشر** شهادة الزور
 زور ضمه اصلنده زورده اولان انحرافدر زور
 فتحله وسط صدر در صکره کذب زور دیدیلر

زیرا کندی جهتندن مایل و منحرف در وصفه دخی
 زور دیدیلر زیرا کذب و حقدن میلدر یعنی
 شهادت کاذبه دخی کباثرند در کرب ابطال حق
 ایچون اولسون و کرب غیره معنی ایچون و قرآنده
 کلور واجتنبوا قول الزور وینه عباد الرحمن
 وصفنده کلور والذین یشهدون الزور پس
 کذب مطلقا و شهادت کاذبه قبایح ذنوب و فوا^{تحت}
 عیوبیدندر انکچون رسول الله علیه السلام اکبر
 کباثری بیان ایدر کن قول زور و شهادت زورده
 منتهی اولد قلرند و متکی ایکن مستور اولوب^{ایکسنی}
 اوج کره تکرار اتدیلر و شرح مشارقده کلورده
 سببی بودر که بوا یکسینک خلق اراسنده و قوع
 اسهلدر و بونلر اوزر نه خلق حمل ایدن کثیردر
 عداوت و غیره کبی و کذبک مراتبی متعدد و مستفا^{وید}
 پس بر عقیف آدمی ز نایه نسبت اتمک ایله کذب
 غیره کذب لری کبی دکلدر و کذلک الله تعالی و رسول
 الله اوزر نه کذب اتمک سائر لرا اوزر نه اولان

کذبندن

کذبندن اعظمدر **والثالث عشر** اکل الربوا یعنی
 ربا ایله انتفاع اتمک دخی کباثرند در کرب اکل ایله
 و کرب غیره وجهله بس اکل تخصیص بالذکر و النقص
 ربونک معظم منافی اولمغله در و الاربا اولدقن
 صکره هر نه وجهله تصرف اولنور سه حرامدر
 مثلاً ربا ایله النان ثياب و حطب و صابون و
 بونلرک امثالی جمله سی حرامدر و ربا اصلنده^{در}
 مال اوزر نه زیاده لکدر صکره شریعتده علی وجه
 دون وجه اولان زیاده یه مخصوص اولدی یعنی
 شریعتده ربا عوضندن خالی اولان فضلدر که
 احد عاقدین ایچون شرط اولنه جابردن رضی الله
 عنه فرماید که رسول الله علیه السلام حضرت لری
 ربایینه ویدور نه و کاتبنه و شاهد نه لعنت
 ایلدی و برکسه ربا ویردوکی کسه یه بن بونی
 سکا دیو ویرم بلکه حلال ایدرم دیمکله حرام
 اولان نسنه حلال اولمازانکچون برکسه الله تعالی
 حرام اندوکی نسنه یی بن حلال ایدرم دیمک کفردر

مکر تاویل ایله اوله مثلاً شرابی علاج ایله سرکه
اتمک کبی زیر بعضی سنه لر واردر که عمل و علاج
ایله ضد نه منقلب اولور و عبدالله بن سلامدن
رضی الله عنه مرویدر که ربانک بتمش ایکی کنایه
وارد راد ناسی کشی کندی اناسیله زنا اتمک
کبیدر و دیمش لر در که ربا ایچون حیلله اتمیه
بوزمانده مشهور اولان معامله کبی و نقایه ده
کلور که بر حیلله که خلقه ضرره مؤدی اولسه
انکله عمل اتمک جائز در و صاحبی آثم اولماز و دبا
خلاص اولور و اگر بر کسه یه ضرره مودی
اولور سه فتواده جائز ایسه ده دیانتده جائز
دکلدر انجیون اسقاط زکوة ایچون حیلله اتمک
کرکدر زیر الحق فقرادر پس فقر اول حیلله ایله
متضرر اولور پس حیلله بعضی مواضعده مسلم
دکلدر مثلاً بر کسه نك احتیاجی یو غیکن مجرد
تکثیر مال ایچون دور شرعی ایدوب ربا اکل اتمیه
زیر انقوا یه مخالفدر و بر کسه آخردن استقراض

اندکه

اندکه آخردخی قرضده ریج یوقدر دیو مستقرضه
اون بشراقیه بر متاع صا توب مستقرضدخی
اول متاعی بقده احتیاجی اولغله مقرضه بشراقیه
نقصانته ویرمک منهدر اگر چه دور شرعی
دید کلری حلالدر دور شرعی بودر که مستقرض
مقرضه اون اقیه قیمتو بر متاعی ینه اون اقیه
بیع ایدوب بعد التسلیم مقرضدخی اول متاعی
مستقرضه برسدنه یه دك اون ایکی اقیه بیع
ایده زیر بر کسه بر اقیه دکر متاعی بیک اقیه
صاتمق فتواده جائزدر غبن دعواسی مشتری نك
جهلی صورتیده در معامله مذکوره ایسه مشتری نك
کندی معرفتیه و اختیار یله در و بعضی احادیثده
کلور که قال علیه السلام لرجل اشتری صاعاً من
تمر جید بصاعین من تمر دی هلا بعت تمرک ^{بسلعة}
ثم اتبعت بسلعتك تمرک کذا فی النقایه اشته
بوحدیته نظر ایدوب حیلله شرعیته ایله عمل ایدر
وربادن احتراز لازم اولدوغی کبی جبر منفعت

ایدن قرضدن دخی حذر کر کرد زیرا بایه مشاهد
مثلا بر کسه یه بطریق القرض مال ویر مشر اولسه
اول کسه نك دیواری سایه سی ایله منتفع اولیه
نتکیم امام اعظم رحمه الله تعالی حضرت تری مدیون نك
قبوسن قرع ایدوب بعده گذشده طور ردی تاکه
انك ظل حایطی ایله منتفع اولوب جر منفعت اتمیه
و کذلک مستقرضدن هدیه دخی المیه مکرکه ارالر
قرابت و یا قدیمدن صداقت و یا هدیه ویرن جود
کرم ایله معروف اوله بوصول تکرده تورع لازم دکلر
بلکه جبر خاطر ایچون مسملک هدیه سنی قبول
اتمک کر کردر والا اگر قرضدن اوتری اهدا اندوکی
معلوم اولور سه تورع ایده بعد ذار یا کیل ایله
مکیل و یا وزنله موزون اولان اشیا ده جاریدر
بس حیوانات و مزروعات و معدوداته در با جاری
دکلر حتی بر کسه یوزعدد جوزی ایکیوز جوزه
بیع اتمک جائزدر و قلیل اولان نشنه ده در با جاری
دکلر مثلا بر ذره التونی ایکی ذریه و یا براوج

بغدی ایکی اوج بغدادیه بیع اتمک کبی زیرا با اولغه
مکیل و تده ادنی مرتبه نصف صاع اولق کر کردر
جنسیت دخی شرطدر بس بر کسه حنطه بی شعیره
و یا عکسله مبارله اتسه احد طرفینده فضل بولور
ده جائزدر و لکن ذهبی ذهبیه و یا فضیه بی فضیه
تبدیل اتسه ورنده مساوات لازمدر بوا عصاره
ایسه نفودک اکثری زیوف و بنهرج مقوله سی و ورنده
خفیفدر بس بوصول تده خفیف اولان جانبینه خلاف
جنسیدن بر نشنه ضم ایدوب انکله صرف و مبارله
اتمک لازمدر و مجازفه ده یعنی کوتری اولان نشنه
لرده فضل جاری دکلر یعنی بر کسه مجازفه طریقله
بر مقدار لحم و یا خور حنطه السه اول لحمی وزن و اول
حنطه بی کیل اتمدن اکل اتمک حلالدر بیعی دخی بویله
در یعنی مجازفه بیع اولنان نشنه بی مشتری اولان
کسه دخی بویله در بیع اتمک بویله در و خلاصه
نام کتابده کلور که بر کسه بر قصابدن وزنله لحم
اشتری ایلسه اگر قصاب اول لحمی وزنله اشترا

ایلسه اگر قصاب اولحی وزن ایله اشترا اندیسه
 مشتری ده ثانی دخی اعاده وزن اتمد کجه اکل حلال
 اولماز و اگر کندی قیوننی ذبح اندیسه اندن اول
 لحمی اشترا ایدن کسه وزن ثانی یه محتاج دکلدرو
 كذلك بر کسه بر نسنه بی کیل و وزن شرطی ایله
 اشترا اتمسه بلکه بش اقمه لق لحم و اون اقمه لق
 بغدای و یرد یسه کیل و وزنی ذکر ایدوب بر کیل
 و یا بروقیه دیمسه اعاده کیل و وزنه محتاج دکلدرو
 و آنکله قبل الکیل و الوزن انتفاعی حلال اولور پسر
 بوم مسئله ده سهولت اولمغله زمانه خلقنه آخوطة
 زیرا حرامدن و شبهه دن خلاص اولور لرو حق
 غیری تناولدن نجات بولور لر **الرابع عشر**
 الاكل فی نهار شهر رمضان متعمدا یعنی شهر رمضان
 کوننده عمدگ یمک و ایچمک کباشرد ندر اگر صومنی
 نسیان ایدوب اکل و شرب ایلسه معفود روصومی
 دخی منتقض اولماز مگر بر نسنه که خطا طریقیله
 واقع اولسه بوصورتده صومی قضا ایدر کفارت

مثلا ابدست الورکن بوغازینه صو کتمک خطادر
 و حدیث مرفوعده کلور من افطر یوما من رمضان
 من غیر رخصة رخصها الله لم یقض عنه صیام
 الدهر رخصدن مراد سمح شرعدر یعنی سفر
 و مرض و حمل و حیض و نفاس و شیخوخت و رضاع
 و عطشدر و فتاوی ذینیه ده کلور که بر کسه نه
 رمضانده چهارگ و متعمدا افطار ایلسه قتل لازم کلور
 زیرا مستهزی بالذین در و کنز الفقهاء ده کلور که مقیم
 اولان کسه نهار رمضانده متعمدا افطار ایدر سه
 تغزیر و حبس اولور اگر ثانیا افطاره عود تدن
 خوف اولور سه انتهى بالترجمة بس کنز کلامی
 محد ستر افطاره محمولدر زیرا بوصورتده دخی
 حرمت شهری هتک اتمش اولوب تغزیره مستحق
 اولور فقط نیکیم نخبه الفساولره الفوائد ده
 مسطور در و بونکله کلام فتاوی ایله کنز
 اراسنده تفریق حاصل اولدی و عیون الحقائق ده
 کلور که بر خاتونک زوجی و یا بر جاریه نک مالکی

بدخوی اولسه اول خاتون و اول جاریه لسانلریله
 شور باطامق لا بأسدر کرک صوم فرسده و کرک
 نافله ده و محیط ده کلور که صائم اولان کسه
 غسل و یا بر طعامک جید و ردیسنی بلوب مغبون
 اولمقدن اوتری اندن طائسه لا بأسدر و بر صبی
 طعامله تعیش ایدر اولسه انک ایچون بعض نشنه
 چینمک مکروه دکلر اگر طعام چینر بول نماز سه
 زیر بر خاتون ولدی اوزر نه خوف ایلسه افطار
 اتمک جائز اولیچو چینمک اولی در و فتا واده کلور که
 بر کسه نه ار رمضان ده طوز دید کلری نشنه نک
 کندنی طائسه و یوتسه اگر قلیل ایسه صومی ^{منقوض}
 اولدوغندن ماعد کفارت دخی لازم کلور و اگر کثیر
 ایسه کفارت لازم کلز زیر طوزک قلیلی نافع و کثیر
 مضر در و اگر خارجدن بر موصام دانسی یوتسه
 قضا و کفارت لازم کلور و اگر چینر سه لازم کلز
 زیر امضغله متلاشی اولور و اگر بر کسه دو ^{سنتک}
 ریقی ابتلاع ایلسه کفارت لازم کلور زیر ^{حب}

بغیضی کی دکلر بلکه انک ریقی لذیذ در طوزک
 قلیلی کی و بر کسه شهر رمضانده سفر ایدوب
 صکره دونوب بر حاجت ایچون اوینه کلوب
 اوراده نشنه اکل ایلسه قضا و کفارت لازم
 کلور و اگر شهر رمضانده بعد الصبح سفر ایلسه
 لایق اولان بودر که اول کون افطار اتمیه اگر
 افطار ایدر سه کفارت لازم کلز و کذلک بر مسافر
 نه ار رمضانده اوینه کسه و یا بر موضعده اون
 بش کون اقامت نیت ایلسه اول کونک بقیه سنی
 امساک ایلر یا وجوب یا استحسانا و لکن دیشلر
 در که وجوباً امساک اتمک صحیحدر زیر حق وقت
 وارد و بعد الطلوع حیض و نفاسدن پالت
 اولان خاتون و بلوغه کلز صبی و صبیته و مسلمان
 اولان کافر دخی بویله در و لکن صبی بالغ ایله کافر
 مسلم اول کونی قضا اتمز لرسا ثلری قضا ایدر لر
 و بر کسه عمداً افطار اتمش اولسه و یا خطا و یا
 اگر اهله و یا خود یوم شک داخل اولوب اول کونک

رمضانیتى ظاهر اولسه بونلرك جمله سى بقیه یومی
 امساك اتمك ولجیدر والا آثم اولور لرو برکسه
 صومه نیت اتمیش اولسه قبل الزوال اکل ایلسه
 عند الامامین کفارت لازم کلور زیرا هنوز نیتك
 وقتی خروج اتمیشد و اگر بعد الزوال اکل ایلسه
 عند الكل کفارت لازم کلز و برکسه محترف محتاج
 اولسه اگر حرفت و صنعتت مشغول اولغله کندن
 مبیح فطر اولان ضرر لاحق اولاجغن بیلور سه ده
 مریض اولمازدن اول افطار اتمك حرامد و دیمیشلد
 که خباز اولنلره لازمدر که نصف نهاده دك
 اشلیوب اندن صکره احشامه دك مستریح اوله
 پس چاثره کلدر که مبیح فطر اولان ضعفه موصل
 اولان ایشده بولنه و برکسه برحق اولان عملده
 وجود نه تعب و یروب صوسزلق غلبه ایدوب
 افطار ایلسه کفارت لازم کلور زیرا مسافر و مریض
 مقوله سى کلدر پس بوندن یا زکونلرینك حرارتند
 اوراق بچنلرك و بونلره بکزرلرك حالى معلوم اولدی

یعنی بونلر اوراق و غیره ایشد ایچون افطار ایلسه لر
 کفارت لازم کلور مع هذا وقت خوفه کلدن افطار
 ایدر لر پس انلره کر کدر که سحر اعلادن قوشلق
 وقتته دك ایشلیوب حرارت مشد اولدیغی وقتده
 ایشی ترك ایدر لرو مستریح اوله لر خباز کبی فاما
 جاریه مقوله سى بویله دکلدر زیرا اگر جاریه یه
 مالکینك ملخ و خبر و غسل ثیاب کبی عملندن ضعف
 اصابت ایلسه و هلاکدن خوف ایدوب افطار قلسه
 کفارت لازم کلز بلکه قضا ایله اکتفا ایدر و دیمیشلد
 در که زوجه دخی زوجنه کوره بویله در زیر داخل
 بیتده اولان خذ متلری اشلیك انك اوزرنه دیانه
 واجبدر حتی اشلیسه آثم اولور اگر چه قضاء جبر
 یوقدر نیتکیم مجالس رومیته ده مصر حد رفاعرف
 جدا و اذروا عمل **والخامس عشر** مقاطعة الرحم
 رحم کتف وزنی اوزرده ولد حاصل اولدیغی یروآنك
 ظرفیدر بیت سببت الولد و وعاءه معناسنه صکره
 قرابت ایچون استعاره اولندی زیرا اصلنده جمله سى

بر رحمتن خارج اولمشلورد یعنی قطع و قرابت اتمك
 دخی کبائرند در اگر امور دنیویته دن او توری
 ایسه و اگر دین ایجون ایسه قطع لازمدر نیکیم
 والدین حقنده کلور و از جاهداك علی ان تشرك فی
 ماليس لك به علم فلا تطعهما بوسبیدن گلستان
 نام کتابده شیخ سعدی قدس سره بیور رجون
 نبود خویش را دیانت و تقوی قطع رحم بهتر از نمودن
 قربی بس اهل بدعت و اهل هوی اولنلری هرکیم
 اولورسه ترك اتمك لازمدر توبه لری ظهور نهدك
 زیرا بو ترك حق الله ایچوندرو و اگر امر دنیویته ایجون
 اولورسه ترك ایدر سه اوج کوندن زیاده ترك
 اتمیه مکر مصلحتی متضمن اوله نیکیم رسول الله
 علیه السلام سوره تحریم تفسیرنده بیان
 اولندوغی اوزده خاتونلری اوزر نه اظهار غضب
 ایدوب بر آی قدر آنلری ترك ایلدی و معلوم دخی
 متعلی و والدین اولادنی تا دیب ایجون اوج کوندن
 زیاده ترك و مهاجرت مرخصدر و حدیثده کلورکه

لما خلق الله الرحمن قال انا الرحمن وانت الرحمن شفقت
 اسمك من اسمي فن وصلك وصلته ومن قطعك بئته
 ای قطعته بس بوحدیتدن فهم اولنورکه رحمتك
 ایکی معنا سیوار در که بری رقت و تعطف و بری
 دخی انعام و افضال در اولکی معنا صفت آدمی و ایکنی
 معنا صفت حق و حق تعالی عباد نه انعام و افضال
 ایله نتیجه مواصله ایله دایسه عبادی دخی بری
 بر لرینه خصوصاً اقربایه رقت و تعطف و انعام و
 احسان ایله مواصله اتمك کرکدر نیکیم حدیثده
 کلور حیل من قطعك واعف عن من ظلمك و احسن
 الی من اساء الیک یعنی صله رحم ایله رسول الله
 علیه السلام متصف اولوب بعده امتنه امر اتمشد
 پس قطع رحم خراسدر و صله رحم واجب در و صله
 معنا سی بودرکه زیارت ایله و یا هدیه و یرمك
 و کوندرمك ایله و یا قولاً و یا فعلاً اعانت و یا مالیه
 مساعدده و دفع ضرورت ایله تفقد و عدم نسیاندر
 و اقل المراتب سلام و یرمك و یا سلام کوندرمك



و یا مکتوب گویند در ملک در وصله رخصه شرعاً تعیین
 و توقیت و یوقدر بلکه عرف و عادت ته نظر اولنور و
 صله رحم دخی زی رحم محرم اولنور ایچون ولجیدر
 محرم اولینلرده اختلاف وارد رظا هر اولان بودر که
 انلرک حقند عدم وجوبدر زیر نکاحلری جائزدر
 و نکاحک عدم جوازنده علت ایسه قطع رحم لزومید
 زیرا زوجین اراستندر مخصوصه و مجادله اکسک اولان
 پس نکاحلری جائز اولق سائر محرملری رعایتلری
 واجب اولماغه دلالت ایدر و دیمشلدردر که برکسه نک
 ابویینی کافرین اولسلرینه نفقه لری و حذسلری و
 زیارتلری ولجیدر مکر که ولد مسلکی کفره جلب اتمه لرنده
 خوف اولنه بوضورتده عدم زیارت جائزدر بعد تا
 ظاهر ارحم باطناً اتصال حقیقی صور تیدر پس برکسه
 ظاهری و رعایت قادر اولسه باطنی و رعایت دخی
 قادر اولماز زیر اشریعت حقیقته وسیله در و باطنده
 صله رحم ارواح انبیا و اولیا به محبت و تقوی ایله
 انتساب و مبارکث عالیه به اتصال روحانیدر

و السبع عشر

و السبع عشر الیمین الفاجرة یعنی یمین کاذبه
 دخی کباتر دند که یمین غموس دخی دیرلر زیر اول
 یمینی ایدن کنه در یا سینه منغمس اولور یمین غموس
 اودر که یمین زمان ماضیده برنسنه نک فعلی
 و یا ترکی اوزر نه کذباً یمین ایده یعنی والله اشهد
 دیه مع هذا الشیء یمین اوله و یا خود والله اشهد
 دیه مع هذا انی اشهد اوله و یمین لغو اودر که
 شونسنه شویله در دیوظنله یمین ایده و لکن
 واقعده خلا فی اوله و قرآنده کلور لا یؤخذکم
 الله بالغوفی ایمانکم و لکن یؤخذکم بما کسبت
 قلوبکم یعنی الله تعالی سیزی لغو یمین ایله
 معاقبه اتمز و اول سنه که کرجک اولق ظنی
 اوزره یمین ایدر سکوزده صکره خلا فی ظهور
 ایدر آنکله سزی مؤاخذه قلز و لکن یمین غموس
 ایله مؤاخذه ایدر و آندن او توری سزه آخرتده
 جزا ترتیب ایدر زیر اقلبکز بوضورتده یمینده
 کذبه قصد و عمد ایدر و یلانیره یمین ایدر سکوز

و بر یمن دخی وارد در که اکا یمن منعقد ده دیر لر زمان
 زمان مستقبل ده بر نشنه تک فعلی و یا ترکی اوزرنه
 منعقد اولور پس اول نشنه یی فعلی و یا ترکی اوزرنه
 کتور مان کر کردر مکر که فعلندن ترکی اول اوله و یا
 ترکندن فعلی اعلی اوله بو صورتده یمنی بوزوب
 کفارت اتمک کر کردر نیکیم حدیثده کاور من مختلف
 علی یمن فرای غیرها خیرا منها قلیات بالذی هو خیر
 ثم لیکفر کفارت یمن اودر که قول ازاد ایده و یا
 خود اون عدد مسکینه ستر عورت ایده جاک قدر
 لباس کید و ده و یا خود اون عدد مسکینه طعام
 ید و ده و یا طعامه بدل صدقه فطر قدر نشنه
 ویره پس بواوج نشنه ارا سنده مخیر در کرک
 اعلا ایل عمل ایلسون و کرک ادنی ایل و اگر بو
 اوجدن بر نشنه بولامز ایسه اوج کون متوالی
 صائم اولور و دیمشلد در که بر خصوصده که
 صدقه مفسده اوله آند کذب اتمک جائزدر
 زیرا کذب اتمک حرام لعینه قیلندن دکلدر بلکه

کذبده غیره ضرر اولد یغندن او تریدر پس
 فحن ضرر منتفی اولوب صدقه حاصل اولمیان
 فائده یی متضمن اولسه جائزدر نیکیم دیمشلد
 در که دروغ مصلحت آمین به از راست
 فتنه انگیز انکچون خاتونی ارضا ایجون و یا
 حربه و یا بین المسلمین اصلاح ایجون کذب
 اتمک مرخصدر و بعضیلر دیمشلد در که بر صبی
 مکتبه رغبت اتمسه انکچون اولان وعدو وعید
 کاذبه دخی رخصت وارد و بر کسه آخرک
 سترنی و یا کندن آخر اوزرنه جنایتک و قو
 انکار ایلسه تا که قلبی مطیب اوله بودخی جائزدر
 ولکن تقوی بودر که بوسقوله نشنه لره مشا
 اتمیه انکچون اهل تقوی دن برینک اوغلی اوینامق
 ایجون استیدان اتد که هاذن ویر میوب اوغول
 وار لا اله الا الله دی دیو امر ایدردی و آغلیان
 صبی به اغله سکا جوز ویره یم دیوسویلیکی
 دخی دو اکور مزدی زیر اکرام کاتبین بوسقوله

نسنه لری د فتر عمله یا زرد لر دیو خوف ایدردی
ود یمشلردر که الله تعالیدن غیر به قسم اتمک
کر کرد که شر کرد و او لکه بر خصوصده ترک باشک
ایجون و عرب و حیات رأسک دیر صحاح فرسده بو
معنای استعطافه حمل ایدوب تجویز اتمشد زبیر
هر قسم صورتند اولان نسنه قسمه محمول دکلر
نتکیم امام شافعی رحمه الله تعالی عربک لا والله و
بلی والله دیدو کی فی یمین لغوه حمل اتمشد که آند
اشم یوقدرود یمشلردر که بر کسه به یمین توجه
اتد که الله قسم ایدر دیر دیسه طالب دخی
بن سنک الله یمینکی استمه زین بلکه طلاقه
ویا عتاقه یمینکی دلرین دیسه عامته علیه مشایخ
کافر اولماز دیمشلتا تار خانیه ده و هو الاصح دیو
تصریح ایدر زبیر یمین باللهدن عدول اتمک تحقیر
ایجون دکلر زبیر بعض ناس یمین باللهدن
تخاشی اتمز فاما طلاقه و عتاقه یمیندن خذر ایدر
پس خذر اندو کی نسنه نک او زرنه حمل اتمک

اولادر **والتابع عشر** اخذ اموال الناس یعنی
ظلم و غصباً خلقك اموال وارذاقن اخذ اتمک دخی
کبائر الاثم دن معدود در و قرأند کلمه لا تا کلمه
اموالکم بینکم بالباطل یعنی غصب و سرقة و
خیانت و قمار و عقود ربا و بونلریک غیر شرعاً
مباح اولیان و جوهله بر بر لریک مالک لرن اکل
اتمکوز و آنکله انتفاع قلما کوز و مال خلقک تملک
اتدو کی نسنه در د راهم و د نانیرو ذهب و فضه
و حنطه و خنز و حیوان و ثياب و سلاح و بونلرک امثال
کبی و مال عین مضروب و مسکوک اولانه دیر لرو مال
دیدیلر زبیر بالذات قلوب اثمیل ایدر و تلویحده
کلور که مال طبع اثمیل ایدوب وقت حاجت ایجون
ادخار اولنان و یا مصالح آدمی ایجون خلق اولنوب
آند بخل و حرص جاری اولان نسنه در و حدیثده
کلور که من اخذ شبر من الارض طوق الی سبع ارضین
یعنی بر کسه ظلماً بر قارشیر آلسه اول یوقیامت
کوننده یدی قاتیره وار بنجه آنک بویننه بوغفق

وحلقه قلنه بوندن فهم اولنور که روز محشر ده دخی
 بر لریدی طبقه در و لکن دینارده کی اسلوب بند
 تغییر و تبدیل اولنور و بر لکه طبقاتی کو کلرک طبقاتی
 کبی بر بوندن منفصلیدرد کلیدر علما آنده اختلاف
 اند یلرنتکیم سورة طلاق تفسیری آخرنده ^{مستطورد}
والثامن عشر السرقه سرقة غیرک مالنی اوغر
 اوغر لقدر لکن قطع ید حقند نه نصاب سرقة اوند در
 کشدر عین اولسون قیمتی اولسون و عیب حقند نه اوند
 در همدن آزا اولسه ده سرقة و عیب عدا اولنور عیب
 انکله بایعنه رد اولنور یعنی اوند در همدن اقل نسنه
 اوغر لین قول معیب اولوب صاحبنه دوند و ریلور
 و امام شافعی رحمه الله قاتنده نصاب سرقة ربع
 دینار در حتی بر کسه امام محمدده سوال ایدوب
 بشیوز التون دیتی اولان ید نیچون ربع دیناری
 سرقة ایله قطع اولندی دید که امام محمد رحمه الله
 تعالی جواب ویردیکی کانت امینه ثمنیه فلما خانت
هانت یعنی انسانک الی امین و قیمتدار ایکن خیانتی

سببیله اعتباردن ساقط اولوب جزئی مال
 ایچون قطع اولندی و ابولیلی قاتنده نصاب سرقة
 بشدر همدن حتی امام غزالی رح منهای العابدینده
 ایراد ایدر که یونس بن عبید رحمه الله دیر که بشر در
 کومشدن او تری سنک خیر عضوک اولان ید یمناکی
 قطع ایله امر ایدن قیامت کوننده الله تعالی سنک
 عذابندن امین اولیه بلکه جزئی کناه سببیله سنی
 مؤاخذه ایلیه **المحرره** نیجه دیر سن کناه شئی حقیر
 اگا قائلیدر الله العظیم **نقد** احترام از ایلر سنک
 او قدر شرعی ایدر سن تعظیم **و** دیمشدر در که ید
 سارق مباشرت ذنب وار ایکن ید قطع اولندی
 فاما ذکر زانی مباشرت ایله قطع اولندی یعنی
 ایکسند ده دخی مباشرت ذنب وار ایکن ید قطع
 اولندی و ذکر قطع اولندی ذیرا ذکر قطع اولنسه
 نسل منقطع اولور بو ایسه امر عظیمدر ذیرا الله تعا
 ذکر انانی تناسل ایچون خلق ایلشدر مع هذا الذت
 جماع جمیع بدنه ساریدر پس بالکن قطع ذکرک

معنای اولمان و امام نیا بوری دیر که ید سارق
 قطع اولندی زیر مال مأخوذ غنی نك یدی و عمادی
 ایدی پس کویا غنی نك الی اخذ اتمشی اولدی انکچون
 قطع ید جزاء وفاق کلدی و بعضیلر دیدیلر که جمیع خزان
 الله تعالی نك ملکیدر که قول انك خزینہ داریدر پس
 فچن قول افندی سنك خزانه سنه بلا اجازة تعدی
 ایلسه آلت تعدی اولان یدی قطعه سیاسته مستحق
 اولور و قرأنده کلور سارق سارقه اوزر نه ذکرده
 تقدیم اولنمشدر نیکیم کلور السارق والتسارقة
 فاقطعوا ایدیهمما زیر اسرقه قوت ایله حصوا کلور
 رجل ایسه مراده دن اقوادر و زانیه زانی اوزر نه
 تقدیم اولنمشدر نیکیم کلور الزانیة والزانی فاجلدوا
 کل واحد منهما مائة جلدة زیر زانی شهوت ایله حاصل
 اولور عورت ایسه شهوتده اردن اکثر در **والتامع**
عشر الخیانت خیانت امانتک نقیضیدر که بقصر
 عهد اتمکله حقّه مخالف قدر نفاق دخی خیانت کبیر
 لکن خیانت عهد و امان اعتبار ایله نفاق ایسه دین

حسبیه اطلاق اولور و قرأنده کلور لا تخونوا الله
 والرسول و تخونوا اماناتکم پس بوند خیانت
 بیعه اولان خیانت و کیل و وزنده نقصه و نشوة
 جیران خصوصنده اولان خیانت و امثالنه شاملده
 الحاصل مؤمنه کر کردر که مایعاند کسه یه حیل
 و تبلیس ایله خیانت اتمیه زیر خیانت ایله رزق
 برکتی زائل اولور و بلکه نفس رزق و سبب رزق
 زوال بولور نیکیم حکایه ده کلور که بر کسه سوده
 صوقتاردی صکره سبیل کلوب آنک حیوانلرینی
 کو تر دی اول کسه نك بر کوچک اوغلی وار ایدی
 بابا سنه خطاب ایدوب سوده قاتدوغک صولر بر
 بره کلوب حیوانلری قتل ایدی دیدی و حیوة الحیوانده
 مسطور اولدوغی اوزره حدیثده کلور که سیده
 صوقا تمکوز زیر اسزدن مقدم کلن اتملرده بر کسه
 سدی صویله قارشدر و ب صتاردی صکره بر میمون
 صاتون الوب کی یه کردی دریا اور تاسنه وارد قده
 الله تعالی اول میمونه الهام ایلیوب اول کسه نك

التون كيسه سن الدى و كمينك دركى اوزدنه چقوب
 اول كيسه ني جوزدى و صاحبك كوزى قارشو سنده
 برالتونى صويه و برالتونى دخى كى يه براقدى تابو
 وجهله اول التونلرى ايكى قسم و حصه ايدوب صويك
 بهاسنى ينه صويه القايلدى و كر كدر كه برستاعك
 عيبنى مشتریدن صقليه و الا اهل غش و خيانت اوئو
 وحديثده كلور من غشنا فليس منا انچون رسول
 الله عليه السلام بر كره بريغن بغدايه مرور اندكده
 مبارك اللرين اول بغداى ايچنه التقا اذ خال ايليوب
 بر مقلرينه رطوبت اصابت ايلدى صاحبه خطا
 ايدوب بويشلق ندر ديو بيوردى اولدخى يغمور
 اصابت ايلدى يار رسول الله ديدى رسول الله دخى
 چونكه يغمور اصابت ايلدى نيچون ياشنى اوزدنه
 يعنى اوست طرفنه قومادك تاكه خلق كوره لر ديو
 عتاب ايلدى و كيدو و زنده خيانت اهلى حقنده قرانده
 كلور ويل للمطففين و بر كسه قو كشى سنك و يا
 براجنبينك قيو سى لو كندن و يا بر بنجره دن و يو كسك

يرون حرمته نظر اتمك حرام و خيانت در انچون
 مناره مسجد شعائر دينيه دن ايكن محله اراسنده
 احداث اولمسي ممنوعدر تاكه جوارنده اولان
 اهالى محله نظر اجنبيه دن سالم اوله لر پس دفع
 نظر ايچون ارتفاع مناره سنه اوليچق سائر حواله
 لك ارتفاعى بطريق الاولى ممنوعدر و سائر نقدر
 امور دينيه و حقوق شرعيه وارايدسه جمله سى
 مؤمن قاتنده امانتدر كه خلافي واقع اولمق خيانت
 در انچون قرانده كلور ان الله يا مكره ان تؤدوا
 الامانات الى اهلها پس جهات و مناصب دخى
 امانتده قبيلند ندر پس انلرى توجيه ايدن و الير
 و قاضيلر اهل و اربابنه توجيه و تقليد اتسه لر
 خيانت اتمش اولور لر نيكيم حديثده كلور من قلد
 انسانا عملا و فى رعيت من هواولى منه فقد خان
 الله و رسوله و جماعة المؤمنين يعنى بر كسه بر
 انسانه عمل تقليد و توجيه اتسه مع هذا الى الله
 اولان اتباعندن اول عمل تقليد آندن اولى و انسب

كسه بولنسه اول سقلا اولان كسه مفضول
 فاضل و غيری اولی یی اولی او ذر نه ترجیح اندو كند
 او تری الله و رسول الله و جماعت مؤمنینه خیانت
 اتمش اولور **العشرون** تقدیم الصلوة علی وقتها
 و تأخیرها عنه بلا عذر یعنی نمازی وقتندن مقدم
 و یا مؤخر قلیق عذر شرعی بوغیكن کبار ثردن در پس
 عرفه کون عرفاتده مسجد ابراهیم ده علیه السلام آخر
 وقت ظهرده ظهر له عصری جمع ایدوب عصری وقتی
 او ذر نه تقدیم ولیله مزدلفه ده مسجد مزدلفه
 وقت عشاءده مغرب ایله عشاء جمع ایدوب مغرب
 وقتندن تأخیر اتمك شارعك تعیینی ایله متعین
 اولغله آثم لازم کلز بلکه هربری وقتنده اولمشر
 اولور و كذلك مغنی علیه اولوب عذ سماوی ایله
 تأخیر ایلسه معذب اولماز و كذلك دار الحربده
 اسیر اولان كسه وضودن و تیممندن منع اولنسه
 عند الامام الاعظم رحمه الله صلاتی تأخیر ایدرو
 بلا طهارة قلز و عند الامامین رحمهما الله بلا طهارة

ایدوب صکره اعاده ایدرو كذلك غلبه نومله وقتی
 فوت اولسه صکره قضا ایدرو تکیم رسول الله علیه
 السلام غزوه خیبردن عود تلرنده کیجه آخرنده
 بر محله اصحابیله رضی الله عنهم نزول اندکده
 نوم غالب اولوب جمله سی طلوع شمسدن صکره
 او یاندیلر و جماعت اولوب صلوة فجری قضا
 اندیلر و گاه اولور که مسافر یولده کیدرکن
 وقتك بقاسنی ظن ایدوب نمازی منزله نزوله
 ذلك تأخیر ایدرو بو طریقله نماز وقتندن فوت
 اولور فاما عمدا ترك اندوکی صورتده بر نمازی
 تأخیر ایجون سکسان بیل معذب اولدوغی کبی
 احتیاط و محافظه ده تقصیر اتمکله دخی معاتب
 اولور و فصل الخطابده ابو القاسم الحکیم دن
 نقل ایدوب دیر که بر کسه یوز مانده بر غزایند
 نمازی وقتندن تأخیر اتسه یوز کره دخی غزا
 اتمکه محتاجد رتا که فوت اولان نماز نه کفارت
 اوله پس نافله ایجون فرض ترك اولمندوغی کبی

فرض آخر ایچون دخی فرض ترك اول نماز مشاء نافله
 غزا ایدوب فرض اولان نمازی ترك اتمیه وكدلك
 فرض اولان حجه كیدوب یوللرده فرض اولان
 نمازی وقتندن تأخیر اتمیه و اصولده كلورده بر
 نسنه كاه اولور كه بر اعتبار ایله مكروه و بر اعتبار
 ایله دخی سبب عقاب اولور مثلاً وقت عصر
 ضیق اولسه مكلف اولان كمسه عصری قویوب
 غیرى نماز قلسه پس اول قلدوغی نماز مکروه
 ولکن اول نمازی قلدوغندن او تری اکا عقاب
 یو قدر بلکه عقاب فرض اولان نمازی ترك ائدوکن
 او تری در الحاصل عقاب فعل عید اولان مکروه
 اعتبار ایله دکلر بلکه مأمور بهی ترك اعتبار ایله
 در كه حرامد پس بوندن فهم اخذ اولنور كه نمازك
 نافله سنده عقاب اولماز مگر كه فرضك تركنه ^{سیله}
 اوله بو صورتده دخی حرام اولان نمازك كندی دکلر
 بلکه فرضك تركیدر پس بوندن شرب دخانك حالی
 معلوم اولدی زیر بعضی اهل کیف غالبه كوره صوم

فوت اولور و بعضی لرینه كوره دخی استثقال صومه
 مؤیدر ننتکیم ایکسی دخی زمانه مرده متحققدر
 الحاصل دخانك كندی مکروه اولدوغی صورتده
 مکروهه اشتغال ایله فرض فوت اولوب ترك فرض
 او ذر نه معاقبه اولنور استثقال فرض دخی بو کاقیاس
 اولنه پس سدد ذریعه ایدوب ارتکاب حرامه مؤدی
 اولان نسنه ترك اتمك واجب اولور و کتب فتاواده
 كلور كه بر كمسه الله تعالی بو عباداتی بزه عذاب ائشد
 دیسه کافر اولور پس صوم فرضی استثقال آنی عذاب
 عدا تمك کبیدر جمیع فرائض و واجبات و سنن و
 مستحبات ایسه رحمت بابند ندر تاكه مؤمنلر انلر کله
 درجاته ترقی ایدر لر بو تقریر دن معلوم اولور كه صلوة
 رغائب و برات و قدر حقنده كلوك شو نماز لردن
 توبه ایده لوم زیرا الله تعالی نك بیور مدوغی نماز
 لردن دین و اعظبد جهل عظیمی او ذر نه ندا ایدر
 زیر اصلوات مذکوره فرضی تفویت اتمز و وقت
 مکروهه دخی مقارن دکلر توبه ایسه معصیتدن

اولور پس محض عبادت اولان نسنه دن توبه اتمك
 عبادتی معصیت عدا اتمك درو بر کسه عبادتی معصیت
 اعتقاد اتمك کفر درو بالعکس نتکیم عدلی ظلم و ایمانی
 کفر اعتقاد اتمك بویله درو بالعکس و وقتنده کراهت
 اولدوغی صورتده دخی کراهت نمازك صفتی دکلدر
 و نوافلك مطلقا عبادات اولدوغی بالاده اشارت
 اولندی احیاء لیاالی ایسه نوافل صلوات ایله اوله
 کلسدر خصوصاً که صلوة رغائبده احیاء مابین
 العشاءین وارد در که مستحیدر **محرره** یار الزطو
 براق اغیار اتکن یا پیش اقراره قوائکار اتکن کرّمه
 بیّهوده جهانده زاهد طوته کور عشقه برکار اتکن
م **الحادی والعشرون** ضرب المسلم بغير حق
 یعنی ظلم مسلمی ضرب اتمك دخی کبائر دندر اگر قصاص
 طریقيله اولور سه شریعدر آنده دخی مساوات لازمه
 و کتب فئاواده کلور که زوج زوجة سنی ترک صلوة
 و ترک زینت و ترک غسل الجنابة و ترک الاجابة الى
 الفرائض و کذلک منزلدن بلا اجازه خروج ایجون

ضرب و تعزیر اتمك جائز در و لکن بو ضربدن زوجه
 هلاک اولسه ضامن اولور زیرا ضرب اتمك مباح
 ایسه دهینه وصف سلامت ایله مقید در و کذلک
 معلم اولان کسه صبی بی ضرب ایدوب صبی آنک
 ضربندن هلاک اولسه معلمه ضمان لازم کلور
 و مجمع الفتا واده کلور که صبی اون یا شنه داخل
 اولسه نماز قلیق ایجون ضرب اولنور و لکن آل ایله
 یو خسه اغاج ایله دکل و اوجدن زیاده ضرب اتمك
 دخی مشروع دکلدر معلم دخی بویله در یعنی معلم
 صبی بی خشب ایله و اوجدن زیاده ضرب اتمك
 کرکدر با یاسی اذن و یرسه دخی مشروع دکلدر و
 بر کسه خاتونی ضرب فاحش ایله ضرب ایلسه
 تعزیر لازم کلور معلم دخی صبی یه کوره بویله در
 پس خاتونی لاجل التأدیب ضرب اتمك مشروعدر
 نتکیم قرآنده کلور و اضربوهن و لکن لحمی قطع و یا
 بر عظمی کسرو یا بونلرک امثالی له حدی تجاوز اتمك
 کرکدر نتکیم بعض فقهاء سیاسته مستحق اولنلر

ضرب و جزاده مالم یقطع اللحم او یکسر العظم دیو
قید اتمش لرد و حدیثده کلور لا ترفع عصاك عن
اهلك و علق سوطك حيث يراه اهل البيت بوند
فهم اول نور که سوطله دخی تأدیب اتمك جاثر در
ولکن سوط دخی طبایحه کبی اوج کره ایله مقید در
والا زیاده سی قیامتده قصاص اول نور و قول و جاریه
قسمی کاه و عید و کاه ضرب و کاه حبس منافع ایله
تأدیب اول نور و هر واقع اولان نشنه ایچون اتمك
کر کردر نتکیم حدیثده کلور لا تضربوا اماکم علی
کسر اناکم فان لها آجالا کما جالکم یعنی اگر جاریه
لر یکوز قابلر یکوزی قرسه لر بو خصوصده انلری
ضرب اتمكوز بلکه عفواید یکوز زیر قابلر یک دخی
سزك کبی اجللری وارد در یعنی اجلسز آدم اولدوکی
کبی بی وقت دخی قاب قلمز بلکه انکسارینک وقتی
کلوب خدمتکارالنده قریلور و حیوان دخی آدمی
کبی تأدیب اول نور ضرب اول نور و لکن یوزنه اورمق
کر کردر که منهدر و ذمی دخی مسلم حکمنده در

بلکه

بلکه حیوان ایله ذمتینک حق قیامت کوننده سائر
لردن مشکلد در پس مؤمن اولان مسلم کر کردر که
خالق اللدن و دلندن سالم اوله لر **والثانی**
والعشرون شتم اصحاب النبی علیه الصلوة
والسلم یعنی اصحابی رضی الله عنهم سب و شتم
اتمك کباثر در در نتکیم خوارج و شیعه و دروا
ایدر لر سب او در که انسانک عرضنه عیب
ویرن نشنه ایله تکلم و هستانی خزانه المفتین
دن نقل ایدوب دیر که اصحابدن برکسه بی سب
اتمك کفر دکلدر و لکن مجموع نوازل نام کتابده
کلور که برکسه شیخی بی سب و یا خود لعن آیده
قتل ایلسه قصاص لازم کلز زیر انلری سب
اتمك سب بنی یه علیه السلام منصرف اولغاله
کفر در و خلاصه ده کلور که ختیننی یعنی عثمان
و علی بی رضی الله عنهما سب اتمك کفر دکلدر و لکن
بو مسئله دخی مشکلد در زیر اهل علی علی وجه الاهی
سب اتمك کفر اولیجق ختیننی سب اتمك نه سبیدن

کفر اولمان و اگر بر کسده علوم دینیه به عالم اولانی
 علی وجه المزاح سبب انتسه تعزیر لازم کلور و هدیه
 المهدیتین ده کلور که در و افضل طائفه سی شینجینی
 یعنی ابوبکر و عمری رضی الله عنهماست و لعن اشملر
 کافر اولورلر و اگر علی بی ابوبکر و عمر رضی الله عنهما
 اوزرلر نه تقضیل و ترجیح اشملر کافر اولمازلر بلکه
 مبتدع اولورلر و مبتدعک معناسی بالاده شرح
 اولمشدر و حدیثده کلور الله الله فی اصحابی
 یعنی اصحابم خصوصنده الله تعالی دن خوف
 ایدیکوز و آنلره بغض و عداوت و آنلری سبب انکوز
 بلکه محبت و صداقت اوزره اولوب خیرله یاد ایدی
 کوز زیرا مطلقا موتی نک سوء ذکر ی منی اولیجوق
 افضل اقرون اولان اصحابک شانی نیجه اولوق کرکدر
 قیاس اولنه **والثالث والعشرون** تقضیل علی
 علی ابی بکر و عمر و عثمان رضی الله عنهم یعنی حضرت
 علی بی کرم الله وجهه خلفاء ثلاثه اوزر نه ترجیح اتمک
 دخی کبائر دندر زیر رسول الله دن علیه السلام صکره

افضل امت ابوبکر اندن عمر اندن عثمان اندن علیدر
 پس علی بی سائرلر اوزر نه ترجیح اتمک اجماع استه و ادله
 مخالفدر و هدیه المهدیتین ده کلور که بر کسده علی بی
 سؤمک فرض و ابوبکر ی سؤمک فرض کلدر دیسه
 کافر اولور و کذلک ابوبکرک امامت و عمرک خلافتنی
 انکار ایلسه کافر اولور و هو الاصح الاقوال و علماء
 دیمشدر که رسول الله دن علیه السلام صکره خلافت
 ابوبکرک و اندن عمرک و اندن عثمانک و اندن علینک
 و علویه که اولاد علیدر کرک فاطمه دن رضی الله عنها
 و کرک غیریدن انلر دیدیلر که رسالت الله تعالی دن
 علی یه نازل اولدی و لکن جبرئیل علیه السلام خطا اید
 بو سببدن علی اوزر نه تصلیه ایدوب اللهم صل علی
 علی دیرلر و اهل سنت دیرلر که الله تعالی قرآنده
 محمد رسول الله بیوردی یو خسه علی رسول الله
 بیورمدی و و افضل دیدیلر که رسول الله دن صکره
 خلافت حقه علینکدر و اهل سنت دیدیلر که رسول
 اللهک و فاتندن صکره اصحاب ابوبکرک اندن عمرک

اندن عثمانك آندن على نك خلافتنى اوزرنه اتفاق
 اتد يلر پس انلردن باطل اوزرنه اتفاق اتمك نيجه اولور
 و انوار المشارق نام كتابده كلور كه شيخ عراق رحمه الله
 تعالى على بن ابوبكر و عمرو عثمانندن ارتق سؤمكه كناه
 وارميدرد يوسئوال اولند قد ه جواب ويرد بكة
 محبت اولور امر دينى و كاه اولور كه امر دينوى ايجون
 اولور پس محبت دينيه فضليتته لازمدر يعنى افضل
 اولان كسه يه محبت دينيه اكثر كر كدر بناء على هذا
 بر كسه ابوبكر افضلدر ديد كدر صكره دين جهتندن
 على يه محبتى زياده اولسه تناقض بولنوب آثم اولور
 فاما محبت دينويه فضليتتى مستلزم دكلدر پس
 چن امر دينوى ايجون على بن ابوبكر دن زياده سوسه
 تناقض بولنماز و بو محبتله آثم اولماز و امر دينويدن
 مراد انك اقاربندن اولسى و يا غيرى نسبه درو
 بعض كتبه كلور كه سنى اولان كسه اكر ابوبكر
 عليدن افضل دكلسه خاتونم بوش اولسون ديسه
 رافضى ايسه بوكلامك عكسنى سويلسه و يا خود

سنى اولان اكر خير و شر اللهدن دكلسه خاتونم بوش
 اولسون ديسه معتزلى ايسه عكسرايدوب اكر
 اللهدن ايسه خاتونم بوش اولسون ديسه بوايكى
 صورتده رافضى و معتزلى نك طلاقى واقع اولور^{سنى}
 نك طلاقى واقع اولماز مع هذا رافضى و معتزلىدن
 هر برى ظن غالبى اوزرنه يمين اتدى زيرار رافضى
 و معتزلىنك خطاسى قطعيدر مسئله دخى قطعيه
 در ظنيتيه دكلدر امر ظنى ايسه بويله دكلدر مثلاً
 شافعى اولان كسه اكر شافعى ابو حنيفه دن افضل
 دكلسه خاتونم بوش اولسون ديسه و حنفى اولان
 بوكلامك عكسنى سويلسه ايكسنى دخى جانت اولور
 اولماز لرو فقال شاشيدن بز بوسئله ده جواب
 ويرمرز ديور و ايت اولنمشدر بعد ذا اماليد ه
 كلور كه و للصديقه الرجحان فاعلم على الزهراء في
بعض الخصال بونده صديقه دن مراد حضرت عائشه
 در رضى الله عنها زير بنت الصديق در و زهرا دن
 مراد حضرت فاطمه در رضى الله عنها زير اكيجه نك

ظلمتند نور جمالک بر قندن خاتونلر سنور اولوب
 ايلک اگر لردي وعائشه نك فضلنده كلور خذوا
 ثلثي دينكم من عائشة وفاطمة نك كمالنده كلور
 كحل من الرجال كثير ولم يكمل من النساء غير مريم بنت
 عمران وآسية امرأة فرعون وخديجة بنت خويلد وفاطمة
 بنت محمد پس بعض وجوهله عائشه فاطمه دن افضل
 وبعض وجوهله فاطمه عائشه دن امثلدر ديمك
 لا بأسدر زیرامن وجه فاضل من وجه مفضول اولور
 وبالعكس وبومقام زیاده تفصیل کو تر دو لکن بو محله
 بیانه مجال یوقدر **الرابع والعشرون** الكذب على
 النبي عليه السلام متعمدا یعنی رسول الله علیه السلام
 اوزر نه قصد کذب اتمک دخی کبائر دندر و بلکه بعد
 الکفر اکبر کبائر دندر نیکیم اصول حدیثه مصر حد
 وحدیثه کلور ان کذب علی لیسر کذب علی احد من کذب
 علی فلیتبتوا مقعده من النار یعنی کذب اکبر اعظم انواعی
 الله تعالی اوزر نه اولان کذب واندن رسول الله علیه
 السلام اوزر نه اولان کذبدر زیر ابو کذب قواعد اسلامی

هده و افساد شریعتیه مؤدیدر پس بر کسه رسول
 الله اوزر نه کذب ایلسه الله تعالی جهنمه انک ایچون
 موضع قعود اتخا ایدرو آنی جهنمه ادخال ایلرو
 حدیثک وعید خوفندن صحابه و تابعیندن و سائر
 اتباعدن زیاده اهل ورع اولنلردن حضرت صدیق
 رضی الله عنه و حضرت امام اعظم رحمه الله تعالی و
 بعض مشایخ کبی روایت حدیث قلیل واقع اولمشدد
 حتی صدیقک کثرت صحبتی وار ایکن جمله مرویات یوز
 فرق ایکیه ردیمشلردر زیر اوئی حدیث اولان کسه
 زیاده و نقصان و تغییر و خطا و نسیاندن امین
 دکلدر انچون بعض کبار عارفین بیور لر که حق تعالی
 جانبندن حکم اخذ اتمکه قادر اولان خلیفه حقدن
 کاه اولور که بعض احادیثک حکمه مخالف سننه ظاهر
 اولور بلین آنی اجتهاد قبیلهندن قیاس ایدر و لکن
 اول حدیث کشف یوزندن انک قاتنده ثابت اولما مشر
 و خبر رسول اولدوغی بلنمشدر انچون اول حدیثله
 حکم و عمل اتمز اگر چکه طریق اسناد عدل عن العدل

زیرا عدل دخی مبدأ سهو و نسیان اولان و همدن
 و كذلك مبدأ تاویل و تحریفات اولان نقل علی المعنی
 دن معصوم دکلدر پس اکوره ظاهره صحتی موجب
 دکلدر اگرچه سائر لحقنه قطعیدر و الا اختلاف
 لازم کلور و بعض تابع رسول الله علیه السلام جناب
 رفع حدیث اتمکدن خوف ایدوب صحابی اوزرنه موقوف
 قلمش و دیمشدر که الکذب علیه اهون من الکذب
 علی الرسول پس ترک روایت اتمک زیاده و غندند
 اگرچه کمال ضبط اهلی اولوب حدیث و روایت اثر
 ایدنلر حقه باشقه وعد و اردر بتکیم حدیثه
 کلور نظر الله امرأه سمع مقالتي فوعاها و آذاها
 كما سمعها بعد ذل اصول حدیثه کلور که بعضی
 روایت اولنان نشنه و اردر که راوینک کنده وضع
 و اختراعیدر و لکن حدیثدر دیواسناد ایدر اهل
 تعاوید اولنلر قدح دعا سن و آنک امثالن اسناد
 اتد کلری کبی و کاه اولور که بعض سلف صالحینک کلامی
 اخذ ایدوب حدیث صورتند ابراز ایدر حسن بصری

و امثالی کبی رحمهم الله تعالی زیرا دیمشدر که حسن
 بصرینک کلامی کلام انبیاء علیهم السلام مشایهدر
 و کاه اولور که حدیث دید و کنی حکماء متقدمین
 کلومندن اخذ ایدر حارث بن کله و بقراط و افلا^{طون}
 کبی و کاه اولور که توراتده ذکر اولنان اقاویل بنی
 اسرائیلی و یا اخبار بنی اسرائیل لسانلرندن بعض
 کلمات اخذ ایدوب حدیثدر دیواسناد ایدر و کاه
 اولور که برضعیف الاسناد حدیث بولوب قوی الاسناد
 صورتند ابراز ایدر تا که آنی ترویج ایلیه مثلاً اسناد^{دند}
 بعض اکابر امتی درج ایدر حسن بصری و جعفر صادق
 و غیر یلر کبی رحمهم الله تعالی و زیاده ترویج مراد اید^{سه}
 حدیثنک آخرنده من شک من فی هذا کفر دخی دیرلر
 پس متن حدیث صحیح اولسه صورت حدیث موضوع
 اولور زیرا هر موضوعدر دید کلری هر وجهله موضوع
 اولماز پس الفقر فخری و العلماء و رثة الانبیاء و بونلر
 امثالی معنی صحیحدر اگرچه لفظ جهتیه موضوعدر
 دیمشدر و لکن بلینلر مطلقا موضوعدر ظن ایدرلر

وینه اصول حدیثه کلود که وضع حدیثه سبب باعث
 بر قاج نشنه در او کسی عدم دیند یعنی بی دین
 اولد و غندن وضع حدیث ایدر ز نادره کبی که انلر
 اون دورت بیک حدیث وضع اتمشلدرد ز نادره کفری
 ابطان و اسلامی اظهار ایدنلرد و یا خود انلرد که
 هیچ بر دین ایله تدین اتمزلرد و دینی استخفاف و خلقی
 اضلال ایدر لر ایکنجیسی غلبه جهلدر عباد و زهاد
 حالی کبی که فضائل حقنده حدیث وضع اتمشلدرد و اوله
 الحکم نام کتابده کلود که سننک مشروعتی نقائص
 فرائضی تتیم و نوافلک استجابی سننی تکمیل ایچوند
 و فرضک اجر فضیلتی زیاده اولمغله واجب و سنت
 و نوافله فرض یرن طوتمز مثلاً بر فرضک قضاسی
 لازم کلسه نافله ایله ساقط اولماز و اول نافله ده
 کثرت اجر اولمق فرضه بدل اولمغی موجب دکلدر پس
 نافله نک حسنی فرضلری ادا و قضادن صکره در انکچون
 بعض کبار بیور مشلردر هوایه اتباع اتمه نک
 نافله یه مسارعت و فرضی ترکدر و بر عمل ایچون ثواب

و فضیلت بیان و وضع اتمک انبیایه علیهم السلم مخصوصدر
 زیرا انلر اجور اعمال و فضائل از کاری و حیالهی ایله بلور
 لر و اول نشنه که وحیه موقوفدر تخمین عقول ایله حال
 اولماز انکچون فضائل اعمال و از کار باینده وضع احادیث
 ایدنلر جاهل و مفتری اولور لر بناء علی هذا بعض کابر
 علماء بیور مشلردر که اگر سیف و رمحه قادر اولاید
 کفار مجوسه غمرا بی قیوب وضع احادیث ایدنلر غنا
 ایدر دم پس بوندن اخذ اولنور که وضع احادیث ایدنلر
 کفار مجوسدن بتردر و بویله تغلیظدن او توری
 وضع حدیثی اشد کبارنردن عدا اتمشلدرد و او جنسی
 افراط تعصبدر بعض مقلدین حالی کبی نتکیم امام
 ثعلبی ابی ابن کعبدن رضی الله عنه سور قرآنک فضائل
 حقنده حدیث طویل ایراد ایدوب امام واحدی رخ
 تفسیرنده اکاتابع اولمش و آنک مذهبین تقویت
 ایلشدرا انکچون تعصب دندری زیر اغیرک مذهبین
 تقویت اتمک انک خصمندن انتقام ایچوند صکره
 ز محشری واحدی یه و بیضاوی یه ز محشری یه و سمرقندی

و ابوالستعود و امثالی بیضاوی به تبعیت ایدوب
 جمله سی تفسیر کردند ^{سور قمر} حقنده اولان
 احادیث موضوعه بی ایراد امشرد را اگر چه بعض
 سوراء فضائل حقنده حدیث صحیح و یا حدیث حسن
 و یا حدیث ضعیف وارد اولمشدر اعمال باینده ^{افیه}
 حدیث ضعیف معمول به در بتکیم محکمه مصر حد
 دور و نجسی بعضی رؤسانک هواسنه اتباع در ابو
 حنیفه سراج امتی حدیث در دیور وایت ایدن کسه
 کبی و بعضی لر بونی ابن عباس رضی الله عنهما نسبت
 ایدوب ابو حنیفه سراج هذه الامه دیور وایت ایدوب
 تحقیقی بعضی مؤلفا تمزده در زیر ابو مقوله لر غوامض
 علوم دند که هر عقل قاصر آنی ادراک اتمکدن عاجز
 بشنخی سی اغرابدر یعنی حدیث غریب کتور مکرر
 تا که خلق ارا سنده علماء کبار دن اولمغله ^{مشتهر} اوله
 و بوجمله سی بالاجماع خرامدر و دیمشدر که بعض
 متصوفه و فرق ضاله دن کرامیه طائفه سی ترغیب
 و ترهیب باینده وضع حدیثی مباح قلمشدر یعنی

اول سننه که طاعت و عبادته و یا معصیت و بیطالتدن
 تحویفه متعلقدر آنی وضع اتمک حلالدر زیر ادینه
 فائده سی وار ضرری یوقدر دیمشدر بودخی
 جهل ^ن ناشی خطادر زیر ترغیب و ترهیب رخ
 احکام شرعیه دندر پس انبیادن اولیان کسه ^{مقوله}
 حکمی وضع اتمک نوجهله قادر اولور و ذهی دیمشدر
 که وضع حدیث اگر حلال و حرامه متعلق ایسه و ^{ضعی}
 کافر اولور اگر ترغیب و ترهیبه دائر ایسه عند
 الجمهور کافر اولماز اگر چه بعضی لر مبالغه ایدوب
 مطلقا کافر اولور دیمشدر وینه اصول حدیثده
 کلور که بر حدیثک موضوع اولدوغی معلوم اولدقدن
 صکره آنی روایت اتمک خرامدر مکر که بو حدیث
 موضوعدر دیو بیان ایده زیر احدیثده کلور
 من حدیث عنی بحدیث یری انه کذب فهو احد الکاذبین
 بونک ظاهرندن فهم اولنور که حدیث موضوعده که
 وعلیه بر در زیر احدیث مذکورده لفظ حدیث
 مطلقدر حدیث ضعیف ایسه بویله دکلدر یعنی

ترغیب و ترهیب بایند و حدیث ضعیف نقل ایدن
 کسیه بو حدیث ضعیف در دیو بیان اتمکه حاجت یوقد
 زیر بالاده اشارت اولند و غی اوزده اعمال باینده
 حدیث ضعیفله بلا تفتیش عمل اولنور و احیاء علو^{مد}
 کور که حدیثه وارد اولشد که من احتجم یوم^{السبت}
 و الاربعاء فاصابه برص فلا یلو من الا نفسه یعنی بر^{کسه}
 جمعه ایرتسی و چهارشنبه کونی حجامت ایلسه اول
 سبیدن اکا برص دید کبری آفت اصابت ایلسه پس
 کسیه^ی لوم اتمسون نفنندن غیری زیر اکندی کسب
 یدیدر علماء حدیثدن بری بو حدیث ضعیف در دیو
 جمعه ایرتسی حجامت ایدوب برص مرضنه مبتلی اولوب
 حالی مشتد اولد قدده رؤیا سنده رسول الله صلی الله
 علیه وسلم کورب حالندن شکایت ایلدی فخر عالم دخی
 اکا نیجون جمعه ایرتسی حجامت اتدک بیوردی اولدخی
 راوی حدیث ضعیف اولمغله عمل اتمدم دیدی رسول
 دخی یا راوی ضعیف ایسه ده هله بندن نقل اتدی
 دیدی اول اهل حدیث اوراده تائب اولوب رسول الله

دعاسیله شفا بولدی بوندن فهم اولنور که راوی
 حدیث کاذب اولد و غنه و قوفی اولیان کسیه اول
 حدیثله بقدر الامکان عمل ایده زیر رسول الله
 حدیثدن دیو نقل اولنور پس نیجه رد اولنور سکر که
 احکام شرعیته دن برنسنه یی رد ایده و اکامعارض
 و معاند کله نتکیم اعرابدن بری بغداده کلوب خلیفه
 حضور نه نعل رسول الله ردیو بر نعل صورتی عرض
 و اهدا ایلدی خلیفه دخی مقابله سنده اعرابی یه
 و افرانعام ایلدی اعرابی کتد کدن صکره خلیفه دیدیکی
 بن بونک نعل رسول اولد و غنی بلدم و لکن نعل رسول^{لدر}
 دیمسیله رسول الله تعظیم ایجون نعله و اعرابی یه
 تعظیم ایلدم دیو سویلدی **محمد** پیکری نعلکی کورن
 آدم **نیجه** ایاغکه یوزن سورمز **سرمه** خاکپایکی
 هرکیم **کوزه** جکسه کوز اغریسی کورمز **بعدنا**
 نوافل صلوات که رغائب و برات و قدردن عبارتدر
 بونلر **حقنه** فتوای اهل تقوی جوق و جهله در
 نتکیم بعض وجوه صلوات مذکوره حقنه تالیف

اتدو کز رساله ده مشر و حد خلاصه کلام بود که
 بو نماز لک صحتی قول و فعل مشایخ عارفین و مکاشفین
 ایله معلوم اولمشدر زیرا در باب کشفک باطل اوزرنه
 اتفاق باطل در مجتهد ظاهر بیه خطاسی اوزرنه متقد
 اولما یوب نیجه کره رجوع اتمشدر نیکیم اصحاب مذاهب
 منقولدر یا مجتهد باطن دایما حق دن اخذ ایدر کن نیجه
 خطاسی اوزرنه مقتدا اولور پس بومقوله خصوص صلوته
 سند ظاهرک عدمی عدم علی موجب دکلدر زیر اعبادت
 مقوله سید را کر بدعتدر دیر سک بدعت حسنه در
 بدعت سینه دکلدر زیر اعبادت مقوله سی صلاوت
 اولان بدعتدن مستثنادر نیکیم بالاده حدیثله معلوم
 اولدی ومن انکر هذا فعلیه کلامه ذکر اولنا نماز
 واضعلری فی تضلیل اتمک ذکر اتمکری احادیث مجملیه
 کوره در یو خسه نفس نمازده ضلالت اولمق یوقدر
 مکر بروصف عارضه مقارنتله سکروه و یا حرامد نیله
 اوقات سکروه و محرمه ده قلنان صلوات کبی بلکه
 عابد لر بو آنه کلنجه صلواتله احیاء لیانی ایده کلشدر در

نیکیم

نیکیم رابعه عدویه رحمها الله تعالی لیل سادده بیک
 رکعت نماز قیلوردی و اول حدیثکه کلور لا تختصوا
 لیله الجمعة بقیام بونک ستری رسالمرده ایبار
 الافکار دن و غیریدن نقل اتدو کز معنای دقیقله
 معلوم اولور و بومقوله مقاماتک حقائق اهلته
 معلومدر پس بی مزاق اولان زهد و عبادت ندر بلز
 فکیفکه عشق و شوق و محبت و اسرار در وی بیله
محرره پس ایکن حوصله سینه قطره یدی دریای
 نیلسون عصفور شول مزاجه که مته غالبدر
 اولدی یا ننده انکین منفور **والخامس والعشرون**
 کتمان الشهاده بلا عذر یعنی بلا عذر شهادت کتم
 اتمک دخی کبا ثرد ندر نیکیم فرأنده کلور ولا تکتموا
 الشهاده پس آنک غیر بیه شهادت قائم اولسه اوزرنه
 ساقط اولور و الا خائن اولمش اولور زیر شهادت امانت
 در و قرأنده کلور و اقيموا الشهاده لله یعنی شهادت
 مشهود له و یا مشهود علیه طرفه با قمع و اغراض نفسانی
 بر غرض قادرشدر ممق کر کدر اگر خالصا اولمسه اداء شهادت

اندوکی صورتده کتمان شهادتله خیانتدن خلوص
 اولوسه ده ثوابدن محروم اولور زیرا ثواب عمل
 نیتیه رهونددر نتکیم حدیثده کلور انما الاعمال
 بالنیات و كذلك قاضی فاسق اولسه و یا خود شهادت^{تک}
 مقبوله اولیاجعن و طعنا بلسه بوسورتلرده دخی
 کتم شهادت ایله آثم اولماز بعد ز اشهادتدن مراد
 اخراج حق و الزام حقدرا انچون یا لکن قاضی تک عملی
 کفایت اتمز بوسبیدن در که قیامت کونی انبیاء^{علیهم}
 السلام اعم اوزر نه شهادت استلر کر کدر مع هذا
 علام الغیوبک علی محیط و شاملدر فاعرف الاسرار
 وارفع الانکار **السَّادِسُ وَالْعِشْرُونَ** اخذ
 الرشوة یعنی رشوت المقدخی کبائر در رشوت
 ابطال حق و یا احقاق باطل ایچون ویریلن مالدر
 بنی اسرائیل زمانده قلمشدر نتکیم حکایه ده کلور
 بنی اسرائیل زمانده احقاق حق ایچون اوج قاضی
 تعیین ایدر لر ایش ایکی خصمک بری قاضیلرک برینه
 قناعت اتمسه ایکنجیسنه و اوکنجیسنه مراجعت

ایدر لر ایش بو قاضیلری امتحان ایچون برکون بر ملک
 انسان صورتته کروب بر قسراق آته سوار اولوب
 بر چشمه یا ننه کلوب مترقی اولوب طور که برکسه
 بوله و انکله بر حیثیت قله و قاضیلره مراجعه یه وار لر
 اتفاق برکسه بر اینکی بز اغوسبیله سوردر کلور و
 اول چشمه دن اینکه صو و یروب دو بوب کتمک
 استد که ملک بوز اغویه اشارت ایدوب بوز^{غور}
 قسراغک یا ننه کلور اینک ایله بله کتم اول کسه
 نقدر بوز اغویه چاغیر یسه بوز اغو وار مز بالآخره
 بوز اغوی اوراد ن سورمکه کلور ملک ایدر لر
 کشی بو بنم ملکدر آتمدن طوغمشدر نه استرسین
 اول کسه ایدر نه غریب سوزدر بوز اغو بنم اینکدن
 طوغمشدر دیر ناچار قاضی اوله واروب مراجعه
 اولور لر فاتما ملک ایدر وجه قاضی یه کروب افندی
 بوز اغوی بکا حکم ایله سکاشود کلونسنه ویره^{یم}
 دیر قاضی اولسون دیر مراجعه اولد قد قاضی بوز^{غوی}
 ملکه حکم ایدر اول کسه قناعت اتمیوب قاضی

ثانیہ وارور لر اول ملک قاضی ثانیہ دخی بر نشنه
 عرض ایدر قاضی ثانی دخی قبول ایلر و رفعه اولدقه
 قاضی ثانی دخی بوز اغوی ملکه حکم ایدر اول کسه
 قناعت اتمیوب قاضی ثالثه وارور لر ملک یسه
 قاضی ثالثه بر نشنه عرض ایدر یجک قاضی ثالث
 ایدر بن بو حکمی ایدر هم بن حیض کورد و دیر ملک
 ایدر رجال حیضدن بریدر بونه مقوله سوزدر
 دیدکده قاضی ایدر بنم حیض کورد و ~~دیده~~ دیدکده
 تعجب ایدر سین یا بوز اغو قسراقدن آتدن حاصل
 اولدوغنه نیجون تعجب اتمز سین اگر رجال حیض کورد ^{کسه}
 بوز اغو واقعہ سی دخی صحیحدر دیدی اوراده
 ملک قاضیان فی النار و قاض فی الجنة دیدی
 پس بو کلا تا ملک اغزندن منقولدر و مقاصد
 حسنه احادیثنده کلور که القضاة ثلاثة قاضیان
 فی النار و قاض فی الجنة قاض قضی بغیر حق و هو
 یعلم فذاک فی النار و قاض قضی و هو لا یعلم فاهلک
 حقوق الناس فذاک فی النار و قاض قضی یحق

فذاک فی الجنة یعنی قاضیلر اوجدر ایکسی
 اهل نار و بری اهل جنتدر بر قاضی که حق نه
 ایدوکن بلورکن یارشوت الوب و یا بر غرضه بناء
 بغیر حق قضی و حکم ایلیر بوقاضی اهل نار درو
 بر قاضی که حکم شرعی یی بلیوب و قضا سبیل
 حقوق ناسی اهلک و اضاعت ایلیر بودخی
 اهل نار در زیر ابو ایکسی قرأند و کافر لر له برابر
 قلنمشلردر ننتکیم کلور و من لم یحکم بما انزل الله
 فاولئک هم الکافرون و بر قاضی که حقله و موجب
 شرعه قضا ایلیر بوقاضی اهل جنتدر زیر
 محبوب حقد و ننتکیم قرأند و کلور ان الله یحب
 المقسطین و دیمشلردر که هر کسک اکشی
 نشینه یمکدن دیشلری کسمر الا قاضینک دندا
 طتلوی کله کسمر یعنی رشوت المقایله حق
 او ذر نه حکم ایدر مز و دیمشلردر که البراطیل
 تنصر الا باطیل براطیل بر طیلک جمعیدر که
 اصلنده حجر طویلدر بوراده رشوت مراد اولنمشلردر

نتكم القمه الحجر دیر لر جت ايله اسکات ایلسه
 پس بونده رمز وارد در که رشوت نقد رطلوا و لسه
 ینه طاش حکمده در و قرآنده کلور ولا تشتر و
 بایاتی ثن اقلیلا یعنی ایات و احکامه بدل غرض
 یسیر دینا الماکوز و دنیا بی الوب دینی اکابدل
 و یرمکوز زیر دین بی بدلد در پس بی بدل اولان
 نسنه بی امر حقیره دکشمک جنوند در **الحذر**
 بی بدل دینی بتون دنیا یه و یرمک فی المثل
 یوسفی صاتمق کبیدر بر یارم دیناره سن
 کوسترن جنت یولن آد مده نور عدلدن
 ظلمت ظلمه دوشوب کر مک ند تد ر ناره سن
 و بلاغات ز محشریده کلور شینان شینان فی الاسلام
 الرشوة و الشفاعة فی الاحکام یعنی یکی شین
 اسلام ایچونده عیب و عار در که بری رشوت و بری
 دخی احکام و حدود ده شفاعة در خصوصاکه علم
 قاضی لاحق اولد قد نصکره شفاعة اتمک منهدر
 اگر جکه حدود قسمی بقدر الامکان بعض شبهات

ايله دفع اولور اتمک وارد رشتم حدیثده کلور
 ادروا الحد و ما استطعتم بعد زارشوت دودت
 وجه اوزرنه در اول کسی بودر که بر محتسب کسی بی
 تخویف ایدوب رشوت المقدربور رشوت اخذ ایده
 حرامدر و لکن ویره نه جائز در زیر اکندی نفسنی
 وقایه ایچون و یرر ایچنسی بودر که سلطاننه متعلق
 اولان ایشی بتور مک ایچون بر کسیه یه رشوت
 و یرسه اول کسیه انی اخذ اتمک حلال دکلدر زیر الذن
 کلنه مصالح مسلمین ده بولنمق لازمدر پس اخذ مالک
 وجهی یوقدر مکر اجرت قدماله اوچنسی بودر که
 سلطانندن قضا تقلد اتمک ایچون رشوت و یرر بو
 صورتده اخذ و عطاسی حرامدر دور دنجسی بودر که
 بکا حکم ايله دیوقاضی یه رشوت و یره بونک اخذی
 حرامدر کرک حقله قضا اتسون و کرک ظلمله قضا
 اتسون زیر ظلمله اولدوغی وقت رشوت در و بر
 دخی ظلمله قضا یه سبید و حقله اولدوغی صورتده
 اقامت واجب ایچون اخذ مال اتمش اولور فاما اعطاسی

اگر ظلمه ایله اولور سه جائز دکلور و اگر حقله اولور سه
 جائز در کذا فی نصاب الاحتساب **والتابع العشرون**
 قتل نفسه او قطع عضو من اعضائه یعنی کشی کندی
 نفسی قتل اتمک یا خود اعضا سندن بر عضو فی قطع
 دخی کبائر دند زیر اعضا فی قطع اتمک دخی گاه
 اولور که تلف نفسه باعث اولور پس اولدخی قتل
 نفس کبی منهدر و بر دخی اعضای انسان الات
 طاعات و اسباب عبادت و محاسن وجود در پس
 انی قطع اتمک تغییر خلق قبیلند ندر نکیم شیطانک
 بو خصوصده قسمی قرأند کلود بطریق الحکایه
 ولا مرتهم فلیغیرن خلق الله پس ارضقانی و عوذ
 صاچنی تراشا اتمک تغییر خلق یا بندن اولیجق قطع
 عضو نیجه اولق کر کرد فاما اختان و ثقب اذن نساء
 شرعله و وارد اولغین مستثنادر و کندی نفسنی
 قتل ایدن حقند و وارد اولان و عید غیر بی قتلده وارد
 اولاندن اشد در اگر چکه ایکسی ده امر عظیم در زیر
 انسان بناء حق در و بناء حق هدم ایدن ملعوندر

وحدیثه کلود سببالمسلم فینق وقتاله کفر
 ولکن بو حدیث تغلیظ طریقله وارد اولمشدر و یا
 استحواله محمولدر و یا مقاربه معناسنه مأخوذدر
 نتکیم نماز حقند کلود من ترک الصلوة متعمدا
 فقد کفر ای فقد فعل فعل لکفره او قارب الکفر او کفر
 تحقیقا ان استحل التری و ترک الصلوة لکونه اصل
 و عبادة و علی هذا فاعرف پس نظر ایله که کند فی دنیا
 بلا سندن تخلص ایجون قتل ایدن کسه بلاء دینان
 اشد بلائله مبتلا اولدی اگر چکه بو خصوصده
 رب سینه حسن ظنی و ارایدی که نجات بولق امید
 ایدردی پس انک حالی حقه مفوضدر زیر احسن ظنی
 و ارایسه ده نهیندن اجتناب اتمدی و عاصی اولدی
 و قرأند کلود ولا تقتلوا انفسکم وحدیثه کلود
 من قتل نفسه بسم فسمه بیده یحسناه فی نار جهنم
 خالد امخلد اغینها و من قتل نفسه بجدیده فجدیده
 فی ید یجاه بها فی بطنه فی نار جهنم خالد امخلد اغینها
 و من تردی من جبل فمات فهو یتردی فی نار جهنم خالد

فخلد فيها ابدا و بر حدیثده دخی کلور من قتل نفس
 بشی یعذب به يوم القيمة بعد ذاعبت بر حیوانات
 قتل اتمك دخی منیدر منکیم حدیثده کلور من قتل
 عصفور اعشا جاء يوم القيمة وله صراخ عنه العرش
 يقول رب سل هذا فيم قتلني من غير منفعة ولكن
 بليلي وقمری وطوطی و بونلريك امثالنی صوتلریله
 استیناس ایجون قفسده حبس اتمك جائزدر
 لهو و لعب ایجون اولور سه جائزدر کلد ر قاز و اورد
 و تاویق و بونلريك امثالنی دخی انتفاع ایجون و یا
 قوگشیلره ضرر لری طوقونسون ایجون حبس اتمك
 جائزدر و سپیاع طیوری اصطیاد ایجون حبس دخی
 بویله در و فقهاء قوش از اتمده ثواب یوقدر بلکه
 ما کول اللحم اولان لحمی یمك افضلدر دیوتصریح ایدر
 و لکن دیمشلد ر که التقوی فوق امر الفتوی پس
 انسانی و بعض حیوانی احتقا اعتاقدنه نیجه ثمرات
 حسنه و نتائج مستحسنه مشاهده اولمشددر
والثامن والعشرون الذی ائنه والقیاده بین

الرجال و النساء دیاثت دال مهمله نك كسر و ثله ^{مثله}
 ایله دیوثلق دید کلریدر که خاتوننی اجنبی کسه ایله
 ایله کورب مقید اولماق و حالی اوزرنه تنها بر ارق
 در که بی غیرت اولمقدن ناشیدر که زیر اغیری صفی
 غالب اولان کسه کندی خاتونی و جاریه سیله غیرك
 مشا ر کتنی کراحت ایدر و رضا و یرمز و صاحب الکما
 یا دیوث دیمکی موجبات تعزیردن عدا تمشددر
 و قیادت حکمک و یدمک در که او کظرفدن اعتبار ^{اولنور}
 منکیم سبوق سور مکدر که ارد جانبندن اعتبار
 اولنور پس قیادت سوقک نفیضیدر که انکچون
 امارت ر کبه قیادت دیرلر یعنی غزاده آتلویه باشر
 اولوب و او کلرینه دوشوب آنلری یدمک که قیادت
 دیرلر منکیم قریشار اسنده مستقل منصب غده
 اولنوردی حجاب و سقاییت و امثالی کبی بوراده
 قیادت ایله مراداری و عورتی مجوره داعی و زنایه
 واسطه اولمقدر که بحسب الغالب پیره زنلريك
 صفتیدر که اجنبی اولان آر و عورت اراسنه

کروب بری برینه چکر و دلالت ایدر پس اگر
 دیانت و اگر قیاد تدر ایکسی دخی زنی حکمده در
 زیر از نایه رضا دخی زناد و وحدیثده کلور
 لیس احد اغیر من الله من ان یزنی عبده او ترفی امته
 یعنی الله تعالی قولنک و جاریه سنک ز ناسنی زیاده
 کراحت ایدر و لکن غیر تنک ظهور نه سبب یا لکن
 فعل محرم دکلدر بلکه الله تعالی ایله اوصاف ربوبیت
 مشارکت و کبر یا سنده منازعه در زیر فاعل اولان
 کسیه هر ادا تو کی نشنه به مباشرت ایدوب
 بلا منع و لا قید و لا تجبر تصرفده مطلق اولق
 صفات ربوبیتدندر زیر حق تعالی فاعل مطلق
 و ماعداسی ایسه اهل حجر و تقید در پس چن
 قول کنده مقتضای ارادی او ذر نه تصرف
 مطلقه طالب اولوب حجر و تقید د اثره سندن
 خروج استسه حق تعالی کنده جانبینه مخصوص
 اولان صفتده مشارکت طالب اولمشا اولور ^{سبب}
 غیرت حق ظهور ایدوب یا غضب و یا عقوبته مؤید

مکریم عنایت حق تدارک ایلیه **محرره** عنایت
 ایلمز سه حق تعالی گرفتار عذاب اولور عبارتی
 دیمه قندن کلوریدر بو عقوبت که سنسن فی الحقیقه
 اکه بادی **والتاسع والعشرون** الشعابیه
 عند الظالم سعایت کسرله غمزا تمکه دیر لر یعنی
 غمنازلق دید کلریدر که قو و یجیلقدر پس معنی دیمک
 اولور که ظالم بکلر و ظالم قاضیلر یا نلرنه واروب
 غمنازلق اتمک دخی کباشردندر زیر الله تعالی
 فاصلحو این اخویکم دیواصلاحله امر اتمشدر
 غمنازلق ایسه ایکی کشینک اراسنی افساد در که
 منهدر نیکیم قرأند کلور ولا تقسدا فی الارض
 بعد اصلاحها انچون من یسمع یحل موجبجه
 غمنازلقه قولاق طو توب کسر عرض و یا تجریم ایدر
 و لکن فتواده کلور که اولجریمه یی صکره سبب
 اولان غمنازدن المق مشروعدر تاکه متنبه اولوب
 بردخی او یله غمنازلق اتمیه وحدیثده کلور لایسعو
 بین الناس الاوله بغی او من فیه شیئ منه یعنی

خلق ارا سنده سعایت اتمز الاولد زنا و یا زنادن
 آنده بر نشنه اولان سعایت ایدروینه حدیثده کلور
 الساعی بالناس الى الناس لغير رشوة یعنی خلق
 ارا سنده بر برینه غمازلق ایدن ولد حلال دکلدر
 زیرا ولد حلالدن الاصل لا یخطئ موجبین خطا
 و بدکارلق کلزود بمشردر که سعایت ایله نیمه
 بر در و لکن خوف اولور طرفه نسبت اولندوغی زمان
 سلطان و امثالی کبی سعایت اطلاق اولور و کتب
 فقرتیه ده کلور که عوانلری و ساعی بالفساد اولنلر
 وظالملری ایام فترتده قتل اتمک مباحدر و قاتلدخی
 مثاب اولور کرکسه مسلم اولسونلر زیرا انلر شرط اسلام
 اولان شفقت علی خلق الله موجبیه عامل اولدیلر پس
 او مقوله لک حبسله شتر و ضرر لری مندفع اولماز
 نتکیم بغاة و قطاع طریقده مشاهد در بلکه انلری
 مسلملری انلرک شتر و فسادندن صیانت ایجون قتل
 اتمک کرکدر و جواهر نام کتابدن نقل ایدوب قهستانی
 دیر که وجب قتل الامی المؤدی یعنی مودی اولان

انسانی قتل اتمک واجبدر و بعض فتواده کلور
 الامام ان یقتل السارق سیاسة یعنی سارق
 حدی النی قطع اتمک ایکن یینه حاکم اولان کسه اصلاح
 عالم ملاحظه سیله ساعی بالفساد اولغله قتل اتمک
 مشر و عدرو سائر حاکمه مفوضه اولان امور دخی
 بویله در **الثانوی** الشی سحر خارق عاده نشنه
 اظهار اتمکدر و لکن نفس شتریره دن اعمال مخصوصیه
 مباشرت ایله حاصل اولوب و تعلیم و تعلم دخی جاری
 اولور امور دن اولغله معجزه و کرامتدن متمیز اولور
 پس معجزه و کرامت متقیدن و سحر و امثالی فاسقدن
 صادر اولور و سحر عند اهل الحق امر ثابتدر یعنی امور
 حقیقیته دندر اصابت عین و اصابت لسان کبی یوخسه
 امور خیالیته دن دکلدر و حدیثده کلور الشی حق
 والعین حق یعنی سحرک مسحورده و عینک معیونده
 اثری ثابتدر و دل دکمک دخی بویله در نتکیم خلق
 ارا سنده مجربا تندن در و سحرک تخییل اولدوغی حقیقه
 وجودی اولدوغنی منافی دکلدر بلکه اول تخییل آنک

وجود فی اثبات ایدر زیر اسحور اولان کسه نك
برسنه نك وقوع وعدم وقوعی تخیل و یا فعل و
ترکی اراسنده مترد اولدوغی سحر ك اثریدر ایچون
قبیل الصبح یعنی صبا حدن اوکجه اولان وقتیه سحر
دیدیلر زیر اول وقتیه آخر لیک ظلمتی نور نهار له
مختلط در و لکن سحر و سحر انواع سحر ده تأثیر الله تعالی
دندر اگرچکه ظاهرده عبدك اسبابه مباشرتیه
حاصل درود بمشردر که سحر رقی و غراثم و عقدر که
ابدان و قالوبده مؤثر در شویله که آنک سببیه و ضرر
و قتل و جنون و فرقت زوجین و امثالی حادث اولور
زیرا کلامك بله طبع و نفوسده تأثیری وارد
نتکیم نما اولنلرك کلامنده محسوسد حتی
نیجه کسلر کلام مؤثر یوزندن هلاک اولمشلردر
حضرت داودك علیه السلام حسن صوتندن هلاک
اولدقلری کبی و بعض حکایاتده کلور که فرهادرد
وصلت شرین امید یله کوه کنلک کارنه مشغول
ایکن برکون بر پیره زن فرهاده کلوب حلوا عرض

ایدوب دروغ طریقیه سن صاغ اول شیرین دینادن
کندی اشته حلواسی دیدوکی کبی فرهاد ناچار اول
کلامی هائله طاقت کتور میوب جانی جانان یولنه
بذل اتدی و اول ساعت طریق فنایه کروب کندی پسر
کلامك تأثیری بو اولیجق سحر ك دخی علیل و امراض کبی
ابدانده تأثیری اولق بعید دکلدر و امام شعرا فی
قدس سره کتاب الجواهرده ایراد ایدر که ارواح کوکب
همم ایله تنزل ایدر و آنده خاصیت دخی مؤثر اولور
استخدام اسما و اطلاق بخورات و امثالی کبی و لکن
بوکات تنزل معنوی دیرلر زیرا کوکبك زوایا یرندن
زائل اولماز بلکه الله تعالی بو عالم کون و فسادده اول
کوکبك مطارع شعاعاتی ایچون تأثیرات معتاد
خلق ایدر شرب آبدیه قائمق و اکل ایله طویق و نار له
یا نمق خلق اتدوکی کبی و رساله بایزید رومیده قدس
سره ده کلور که آدمك اکثا د ناسی که کافر
قاریسیدر که طاشی کذینه مستخر ایدوب طی مکان
ایلر یعنی سحر له برکوپه بنوب هنده کیدر مع هذا

کفر فی منافی دکلدر زیر شان انسانده حق تعالی بیورد
 و سخی لکم مافی السموات و مافی الارض اگر چه که اسبابله
 اولانه کرامت دیمزلر بلکه سحر دیرلر انچون فرعون
 حضرت موسی دن علیه السالم سوعد طلب ایلدی تاکه
 اول وقتهدک تمیله اسباب سحر ایلله کرامت و معجزه
 ایسه توقیت و تمیه به محتاج دکلدر و طاش کوپری
 زاده رحمه تعالی موضوعات العلوم نام کتابده
 بطریق الحکایه ایراد ایدر که ملوکدن بری دعوت
 دخله مشغول ایدی بر دفعه اعظم ملوکدن برعدوسی
 ظهور ائدی که انکله محاربه قادر دکلدر و خدای
 دخی بو خصوصده متحیر اولدیرو اول پادشاه
 اسباب حرب و قتالی تمیه ایلله مقید اولمایوب
 دعوتده اشتغال کوستردی بر کون خواص و ندما^{نسیله}
 او توردکن آسماندن بر هیکل نزول ائدی اهل مجلس
 آنی کورد کلرنده خوفلرندن پریشان اولدی چونکه
 اول هیکل پادشاه او کونده مستقر اولدی اصحابی
 پاننه دعوت ایلدی کوردیلر که نخاسدن معمول

مثلت

مثلث الشكل بر طرفدر که ایجنه خصمک باشی
 مقطوعا وضع اولنمشدر فرحناک اولدیرو عسکر عدو
 قصه دن اکاه اولیجق اولور همیشه غیبت شهفته
 سپاه موجبینه فرار ائدیرو اول پادشاه روحانیت
 دخل ایلله منصور اولدی و اصحابنه توجیه خطاب
 پر عتاب ایدوب سز بنی دعوتده اشتغال لمدن او تری
 تسفیه اتمش ایدیکوزاشته دعوتک ادنی نفی بودر
 دیدکن جمله سی اول دعوتده معتقد اولوب طعن و تشنیع
 امساک ائدیرو اول طرفک نخاسدن معمول و مثلث^{الشکل}
 اولدوغی طبیعت دخلک اول معدنی و اول شکلی اقتضا^{سند}
 او تری ایدی و دیمشدر که سحرک عملی کفر درنتکیه
 انوار التشارقده مسطور در و تعلی و تعلیمی حرامدر
 بالاجماع پس بر کبسه آنک ابا حتنه زاهب اولسه
 کافر اولور پس عملنک کفر اولدوغی استحلالیه محمولدر
 والا کبائر دن عد اولور مکرر کیم سحرده کفر عمل اوله
 فاعرف و خریده العجا ئیده کلور که بر کون برخانون
 حضرت عایشه رضی الله عنها یه اغلیور اق کلوب

رسول الله صلى الله عليه وسلم ارادی و بولامدی
حضرت عایشه دخی مرادك ندروینه اغلا رسن
دید که سحر خصوصند بر نشنه طانشمق استرین
دید حضرت عایشه تکرار سوال اند که اول خاتون
دخی جواب ویروب مدت طویله در که زوجم غائب
اولشدر برخاتون بکا کلوب اگرارك کلسون دیرسك
سکا دید و کیم نشنه ایله عمل ایدر مساین دیدی
بن دخی نعم دیدم پس وار بیا نشو وقتنده ایکی
سیاه قوج کتور ب برینه کندی بندی و برینه دخی
بن بندم از اجق زمانده بثر بابلده هاروت و ماروت
اوز نه داخل اولدق اول خاتون انلره خطاب ایدو
شو خاتون سزدن سحر اوگر نمك استر دیدی آنلر
دخی جواب ویروب اللهدن خوف ایله و کفری
قبول اتمه و گرو دون دید که ابا ایلیوب البته تعلیم
ایدر سکوز دیدی و الحاح ایلدی انلر دخی بکا
خطاب ایدو ب چونکه مرادك سحر او رکمنکد و وار
شوتنوره بول ایله دید کلرن بن دخی دتره یه رک

دید کلرینی اندم و اول ساعت بندن باشی بیضه
حدیدی مشتمل بر آتلو جقوب آسمانه صعود ایلد
بن دخی کلوب واقع اولانی انلره خبر ویردم انلر
دخی دید یلر که اول سندن چقان ایمان ایدیکه
قلبکدن خارج اولدی و ارامدی سحر اوگر ندك
دید یلر پس بو خبر دن و امثالندن فهم اولنور که
سحر حقیقتی کفرله حاصل اولغین فاعلی دخی کافر
و تعلم کھانت و شعبنده و ضرب بالرتل و الحصى
و الشعیر و بونلرک امثالی و بونلرک اوز نه اخذ
اولنان عوض دخی خرامدر فاما شول اهل عزیمت
مصر و اوز نه عزیمت ایدو ب جن جمع اتمک و جن
اکا اطاعت ایلمک زعم ایدر بونک حقنده امام احمد
رحمه الله تعا توقف ایلدی سائر ائمه سحر دن عد
اند یلر و سحرک اشراک بایندن اولدو غی آندن
تأثیر اعتقاد اتمک اوز نه سبیدر یعنی بر کسه
تأثیری اللهدن بلیوب سحر دن بلسه مشرک اولور
و تطیر دخی بویله در یعنی بر کسه بر نشنه فی

شتره علامت قلمق صوت غراب و بوم و عقعق و ردویت
 ارنب و رجل فاسق و مصادفه جنب و امثالی کبی
 و تمکن دخی بویله در که یلدزدن سویلک و یلدزلله
 حکم اتمک در تنجیم دخی دیرلر پس بویذن فرم اولنور که
 بر پرده بیقوش و یا خود صوتیله تشام اولنور بر
 غیری قوش او تدکده بر کسه آفی اشیدوب خسته
 وفات ایدر دیسه کافر اولور زیرا بونده علم غیبی
 ادمعادن ماعدات تاثیر اول قوشک صوتندن اعتقاد
 اتمک رایحه سی دخی وارد و کذاک بر کسه بوله
 چقوب صقسغان او تدکده دونوب اوینه کله کله
 عند البعض کافر اولور و تعویذ که دعاء مجرب و یا
 آیت مجربه و یا بعض اسماء الله در دفع بلا ایچون
 تعلیق اولنمق لا یأسدر و لکن بیت الخلاء و یا خاتون^{ننه}
 قربان وقتنده نزع اتمک کر کردر کما فی التاتار خانیته
 وعند البعض مستور اولسه عام نزع جائز در اگر
 چکه اولا اولان نزع در کما فی الشرح الطریقه اسماء الله
 یازیلن خاتم کبی زیر آفی دخی یا نزع اتمک و یا فضتی

کفی طرفنه قلب ایدوب ستر اتمک کر کردر فائاتیمه که
 بویچقدر آنک حقند حدیث کلور که سن علق تیمه
 فقد اشرك زیرا حلا نفعه عرب اولادی بوینلر خرزات
 تعلیق ایدوب اصابت عیندن انکله اتقا ایدر لردی
 ولکن بوحديث و سائر بوسیاقده وارد اولان
 احادیث اعتقاد عربی تحویل ایچون اولمق ظاهر در زیرا
 انلر تاثیر اسباب ظاهره دن ظن ایدر لردی و الا
 اعناق صبیانه تعلیق خرزات اتمک مزاد و کرومه
 عظام رؤس بضبا اتمک دن ابعد کلدر بونی خود
 دفع عین ایچون تجویز اتمشدر در خصوصاً که بعض
 بعض اجمار و معدنیات و امثالی ایچون خواص کثیره
 وارد و در میشلر در که رقیه دید کلری نشنه عبرانی
 و یا سریانی و یا بونلرک امثالی لسان مجهول ایلله او^{نسه}
 مکر و هدر زیر اسحر و کفر قبیلندن اولمق محتمل در انکیچون
 رقیه دخی شرکدن عد اولنمشدر و توله دخی بویله
 در که شرکدر توله تاء شتاتک کسر یله سحر واری
 عورتنه سودر نشنه در فتا و ای خانیته ده کلور که

بر عودت اری کند نه محبت انشون ایجون تقویر
 کتور مک حرامد و در تیمه و رخ صدر یعنی شوایک
 که بر نشسته بی خاطرنه کتور مک ایجون پرمغه و یا
 خاتمه ربط ایدر لولا با سدر زیر انسیانی غالب
 اولنره کوره احتیاج وارد ر بعد از اشرح رمضانیه
 کلور که ساحر اولان کسه نک سعبی اگر افساد و اهله
 طریقیه ایسه قتل اولنور کرک ار و کرک عودت
 و اگر کفرله اولور سه رجل قتل اولنور فقط زیر افسا
 صورتنده محارب کبی اولور فاعرف و فروعده کلور که
 ساحره مسلمه قتل اولنماز زیر رسول الله علیه السّلم
 قتل بنسارن مطلقانی اتمشد بلکه ضرب و حبس
 اولنور زیر جریمه عظیمه ارتکاب اتمش اولور و لکن
 اشباه نظائرده کلور که کل کافر تاب فتوبته مقبولة
 فی الدنیا و الآخرة الاجماعه الکافر بستی بنی و بستی
 الشیخین او احدثها و بالستر و لو امرأة و بالزندقه
 اذا اخذ قبل توبته یعنی هر کافر که توبه ایده آنک
 توبه سی دنیا و آخرتده مقبوله در مکر انبیادن بر بنی

علیه السّلم سب اتمکله کافر اوله آنک توبه سنه اعتبار
 اولنماز بلکه قتل اولنور و زقی سب بنی انسه مذ
 ابی حنیفه رحمه الله اوزره قتل اولنماز و لکن زخیرده
 کتاب الشیرده تصریح ایدر که عند الحنفیه حق
 اولان بودر که اگر شتم بنی بی اغلا ن و اظهار
 ایدر سه زقی ایسه ده قتل اولنور و سب ابی بکر
 و عمر رضی الله عنهما و یا خود بر بنی سب ایده نک توبه
 دخی معتبرد کلدر و کذلک کفری سحرله اولسه عودت
 مقوله سی اولور سه ده توبه سی صحیح د کلدر و کذلک
 برزند قبل التوبه مأخوذ اولسه صکره اولان توبه
 التفات اولنماز بغات و قطاع طریق کبی بلکه قتل اولنور
 تا که جزای عملن بوله و هم عالمه عبرت اوله **والمخاری**
والتلون منع الزکوة یعنی زکوة فقرادن منع
 اتمک دخی کباشردن در زیر ازکوة صلوتک قرینی در
 نتکیم قرأنده کلور و اقیما الصلوة و اتوا الزکوة
 پس ترک صلوة کباشردن اولیحق منع زکوة دخی
 کباشردن اولور و علماء اصول ترتیب ایدوب

اول ایمان اندن صلوتی اندن زکوتی صلوتی اندن
 زکوتی اندن صومی اندن حتی اندن جهادی باز
 مشلردر زیرا ایمان اصل الاصولدر و صلوة اصل
 الفروعدر که نعت بدنه شکر مشروع اولنمشدر
 تنکیم زکوتک مشروع عیتی نعت ماله شکر ایچون
 در پس زکوتی منعله کفرانی اوزره اولمق کبیره در
 افکچون ابتدای خلافت صدیقده رضی الله عنه
 عربدن اون ایکی طائفه اظهار مخالفت ایدوب
 زکوة جمع ایدوب ایدن عاملر زکوة ویرمیوب
 مرتد اولمیرله حضرت صدیق خالد بن الولیدی
 رضی الله عنه اوزر لرینه کوندردیلر خالد دخی
 اکثرن قتل ایدوب کیمی دخی فرادیلر بالآخره
 ادای زکوته تعهد ایدیلر و فقرهای دیرلر که ادای
 زکوة دن امتناع ایدن کسه حبس اولنور و لکن
 جبراً الندن سننه النمازینه کندی اختیار یله
 ویرمک کرکدر و زکوتی اشکاره جقار مقکرکدر
 مکرکیم ظلمه دن خوف ایدر سه اول وقتده مالنک

مقدارنی کسه بلمک ایچون اخفا اتمک جائزدر و
 كذلك مریض اولان کسه وارثلرندن خوف ایلسه
 مال زکوتی سرّاً اخراج ایدر و اسقاط زکوة ایچون
 حيلة شرعیته اتمک امام محمد رحمه الله قاتنده
 مکر و هدر فقرها فقرادن ضرری دفع ایچون امام محمد
 قولیلله فتوی ویرمشلردر و صدر اولده بنی هاشم که
 ال رسول و سادات امتدر آنلره مال غزا و غنائم دن
 خمس الخمس ویرمکله زکوة اخذا اتمک مشروع دکل
 ایدی صکره اول خمس وفات رسول علیه السلام ایله
 منقطع اولمغله انلرک فقراسنه زکوة ویرمک و آنلره
 دخی مال زکوتی قبول اتمک جائز و حلال اولمغله فتوی
 ویرلدی تنکیم نهایی ده و شرح و قایده و امثالنده
 مسطوردر و دیمشلردر که مهر مؤجل زوجیه کوره
 دین و زوجیه کوره نصاب اعتبار اولنماز یعنی
 زوجیه مهری قبض اتمد کجه غنیته اولماز و كذلك زوج
 بنم مهر بوجم وارد یوز کوتدن امتناع ایده مز پس
 مهر مؤجل سائر دیونه بکره مز و بر فقیره دفعه نصاب

ویرمك مكر و هدر مكر مديون و يا صاحب الاعمال
اوله كه فرضا اخذ اند و كي مالي انلره تفريق اتسه
هر برينه نصاب اصابت اتيه اسقاط صلواته
اولان دور دخي بويله درود بمشردر كه زكوة لله
در پس مدفوع اليه دن خدمت و يا غيري منفعت
ملاحظه اتمك كر كر اكر چكه قيسنده اولان
خدمتكاره زكوة جائز در اكر تسليم بولورسه و
خدمتكار دن مراد مردم اولاندر زيرا كندى قولنه
وجار يه سنه زكوة ویرمك مشروع دكلدر و مال زكوتله
تكفين و تعمير مساجد و بناء قناطر و بونك امثالي
سنه صحيح دكلدر مكر بر فقيره تصدق اين فقير دخي
و ادب ذكر اولنان اموره مباشرت ايليه و بوا عصاره
ظلميه دفع اولنان مال زكوتى اعاده اتمك اولاد زكيم
اهل بدعت و امثالنه جائز دكلدر پس اعاده سى واجب
زيرا كافر زكوة ویرمك كى اولود و زكوت دن غيري
وجهله دخي اهل فسقه ماله و يا غيري وجهله معاوت
اتمك منهدر زيرا انلر كلا بدن بتر در كلا بك ايسه

اياغنه وار مق و آنلره نان و يا غيري غذا كوتورمك
مشروع دكلدر مكر ضرورت قوتيه اوله اشته
اهالى زمان بومقوله نشنه لره خريص اولوب
ماللرن بغير وجه اسراف ايدر لر ز عملر بنجه خود
تعبد و سبب تقرب در دير لر نفوذ بالله تعالى
والثاني والثلاثون **التخلف عن الامر بالمعروف**
والنهي عن المنكر تخلف كرى طور مق معنا سنه در
معروف اولدر كه آنده رضاء الله اوله قول اولسون
فعل اولسون منكر آنك ضد يدرو كاه اولور كه
معروف ايله دين اينجده حسنى معروف و معلوم
اولان امور حسنه و كذلك قبحى معلوم اولان
شئون سيئه نك مجموعى مراد اولسور تنكيم و بمشردر
در كه كل ما وافق طاعة الله فعلا او تركا فهو
معروف بوصورتده معروف منكر لى مقابلى
اولماز يعنى امر بالمعروف و نهى عن المنكر اتمك دن
تخلف و تأخر و ابا و امتناع اتمك دخي كبا ثردند
زيرا اهل دينه مرتبه لرينه كوره كر كه قلبا

وقال باخذ مت دینده بولنده واليله منكري دفع اتمكه
 قادر اولماز سیه باری دلیله وانکله دخی ممکن اولماز سیه
 باری قلبیله انکار ایلده اگرچه قلبیله انکار اتمك
 اصغف مراتب ایماندر پس بوندن فهم اولندیکه
 امور معظمه ده فضوللق اتمك کرکدر زیر انشا
 مأمور اولدوغی اموره مباشرت ایلله گاه اولورکه
 تحریک شر واثاره فتنه ایدر پس شرائط امر و نهی
 موجود ایه فنها و الا سکوت و قلبیله انکار اوزرنه
 اقتضار اوجیدر خصوصاً که امر و نهی زیاده خلوصه
 محتاجدر اخلاص ایه حق تعالی نك سترندن برستر
 عظیمدر که خواص ناسه احسان اولشدر پس
 هر عاقلی مخلص اولماز خواص زی و هیئتنده اولورده
 زیر اعموم و خصوصده نظر ظاهره دکلدر بلکه
 باطنه و قلبیه در و کتب فتاواده کلورکه برکسه آخه
 دیسه که یوری فلان کسه نك خانه سنه واکام
 بالمعروف ایلله اول کسه یعنی آخردخی اول کسه بنم
 دوستمدر و یا خود جوق ایلوکن کورد و یا خود

بوفضوللق ایلله بنم ایشم ندر دیسه کافر اولور زیرا
 فرضی انکار اتمش اولور قادر اولدوغی صورتده و
 اگر قادر دکل ایه لا بأسدر تنکیم امام اعظم
 رحمه الله تعالی حضرت نوری برد فقه بر مجلسده بو^{نوب}
 اول مجلسده بعضی منکرات ظهور اندی دفعنه
 و اورادن قیامه دخی قادر اولما یوب سکوت آندی
 پس بر مجلسده منکر اولسه اوراده منکر اولدوغی^{عن}
 بلن کسه اول مجلسه حاضر اولق منکر در و احیاء
 العلومده کلورکه نهی منکر اتمك بش مرتبه در
 اولکیسی تعریف و اعلامدر و ایکنجیسی کلام
 لطیف ایلله و عظمدر و اُجُنْجیسی یا جاهل یا احمق الله
 تعالی دن قور قمر مساین دیوبو مقوله سوز لرله
 شتم ایدوب عنف و غلظت کوستر مکرر و دورد^{نجسی}
 بطریق المباشرة متعذر سلاهه بی کسر اتمك
 و خمری اراقه ایللك و باشندده حریردن ثوب
 و ارایسه الوب قایمق و غضب آندوکی دشنه بی
 الندن الوب صاحبته و یرمك کبی و بشنجسی

ضربله تهدید و تخویف و یا بالفعل ضربه میباشد
 مثلا بر کسی غیبت و قدفه معتاد اولسه انك
 لساننی بعینه قطع انك ممکن دکلدر بلکه سبب
 سکوت اولان ضربله معامله انك کر کرد و بر کسی
 بپاسنده منکر کورب نی ایلسه اغضاب انك
 قدر سويلك کر کرد اگر غضبه کلورسه سکوت
 ایلیه و عبد سیدی ایله و زوجه زوجیه و تلمیذ
 استاذیله و رعیت والی ایله دخی بو اسلوب اوزر
 درودیمشلدرد که مجتهد فیه اولان موضعده انك
 انکار ایدوب اولماز مثلا حنفی شافعی اوزر نه انکار
 ایدوب نیچون متروك التسمیه اولان نسنه یی
 اکل ایدر سین دیمیه و كذلك شافعی حنفی اوزر نه
 انکار ایدوب مسکر اولیان اوزر صوی ایچون نیچون
 شرب ایدر سین دیوسویلیه و بدعت خصوصنه
 اولان نه منکر سائر منکر اتدن اهدر و بر منکر
 مکروه قبیله دن اولسه آندن منع انك مستحب
 و سکوت انك مکروه در و منکر محظور دن نه انك

واجبدر قادر اولان و قدرتی تقدیر اوزر نه سکوت
 انك محظور در و نصاب الاحتساب نام کتابده کلور
 که امر بالمعروف انك وجوه اوزر نه در پس اگر
 امر ایدن مأمورك اطاعت ایده جکن بیلورسه
 امر انك واجبدر و اگر اطاعت اتمجکن بلورسه
 بوضو رتده اگر امری سببیله ارا لرند عداوت
 حاصل و یا امر ایده نه بر مضرت و اصل اولمزه
 مختیر در دلرسه امر ایدر و دلرسه ترک ایدر و
 اکن اخرا از ثواب ایچون امر انك افضل در و اگر امر
 اند و کی صورتن اکبر رأی ایله مأمور طرفند
 کند نه ضرب و عتم واقع اولاجفن بیلورسه اذیته
 صبر انك نشانندن ایسه امر انك عزیمت و ترک
 انك رخصت در صبر اتد و کی صورتده مجاهد فی
 سبیل الله اولمش اولور و اگر جفایه صبر ایده میجکن
 بلورسه نفسی حفظ ایچون ترک امر انك افضل در
 اشته بوبیان محتسب و منصوب اولمیه کوره در
 فاما محتسب منصوبك یا ننده اعوانی اولمغه

میجکن

کندی نفسندن دفع مکروه و اذی اتمکه قادر در
 پس امر بالمعروف و ترک النعمک کر کرد و دیمشرد
 محتسب منصوبه احتساب اتمک فرزند و فرزند
 ایسه در یا اولیا ز اما محتسب متطوع اخلاص نیت
 محتاج در و حضرت عمر رضی الله عنه سور مشد رک
 امور دینا دن بکا اوج بنسب سور و لدی بری امر
 بالمعروف و بری نهی عن المنکر و بری اقامت جد بودند
 فهم اول نور که حضرت عمرک شریعتی غالب ایدی
 انچون دائما الله فحی دید کلری الت ضربی طوطار
 و خلق انکله تأدیب ایدردی **والثالث والثلاثون**
 الوقیعة فی اهل العلم و حلة القرآن و قیعه بر قاج
 معنایه کلور بوراده مراد بدسویلیک در تنکیم تاج
 المصادره امام بیهقی دیر الوقیعة بد کفتن حمله
 حمله محمله فک و فیمک فتحه لریده حاملک جمیع
 حمله قراندن مراد قرآنک قراءتته ملازمست ایدنلر
 در تنکیم مولانا فنارینک رحمه الله تعالی فاتحه
 تفسیرنده بو و جهله تفسیر اولمشد و صدر اولده

علماء قرآدیور تنکیم حدیثده کلور لا تزال هذه الامة
 تحت يد الله و کتفه ماله یمال قرآنها امرها کافی
 تفسیر السمرقندی رحمه الله تعالی زیرا اول وقتده
 قرآن اوقیانلرک علماء ایدیلر شویله که او قود فکر
 قرآنک معانی و احکامک بیلور لردی بزمر زمانم زده
 قرآنک علل و اولونا نلرک اکثری ایسه نظم کریمدن
 غیرکی بلور و صدر اولده و زمان تا بعین ده کتاب
 و سنتدن غیرکی علم یوغیدی سائر علوم و کتب
 و تصانیف صکره احداث اولندی زیرا اول وقتده کتب
 احادیث و تصنیف کتب کراهیت ایدر لردی زیرا حفظه
 اشتغاله و تدبر و تفکره مانع ایدی پس صحابه
 رضی الله عنهم واجلاء تا بعین رحمهم الله تعالی
 منقرض اولوب هجرت بنویدن یوز یکرمی سنه
 مروردن صکره لاجل المصلحة تألیف و تصنیفه
 شروع ایدیلر پس علوم دینیته ده تألیف و تصنیف
 بدعت حسنه مقوله سند ندر معنای کلا بودر که
 علم دین اهلی و دائما قرآن اوقیوب قرآنله عمل بابنده

اجتهاد اید نلر حقند بید سو یلمک و خصوصاً انلری
غیبت ایلمک دخی کباشردندر پس مؤمنه کرکدر که
علما بالله اولنلردن لساننی کف ایلیه و سوبلر سه
ایلمک لری سوبلیه زیر اثرده کلور لحوم العلماء
مسمومة من شتمها فرض ومن اكلها مات یعنی
علماء عاملیلمک لحومی زهرناکدر برکسه انی شتم
ایشه مریض و اکل ایدر سه هلاک اولور پس بالفعل
لسانه کتورمک دکل خاطر کلدوکی بله ضرر محضدر
زیرا علماء ورته انبیادر انچون وقیعه لری جائز
دکلند **والرابع والثلاثون** تعلم القرآن والعلم
النافع ثم شیانها مع القدوة علی الحفظ یعنی
قرآنی و علم حالی او گرنوب حفظ و ضبطه قدرتی وار
ایکن اونتمق دخی کباشردندر زیرا نماز جائز اولیبق
قدر قرآنی او گونک فرضدر و کذلک علم حال دخی هر
مسلم و مسلمه اوزر نه فریضه لازمه در پس تعلنی
ترک اتمک نیجه جائز دکل ایسه تعلندن صکره اونتمق
دخی بویله در انچون کرکدر که هر کون و هر کیجه قرآنی

اوقویه تاکه اونتمیه زیر قرآنک خیالی انسانک لوح
خاطرندن تیز سلنور و حدیثده کلور عرضت علی
ذنوب اتی فلم اَر ذنباً اکبر من آية او سورة او بیتها
ثم نسيها یعنی استمک کناهلری بکا عرض اولندی
و اول کناهلرک ایچنده بلدوکی آیاتی و یا سوری
اونو تمق قدر بیوک کناه کور مد مد مشلردر که
اونو تمق اودر که مصحفک یوزندن اوقومق ممکن
اولیه و بغضیلر دیدلر که اونو تمق اودر که انکله
عملی ترک ایلیه زیر اعلمک بلا عمل فائده سی یوقدر
پس کرجه قرآنی اونو تمق کناهدر فامتا انکله عمل اتمکی
ترک اتمک بیوک کناهدر و حدیثده کلور تعاهدو
القرآن یعنی قرآنک تلاوتی اوزر نه مواظبت و
تکراری اوزر نه مداومت اید یکن تاکه اونو تمیه
سز و ظاهر در که قرآن اوقومقدن مقصود عمل
اتمکدر پس هم نظمینی حفظ و ضبط و هم معناسنی
بقدر الاسکان ادرالک و هم مقتضای سیده عمل کرکدر
و اولکه علم حال دکلدر و لکن علوم نافعده دن و یا اثکا

وسيله اولان علوم دندرانلری او قوم مقباحدر
 واکر علوم غیر نافعه دن ایسه تعلی حرامدر حکما
 واهل بدعت عمللرینی واعتقادلرینی مشتمل اولان
 علوم و کتب کبی مکر کیم او قوم سی اول اعتقادلره
 و عمللره مطلع اولوب انلری رد ایجون اوله بودخی
 هر کسه کوره دکلدر بلکه سلیم العقل و مستقیم
 الطبع اولنلره کوره در زیرا بونلرک ماعداسی
 عقیده سنی حفظ اتمیوب اختلا له دوشر پس
 او مقوله شری بللمک یکدر اگرچه دیر لر عرفت
الشر لا للشر بل لتوقیه **والخامس والثلاثون**
 احراق حیوان بالنار یعنی حیوانی اتش ایله یا قمق
 دخی کباشردند زیرا احراق بالنار اتمک حق تعالی
 مخصوصدر و فتواده کلور که اودونده قرینجه
 اولسه اول اودونی یا قمق جائزدر نیکیم براغاجه
 زیان ایلسه قرق دخی جائزدر زیرا حیوانی یا جلب
 منفعت و یا دفع مضرت ایجون قتل اتمک حلالدر
 کرک انسان و کرک غیری مثلا بال اروسى بالی

احذ اتمکدن اوتوری اولدر مک جائزدر و لکن
 قتل دن غیرى و جهله بالی المی ممکن ایسه بوصورت
 قتل اتمک مکر و هدر و کذلک دود الغزی یعنی ایپک
 قردی فی کنشده و یا غیرى طریقله اولدر مک
 مباحدر زیرا اولدر مد کجه ایپک ایله انتفاع اولنما
 پساروی و ایپک قردینی و امثالنی انتفاع ایجون
 اولدر مک قویون بوغازلق کبی اولور انسان ایسه
 مکر قمرانک ایجون هر منتفع به اولان حیوانی اولدر مک
 جائزدر انچون صید و شکار حلال اولدی مکر کیم
 قتل بلا فائده اوله بوصورتده قتلندن اوتوری
 مسئول اولور سائر موزی و مضر اولنلردخی
 بوکا قیاس اولنه انچون اثرده کلور کل مضری قتل
 زیرا انسانک موزی و مضری شرعا قتل اولنیجق
 سائر حیوانه بطریق الاوی در و لکن آتشه یا قمق
 منی اولدوغی خی ایکن در و الا ذبح اولندقد نصکر
 احراق جائزدر نیکیم دیشلردر که برکسه بزیمه
 نک اتی یمنزسه بوغاز لیوب آتشه یا قمق کرکدر

و لا یجوز ان یمنزسه
 اگر اول یمنزسه اتی یمنزسه

یعنی بطریق الاستجاب واولکه عجل سامری حقننده
حضرت موسی علیه السلام لنخرقنه دیدی شریعت
موسی ده الحراق بالنار که جواز نه محمول در انچون
شریعت محمد ته او اثلند ده دخی جائز ایدی شو یله که
بعض کفاری الحراق بالنار ایدر لر ایدی صکره منسوخ
اولدی و بعض موتائی روح خبیث شیطانی حلولا
اتمکه قبردن جسدن چقاروب الحراق ایدر لر ظاهر
اولان بودر که ضرری ظاهر اولوب اندن غیر وجهله
اندفاعی ممکن اولماز سه جائز در زیر بعض منسوخله
اقتضاسنه کوره عمل جائز در نکیم قرآنده کلور
لکم دینکم ولی دین یعنی اگر چه بو آیت منسوخدر
ولکن عدو غالب اولان یرلرده فی زماننا الحراولنسه
جائزدر بعد ذابرحیوانک بعض اعضاسن قطع
اتمک ویا یوزنه قراسور مک دخی منهدر مکر
شاهد زور اولاکه لاجل التشهیر تسوید وجه اتمک
مشروعدر وکشاف صاحبی ز محشریدن اعرج اولدو
سببندن سوال اتمشدر عیش صباوت حالنده بر سر چه

قوشی طوب ایاغنه برایب بغلمش ایدم برکون
بو قوش المدن قور تلوب برارالغه کردی بندخی
قوت ایلله اپین طوبوب چکد که ایاغنی قرلدی
والدم اول قوشک بو حالنه مطلع اولد قده الم
چکوب بکا ایاغک قرلسون دیدی صکره طلب علم
ایچون بخاری طرفنه رخت اتد که آتدن دوشوب
ایاغیم قرلدی دیدی پس بونده والده دعاسنک
تأثیری فی و حیوانه اذیتک ضرر فی بیان وارد
والسادس والثلاثون امتناع المرأة من زوجها
یعنی بر عورت اریک فراشندن قاچوب اکامطیع
وتسلیم و مراد بجه اولماست دخی کبائر در ذیرا
بو مقوله عورته ماله که لعنت ایدر لر لعنت
ایسه امر عظیمدر پس قنغی ماده ده که لعنت ایلله
تهدیه و تخویف اولنه اول ماده کبائر در اولمق
ظاهر در مکر تا وبل اولنه تکیم حد یتده کلور
من احتکر فهو ملعون یعنی بر کسه وقت غلاوه
بر نشنه صانتون الوب زیاده غلا وقتنه اتخار

ایلسه اول کسه درجه ابراردن مطرود اولور
 اگرچه رحمت حقندن دور اولماز زیر رحمت حقندن
 دور اولق کفاره کوره در و بر کسه خاتونی فرشته
 دعوت اند که اجابت اتمسه بو خصوص ایچون کاتعزیر
 اتمک جائز در شکیم یوقار و ده کجی **و السابغ و الثلثون**
 الایاس من رحمة الله تعالى یعنی الله تعالی نکه رحمتندن
 نا امید اولق دخی اکبر کبائر دند که کفر در و کفر اگرچه
 ملت واحده در که نظر انک وجود نه در یوخسه اسبابه
 در کلد و لکن ایاس مذکور امر عظیم اولغله کفرده ^{خل}
 ایکنینه بشقه کبیره عدا اولندی و جمعی بود که رحمت
 حقندن قطع امید اتمکده الله تعالی به بخل صفتی اثبات
 اتمک وارد در حق تعالی ایسه بو صفتندن منزه در بلکه
 اکرم الاکرمین در که عباد نکه حاجاتین قضا و مراد اتن
 روا ایدر مخلوقات کبی امساک اتمز الحاصل الله تعالی نکه
 ذاتنده صفات نقصان بولنمق جائز در کلد بلکه انک
 صفتلری صفات کمال در جود و عطا و اکرام و امثالی کبی
 و عبادی جود یله خلق اتمشد در پسینه جود فی

انلردن قطع اتمز زیر اغنی مطلق در و اول نشنه فی که
 اعطاده تأخیر ایدر حکمت و مصلحتیه مبنیدر و قرآنده
 کلور انه لا یبأس من روح الله الا القوم الکافرون
 پس مؤمن بین الخوف و الرجاء اولق کر کرد اگرچه
 دیمشلرد که مرض حالنده رجاء غالب کر کرد زیرا
 وقت خطر و هلاکدر **و الثامن و الثلثون** الامن
 من مکر الله یعنی الله تعالی نکه مکر و عذاب و غضبندن
 امن اوزره اولق دخی اکبر کبائر دند که کفر در زیرا
 بونده الله تعالی به عجز صفتی اثبات اتمک وارد در الله
 تعالی ایسه قادر و قویدر یوخسه عاجز و ضعیف
 د کلد پس امن اوزره اولق الله تعالی بکا عذاب
 اتمک قادر در کلد دیمک اولغله کفر لازم کلور و
 قرآنده کلور فلا یأمن مکر الله الا القوم الخاسرون
 مرویدر که الله تعالی حضرت ابراهیم علیه السلام و حی
 یا ابراهیم بندن حیوان سفترسدن خوف ایدر کبی
 خوف ایله زیر حیوان سفترسدن نفاع و ضرار اراسن
 تفرقه اتمیوب راست کلد و کن افترا سرائد و کی کبی قضاء

سُهر دخی ولی و نبی میاننی فرق اتمیوب نافذ اولور
 زیر عالم تدبیرک حکمی و بشریتک نشانی بودر انکچون
 انبیا و اولیادن نیجه لرامراض مختلفه ایله مبتلی و بلا
 یای شاقه ایله امتحان اولنمشدر پس انلرک حقه
 قربتلری ابتلائی دافع اولیجق سائر حقندن دور اولنلر
 ابتلا دن نیجه امین اولورلر و محمدی ده باقمه دنیا
 یوزکه کلدوکنه دونه یوزی وزهر اوله لذات **والتلثون**
والتلثون الاصرار علی الصغیره یعنی خطیه صغیره
 اوزرنه مصر اولق دخی سینیه کبیره درنتکیم حدیثده
 کلور لا صغیره مع الاصرار ولا کبیره مع الاستغفار
 اصرار اصلنده صردن درکه شد معناسنه در پس
 اصرار شول عزمدر که انسان انک اوزرنه شد و عقد
 ایدییه و اقلا عدن ممتنع اوله معنای حدیث بودر که
 کناه اوزرنه مصر اولق اول کناه صغیره ایکن کبیره
 قیلور و استغفار له صغیره دکل بلکه کبیره بله قیلاز
 مکر حق عبد اوله که استغفار له محتاجدر دیمشدر که
 برکناه صغیره اولسه دخی متابع اولدجه قلبی

71
 نشوید ده تأثیر قویسی واردر نتکیم طاش اوزرنه
 دوشن یغور قطره لری اول طاشک رنگنی تغییر
 ایدر و بیاض ایکن آنی صردر مع هذا صوده لیت
 و حمره صلابت صفتی واردر انکچون توبه بی
 تعجیل لازمدر تا که آینه قلب روسیاه اولمیه •
المحتره اتمه زنه ارکناهه اصرار • اولور اصرار له
 صغار کبار • حفظ ایت آینه کی مضیق طوت •
 طوتمدین چهره صاقن زنگار • **الاربعون**
الغناء • علاء الدین الترسکستانی منظومه سنده
 غنا کباردن عد اولنمشدر غنا کسر له و مدله و
 قصر له اشعار و ابیات ایله رفع صوت اتمکه در لر
 دیمشدر در که غناء کسر له و مدله حرامدر زیر
 حدیثده کلور ما رفع احد صوته بغناء الا بعث الله
 له شیطانین علی منکیه یضربان باعقابهما علی صدره
 حتی یمسک معنای حدیث بودر که برکسه که
 صوتنی تغنی و ایر دید کلری نشنه ایله رفع ایلسه
 الله تعالی ایکی شیطان کوندروب اول شیطانلرک

بری اول کسیه نك برا و موزنده و بری دخی بر
 او موزنده او تورب او کچه لر یله انك کوکسنه اورده لر
 و اول ابوردن امساك ایدوب فارغ اولنجیه د کین
 ایا قلیله آهنگ طوته لروکن بوندن مراد اول
 تغنیدر که قلبدن مراد شیطان اولان شهوت و محبت
 مخلوق تحریک ایلیه ایچنده و فواحش و شراب
 و کباب و تازه رولر و امثالی نسنه لردکر اولمغله یو^{خسته}
 آخرته ترغیب و حق تعالی به شوق تحریک ایدن تغنی
 دکلدر الهیات و امثالنی مشتمل اولان تغنی کی انکچون
 امام اعظم و سلفدن بر جماعت رحمهم الله تعالی الحان
 ایلده قرآن او قومغی مباح کوردیلر زیرارفته سبب
 و اثارت خشیت باعند الحاصل بر نشسته که نفسانی
 اولسه که هوایه دائر و شیطان اولسه که حرامه مائل
 و طبیعی اولسه که شهوته ناظر در منی و محظور در
 فاما قلبی اولسه که عشق در و روحانی اولسه که محبت
 و حضور و سکوند و و ستری اولسه که انس بالله در
 بونلر حلا و در پس حرامه باعث اولان حرام اولدوغی

کی حلا و له سبب اولان دخی حلا و در مثلاً بر کسیه
 اجنبیه بی شهوت ایلده کسرا تمک ممنوع در زیر از نایه
 مؤدیدر پس زنا و امثالنه مؤدی اولان نظر
 و سماع و تغنی دخی ممنوع در شول کسیه که عاشق
 مجازی در اکا حق صورتتده اولان دخی باطلدر
 و اولکه عاشق حقیقی در اکا باطل صورتتده اولان
 دخی حقد در پس عشق مجاز و حقیقتدن نه معنی
 اوزر نه دور ایدر سه حرام لغیره دخی انك اوزر
 دور ایدر و بوسجنگ تمامی شنوی اوزر نه اولان
 شرح هرده در تغنی حقدده وارد اولان و عیدك
 ظاهرته مغرور اولما متکرر کردر زیر رسول الله علیه
 السلام هر تغنیدن منع اتمدی انکچون عرب طائفه^{سعی}
 یوللرده دوه لری سیر و مشیه حت و تحریص ایچون
 تغنی ایدر لردی که حکم دیرو فخر عالم علیه السلام
 آنی اشیدوب مقتید اولمازی بلکه اول اوقیانك
 یانته واردی و یا خود کندی یانته دعوت ایدردی
 پس بومقوله معنای مطلقا منکر در دین منکر

امور بدیهه فی انکار اتمش اولود وای اول حیوان
 سیرتند ه انسانه که انک قلبی او جاعنده عشقندن
 بر شراره اولیه و صوت مؤثر استماع اتمده یانوب
 یا قلیه و حدیثه کلور ارحنی بلال یعنی یا بلال
 اذانی او قو و اقامت ایله و بنی بو عالم کثرتک صورت
 کدورتندن تخلص ایله وینه حدیثه کلور کلینی
 یا خمیر یعنی یا عایشه کلامک ایله بنی تحریک ایله
 زیر غرقاب فنا اولدم بنی مکالمه و موانستک ایله
 ساحل بقایه کتور و تبلیغه مجال ویرسکه ایشم
 بتور پس اگر مبتدی در اگر منتهی در تحریکه محتاج
 اگر چه منتهی اولنلری تحریک اتمک مقامات **سبقتیه**
 محتاج دکلدر زیر انلرک یا ننده عبارت و اشارت
 و الحان و کلام ساده برابر در قاعده **جد الحیره**
 عقلک اولسه دوشردک عشقه بوکون قورتلورک
 بیوک کهنیدن اوکون **والحادی و الاربعون**
 الرقص بالتراب رباب اقلق دید کلریدر که
 ساز قسمندن در یعنی چنک و چغانه و امثالی

نسنه لر چال نوب کن اوینا یوب حرکت واضطراب
 اتمک دخی کباشرد ندر پس رقص دید کلرک
 لاعب اولان کسه نک صفتیدر لعبدن غیرک
 و جهله اولسه رقص دالمن پس صوفیه محققین
 و واحدینک حالت دوریه لری رقصدن خارجدر
 مکرکیم دورنده لاعب اوله انچون شیخ شبلی دن
 قدس سره منقولدر که برکون وجد غرض اولوب
 دوراید رکن قولاعنه بو آیت شریفه ایله خطاب
 کلدیکه اجثنا بالحق امانت من اللاحین شبلی
 بو خطابی کوشراتد کده بیهوش اولوب دوشیدی
 و بر دخی دور اتمدی زیر اکامل ناسک دور ظاهری
 لری باطنه انتقال ایدر پس ظاهرده حرکت احتیاج
 قلماز انچون جنید بغدادی قدس سره دخی اوخر
 عمرنده دوردن فارغ و بلکه ثابت اولدی زیر اول
 وقتده اولان مقامنه کوره ذنبدن معدود ایدی
 و اول نسنه که تلویندن خالی دکلدر اهلاسه یاننده
 ذنبدن عدا اولنور انچون دائما استغفار و توبه

ایدرلر و تمکین بولدقجه اولکی رتبه لر ن استصفاد
 ایدرلر و تلویینه حمل ایلر لر ن مثل الله التمكن
وَالثَّانِي وَالْاَرَبَعُونَ الظلم یعنی ظلم اتمك دخی
 کباثر دندز زیر اقرانده کلور الالعت الله علی
 الظالمین پس بر نشنیه که حق تعالی نك لعنتی تعلق
 ایلیه کباثر دن اولور و جهی بود که نظام عالم
 عدله موقوفدر پس ظلم اتمك حکمتدن خروج ^{مصدیق} و تختدن
 انحراف و عدولدر بناء علی هذا بر کسه بومصلحت
 ظلمه بترو یا بود دولت عثمانیه بی ظلم دوندور در
 کافر اولور زیر اظلمی عدل یرینه قومق و باطلی حق
 اعتقاد اتمك کفر در و ظلمك نتیجه سی اختلاف
 اولدوغندن غافل اولق جهل عظیمدر و ظلم بر نشنیه
 موضعنك غیریه وضع اتمكدر موضع ایمان و طاعة
 کفر و معصیت وضع اتمك کبی تنکیم قرانده کلور
 ان الشراء لظلم عظیم و سائر حقوق الله و حقوق
 عباد الله ده طریق اوذر نه اولیان نشنه لر دخی بوکا
 قیاس اولنه و دیمش لردر که بر کسه بر ظالمه معاونت

ایچون انکله بله یور یوب کتسه اول کسه اسلام
 خارج اولور و احیاء العلومده کلور که بعض امراء
 بعض علمادن که انک یا ننده محبوبس ایدی مکتوب
 سهر ملک ایچون شول یا ننکه غنی طینی بکا و یریدی
 اول عالم دخی کتور اول مکتوبده نه یازدك کوره یم
 بعده سکا معاونت ایدر یم دیدی اشته صالحار
 فاسقلره معاونت اتمكدن بویله احتراز ایدر لرد
 زیرا فسق و ظلمك نه مرتبه قبیح اید و کن بیلور لر
 دی **وَالثَّالِثُ وَالْاَرَبَعُونَ حب الدنيا** یعنی
 دنیا سومك و شهوات دنیایه میل اتمك و محبت
 اتمك دخی کباثر دندر زیرا دنیا سومك جمیع خطا
 خطایانك باشیدر پس نیجه فروع کباثر دن اولیجق
 اصل اولان حب دنیا دخی رأس الخطایا و اکبر الکباثر
 اولور و قرانده کلور اعلموا انما الحیوة الدنیا لعب
 و لهو یعنی الله تعالی حیوة دنیویه بی لعب و لهو
 مقوله سندن عدا اتمشد و حدیثده کلور لست
 من دین و لیس الدین منی اسام مالک رحمه الله تعالی

ددی لهو و لعبه تفهيم اتمشدر پس بر نشنه دنگه
 رسول الله عليه السلام تبری این اول نشنه محرمدر کذا
 فی کتاب الامتاع للشیخ ابی الفضل رحمه الله تعالی
 الحاصل لهو و لعب شان اهل و قادر دن اولما سغله
 الله تعالی و رسول الله عليه السلام انلردن خلق نهای
 و منع اندیلر و سائر انلر حکمنده اولان دخی انلره
 الحاق اولندی بوسبب ندر که رسول الله عليه السلام
 دنیا بی قبول اتمدی اگر چه اکسیر اعظم مالک و طبرانی
 التونه بتدیل اتمکه قادر ایدی **وَالرَّابِعُ وَالْاَدْبَعُ**
الْغَيْبَةُ غیبت کسر له غیرک عیبی ضرورت یو غیکر نمی
 آرد بجه سویلکدر شو یلکه اگر اول غیره انک سویل
 سوز واصل اولسه مغوم اولوردی الحاصل غیرک
 کراحت اتدو کی نشنه ایله انی یاد اتمک غیبتدر یعنی
 سویلدو کی سوز حق اولدوغی صورتده پس اگر کذب
 اولور سه اکا بهتان دیر لر که اولدخی جرم عظیمدر
 زیرا دنیا دن برکاتک ارتفاعنه سبب و نظام عالمک
 اختلالنه باعثدر و غیر غیبت اتمک انک لحمی اکل

اتمک کبیدر شکیم قرانده کلور ایجت احد کمران
 یا کل لحم اخیه میتا پس لحم انسان حقیقه اکل اتمک
 حرام اولدوغی کبی حکما دخی حرامدر فاما اولکه سو میا
 دیر لر که لحم انساندن تربیه اولنمشدر ضرورتیه ده
 استعمالی مباحدر سائر محرمات کبی دیمشدر در که
 ابتدا غیبت ایدن ابلیسدر که آدمی علیه السلام غیبت
 اتمشدر و حد یتده کلور که غیبت اتمک زنادن
 اتمشدر در زیرانی اولان کسه نک کناهی توبه ایله
 مغفور اولور غیبت ایدن ایسه صاحبندن استحواله
 محتاجدر و غیبتی دکلک دخی غیبت ایله کناهد
 برابر در و بر کسه غیبت ایلیوب بن غیبت اتمم
 بلکه واقعی سویلرم دیمک کفردر شکیم تنبیه العا
 آغا فلین نام کتابده مسطوردر در زیر ابونده حرام
 قطعی بی استحوال اتمک وارددر و لکن اگر بر کسه نک
 سوزی ذم و طعن و جهیلله اولما یوب بلکه اهتمام
 طریقیلله اولور سه غیبتدن خارج اولور و دیمشدر
 در که غیبت اتمک التي یرده مباحدر او لکیمی

تظلمد زیرا مظلوم اولانه جائز در که سلطانه
 و یا وانی یه و یا ولایت عامه و قدرت تامه سی
 اولنله حالنی عرض ایدوب فلان کسه بکاشو
 وجهاله ظلم اتدی دیه ایکنجیسی تغیر منکر اوزرنه
 قادر اولان کسه یوزندن استعانتدر مثلاً دیه که
 فلان کسه شو مقوله منکر ایش ایشلرن دفعنه
 قادر د کلم سن دفع ایله دیه پس اگر مقصودی انکه
 اول منکر از اله سنه توصل ایسه مباحدر والا
 حرامدر او چنجسی استفتادری یعنی بر کسه مفتی
 واروب فلان کسه بکاظم ایدوب حق ابطال اتدی
 نه طریقله تحصیل ایده یم دیوسنوال این ولکن
 بوصور تده اولا اولان بودر که اول کسه نک
 ادنی ذکر اتمیه بلکه بر کسه بر کسیه شو وجهاله
 ظلم ایلمسه نتمک کرکرد دیو تعریض ایلیه
 دود نجسی اهل اسلامی اهل شرک شرندن
 تحذیر و انله نصیحتدر بودخی و جوهرله اولور
 مثلاً شاهد لری و راویلری جرح و تعدیل اتمک کی

و بردخی مضاهره و معامله و مشارکه و ایداع و
 امثالنده مشاوره در پس بو خصوصلرده مراد
 اولنان کسه نک واقع الحالن سویلمک کرکردوب
 دخی بر کسه براهل بدعته و یا بر فاسقه علم و یا
 صنعت او کثر نمک ایجون وارد کلور ولکن انک اهل
 بدعت و اهل فسق اولدوغن بلز پس انک حالن یلن
 کسه اول خصوصده اکا نصیحت ایدوب اول مبتدع
 و فاسقک حالنی بلدرمک جائز در زیرا بلدرمسه
 بلکه مانکله فتنه یه دوشه و اعتقاد و عملنک تغیرنه
 سبب اوله و بردخی بر کسه بر خدمتک عهده سنند
 کلمکه قادر اولسه تولیه اوقاف و امامت و خطابت
 و امثالی کی وانی و حاکمه انک حالنی اعلام اتمک
 جائز در تا که اول خدمتی اکا تقلید اتمیه لر زیرا اهل
 وار یکن نا اهل خدمت توجیه اتمک خیانتدر
 بشنجسی بر کسه فسق و بدعت و ظلمی اشکاره ایلمسه
 اشکاره قلدوغی مقدار لهانی ذکر اتمک جائز در اگر
 غیری کزنی عیبی و ارایسه انی سویلمک حرامدر

التجسس تعریف در یعنی بر کسیه بر لقب ایله معروف
 اولسه اعمش واعرج واصتم واعمی واحوال کبی آنی
 اول وجهله تعریف اتمک جائز در اگر چه اندن غیر
 وجهله تعریفه اسکان وار یسه اولی اولان آنی دخی
 لسانه کتور محکدر واکرا و مقوله عیوبی تنقیص
 و ذمه طریقله اولور سویله سه حرامدر زیر امث^{منک}
 عرضی قانی کبیدر پس کر کرد که عرضی کسرایدر
 وجهله یاد اتمیه و بر کسیه غیبت استه انک ایجون
 استغفار ایدوب اللهم اغفر لنا وله دیمک کر کرد
 یعنی اگر سویلد وکی سوز اول کسیه بالغ اولسه
 انک کفارتی ذکر اولشان وجهله استغفار در و الا
 استرضا واستیخار لازمدر اگر قادر ایسه و اگر
 میت و یا غائب ایسه همان استغفار و دعا یی اکثا
 اتمک کر کرد تا که مغفور اوله **وَالْخَامِسُ وَالْآرَبُ**
التجسس تجسس جیمله اهل اسلامک عیوبند
 بحث و بواطن اخبار و اسور فی تفتیش و تفحصدر
 انکچون تطلع اخبار ایده نه جاسوس دیر لروقرانده

کلور ولا تجسسوا و حدیثده کلور لا تتبعوا عورتا
 المسلمین فان من تتبع عورات المسلمین تتبع الله عورت
 حتی یفضحه ولو فی جوف بیته یعنی اهل اسلامک
 عیوب مستوره سنی اراشد در مکر و الا الله تعالی
 دخی سیرک عیبکزی اظهار ایلوب او یکر ایچده اولور
 سکرده سزی ر شوای و بد نام ایلر و دیمش لرد که
 محتسب اولان کسیه تجسس اتمک کر کرد و کذلک
 بر کسیه نک دیواری او ذر نه چاقوب مطلع اولق
 و یا خود بلا اذن کسیه نک خانه سنه دخول اتمک
 ممنوعدر الحاصل احوال سوقیه یی تفتیش اتمک
 اهل سوقک خیانت ظاهره و جنایت غالبه لری
 اولدوغی صورتده در پس اگر اهل سوقک و اگر اصحاب
 منازلک احوال خفیه سندن تفحص اتمک یوقدر
 مکر که بریرده منکر ظاهر اوله بوضورتده محتسبه
 غیرک خانه سنه بلا اذن دخول اتمک جائزدر و
 بعضیلر دیدیلر که تجسس شر و اذی ایجون طلب
 خبردر آمر و نه ایجون طلب خبر منی دکلدر تنکیم^{محتسبیلر}

تفتیش ایدر لر و لکن مرویدر که ابن مسعوده رضی
الله عنهما دیدیلر که ولید حقنده نه دیر سن که صقا^{لندن}
شراب طمرا اول جواب و پروپ بز تجتس اتکدن
نی اولمشوز در اگر فسقنی اظهار ایدر سه مؤاخذه
ایده ر ز دیدی محصل بودر که عیوب ناسدن تخص
اتمک منهدر زیر عیب نفس انسانه عیب غیر دن
اقریدر پس کر کردر که کندی نفسمزا عیب کوره لم زیرا
نفسک عیبی منکشف اولق کشف و کرامتدن افضل
و قرآنده کلور قد افلح من زکیها و قد خاب من دسیها
ع کشی نفسینی اصلاح ایلمک یکدر کرامتدن **و**
وَالسَّادِسُ وَالْأَرْبَعُونَ الکبر کبر انسان
کندی غیریدن اکبر ظن اتکدر و تکبر اول معنای
اظهار اتکدر و تفسیر حدادی ده کلور که استکبار
کشی کندی نفسنی مقدارندن زیاده رفع اتکدر و لکن
فی الحقیقه نفسک مقداری یوقدر زیرا وجود انسان
ترا بدن مخلوقدر حاصل اولان کمالات هر نه ایسه عطاء
حقه مضافدر بناء علی هذا نفسک شانی عبودیت

و تواضعدر یو خسه ریاست و کبر دکلدر پس بر کسه
یا مالی و یا علمی و یا حسنی و یا غیری حالی ایله سائر
لر اوزر نه ترفع و تعظم اتمک کندی شاننه جهلدر
خصوصا که تکبری حق اوزر نه اوله ذیرا حق اوزر نه
متکبر اولان کافر و عاصی و منافع آخرتدن بی بهره اولور
نتکیم قرآنده کلور **تلك الدار الآخرة نجعلها للذين**
لا يريدون علواً في الأرض ولا فساداً و کبر صفت
شیطانیه در که ازاله سی غایت ایله صعبدر حتی
دیمشلددر که اکنه ایله قیوقاز مقدن کوجدر پس
مؤمنه کر کردر که متواضع اولوب حق قبول ایلیه و
کسه نك اوزر نه ترفع اتمیه بلکه کندی نفسنی جمله
دن الحق کوره تا که عبودیتی کمال بوله **وَالسَّابِعُ**
وَالْأَرْبَعُونَ العجب عجب اودر که انسان کندی
مستحق اولدوغی مرتبه مستحق اولق تصور ایلیه که
کندی کورمک ایله دخی تعبیر ایدر لر بونک علو
نفسک عبودیت و ذلتی و حقک توفیق و منتنی
تصور اتکدر انکچون دیمشلددر که هر کمال

اختصاص الهی در نبوت و ولایت و سلطنت و وزارت
و امثالی کی اگر چه بعضا مورد کسبه منوط در ولایت
و وزارت کی و لکن کسبه حاصل اولی توفیق و اختصاص
داثر اولدوغنی منافق دکلدر پس محبوب اولان ظاهر
کسبه نظر ایدوب سعیده حاصل اولدی دیرو مکاشف
اولان حقه ناظر اولوب اختصاصه حمل ایدر زیر اسعی
و کسب فی الحقیقه برنسنه یا نتاج اتمز و الاهی سعی
اهلی مراده ایرمک لازم کلوردی شوق در وارد که
سعی اتمک طریق ادبه سلوک در پس بی کسب و سعی
اولان کسه ایدن خارج اولدوغندن غیر شریعتدن
دخی خارجدر نسأل الله العصمة والتوفیق بعد ذاعجب
دخی صفت شیطانیة و ابواب جهنمه نبر باید زیرا
شیطان نادر که اولغله نارد صورت علوه نظری
ایدوب کندن کوردی و صورت سفله اولان تر ایدن
مخلوق اولان آدمی علیه السلام بگنبدی انچون
سجده قلیوب مردود اولدی **والتاسع والاربعون**
الحسد حسد محسودک نعمتک زوالنی تمیدر

مع هذا اول محسود اول نعمته مستحق اوله و کاه
اولور که حاسد اولان نعمت محسودک زوالیچون
سعی دخی ایدر و اکا اولما یوب کندن اولدوغنی
استر اگر انک زوالن استمیوب بلکه اول نعمت کی
کندویه دخی طلبا نسه اکا غبطه دیر لکه ممد و حد
نتکیم روایت اولنمشدر المؤمن یغبط والمنافق
یحسد یعنی مؤمنک صفتی غبطه در و منافقک
شانی حسد در و غبطه علم نافع و مال حلاوه کوره
کر کرد زیرا بونلرک ماعداسی غبطیه صالح دکلدر
بعد زلحسد دخی صفت شیطانیة در پس مؤمنه
کر کرد که نفسنی بو مقوله صفت رذیله دن ترکیه
ایلیه **والتاسع والاربعون** ترک الحج حج
ارکان اسلامدن دکن رابعدر سلامت غالب
اولان سنه ده حج اتمک فرضدر ترک ایدر سه کفره
قریب اولور نتکیم قرآن کورد و من کفر فان الله
غنی عن العالمین زیرا نوراده کافردن مراد تارک
الحج اولاندر و بر کسه اوزرنه حج فرض اولمشیکن

النده اولان مالی استهلاك اتمكه حج ایده مسه
 استقرار ایدوب حج اتمك كركدر نتكیم اشباهده
 مسطور در وحجی تأخیر اتمك كركدر وكن تأخیر
 ایدوب اولغر عمر نده ادا اتمكه دخی كناه دن خلاص
 اولور و دیمشلردر كه حماره بنوب حج اتمك مكر وهدر
 افضل اولان رسول الله علیه السّلم متابعت اتمكدر
 كه دوه یه راكب اولمقدد و نافله حج اتمك صدقه نافله
 دن افضلدر و ابناء سبیل نزول ایدوب اهل اسلام
 انكه منتفع اولاجق و باط بناء ایللك حجة ثانیه دن
 افضلدر و حج فرض طاعت والدین دن اولی در نافله
 دكل و بر كسه او غللك خدمت نه محتاج اولسه اوغلی
 حج ایچون خروج اتمك حلال اولماز و حج فرض زیارت
 نبی دن علیه السّلم مقدمدر مكر یولی اوغریه و
 بعضیلر ابتدا زیارت نبویه كركدر دیمشلردر وكن
 ایكسنگ دخی و جهی وارددر نتكیم مناسك سیندی
 شرحنده مسطوردر و حج غنی حج فقیر دن افضلدر
 زیرا فقیر اوزرنه حج مكه ده فرض اولور پسرها بده

منطوق اولمش اولور فرضنده ایسه فضیلت زیاده
 در و دیمشلردر كه اغنیاء ناس اوزرنه حج فرض
 اولدوغی کی حجاج اوزرنه دخی اهل مكه فرضدر یعنی
 حجاجه لازمدر كه اهل مکیه رعایت ایده لرود لیلی
 انلردن طوته لر و مكه ده حاضر و مقیم اولنلره
 هر سنه حج اتمك اولی در پس ترك استلرفضیلتدن
 محروم اولور لر نتكیم احیاده مذکوردر و مأمور
 بالحج اولان كسه سنه اولی دن حجی تأخیر اتمك
 جائزدر آمر دن سنه اولی تعیین اولنمق استعجال
 ایچوندر تقیید ایچون دكلدر و مأمور بالحج اولان
 كسه بی وکیل مطلق اتمك كركدر تاكه یولده و یض
 اولوب حجه بنفسه قادر اولماز سه اولدخی آخری
 توکیل ایلیه و بر كسه قبل الحج وفات ایلوب حجی وصیت
 دخی اتمسه صكره اقریادن بری انك ایچون تبرعاً حج
 ایلسه موجودر كه اول وفات ایده نك اوزرندن
 حج بورجی ساقط اوله نتكیم شیخ علی قاری امام اعظم
 رحمه الله نقل ایدوب شرح مناسكه درج اتمشدر

الْحَمْدُ لِلَّهِ السَّجْدَةُ لغير الله تعالى. یعنی الله تعالى
 دن غیریه سجده اتمک دخی کبائر دند زبرا مخلوقه
 سجده اتمک عبادت اصنام کبیدر اگر مخلوقه سجده
 اتمک جائز اولایدی رسول الله علیه السلام سجده
 ایدر لردی و قبرنک اطرافنی کعبه کبی طواف ایدر لردی
 و كذلك خاتون ار نه سجده ایدر دی زبرا بونلرک
 حقوقی سائرلرک حقوقدن زیاده در پس مخلوقه
 سجده اتمک بوشربعتده منسوخدر اگر چه تحت
 طریقله شرائع ماضیه ده جائز ایدی تنکیم حضرت
 یوسفک علیه السلام برادر لری مصر ده یوسفه
 ملاقی اولد قلرنده اکا سجده اندیلر تنکیم قرآنده کلو
 و خرواله سجدگ ملائکه نک آدم علیه السلام سجده
 لری دخی تحت طریقله و یا خود آدم محراب و قبله
 اولق وجهیله در تنکیم تفاسیرده مسطور در اگر چه
 اول سجده ده سر عظیم وارد که آنی اهل الله بیلور
 و خلقک اکثری تنزیه اهل اولوب اوسقوله معانی
 خفیه بی ادراکدن عاجز و قاصر اولد قلرندن اوتوری

جناره نمازنده رکوع و سجود اولدی زیر اجناره نماز
 دعا اولدوغنی جهتدن رکوع و سجوده محتاج دکلدر اگر
 چکه نماز اولدوغنی جهتدن محتاجدر زیر دعا اتمک
 حقه توجه ایله اولور نماز ایسه بحسب الغالب
 توجهک صورتیدر و لکن مخلوقه سجده بی ایهام
 اتمسون ایچون رکوع و سجود مشروع اولدی و کتاب
 الاورداده کلور که علیه عامل و ولا یتنده عادل
 اولان عالمیره و بکلمه تعظیماً الن کوکسنه قومق
 و جزی مخرف اولق لا بأسدر فاما غیر یلر خصوصنده
 احتراز کر کردر انچون برکسه بر غنی یه غناسندن
 اوتوری تواضع ایلسه دیننک اوج حصته دن
 ایکی حصته سی ذاهب اولور یعنی لسانی و جوارخی
 مرتبه سی زائل اولور اگر قلبی ایله دخی اعتقاد
 ایده جک اولور سه اوج حصته نک مجموعی کیدو
 بی دین قالور نفوذ بالله تعالى **وَالْحَمْدُ لِلَّهِ**
 ترک الجمعة والجماعة یعنی جمع بی ترک اتمک دخی
 کبائر دند زبرا واجبات اسلامدندربوندن

مقصود اوذر لر نه جمعه واجب اولان ترك تركيدر
 پس اعمی و انشی و عید و مسافر و امثالی اوذر نه جمعه
 واجب دكلدر و حدیثه كلور من ترك الجمعة من غیر
 ضرورة كتب منافقانی كتاب لا یحی ولا یبدل یعنی
 بر کسه بلا ضرورت جمعه یی ترك ایلسه لوح محفوظه
 منافق یا ذیلور و كذلك بر کسه اوج جمعه یی تها و نا
 ترك ایلسه قلبی مهر لنور و آیینه سی بتون پاس اولور
 و كذلك بر کسه جماعتی ترك اتمك دخی کبارتد ندر زیر
 جماعت سنت مؤکده درو بعضیلر واجب در دیدیلر
 بوندن دخی مقصود جماعتی خروج اتمك ممکن اولان
 ترك تركیدر پس اهل عذره جماعتی تخلف اتمك
 مباحدر نیمه مباح اولان مرض و مقطوع الید و الرجل
 من خلاف اولق و یا مفلوج اولق و یا مشیه قدری
 اولماق و یا اعمی و یا مطر و یا طین و یا برد شدید
 و یا ظلمت شدید و یا اولق و یا متغلبه و ظلمه دن خوف
 اتمك کی که بو عذر لر له جماعتی ترك اتمك جائزدر
 غیر و جهیلله دکل و اعمای ییدیچی بولنسه دخی

ینه اوذر نه جمعه و جماعت و حج واجب دكلدر و
 بلا عذر جماعتی ترك ایدنلر حقنده و عید شدید
 وارد اولمش و حتی خانه لر فی احراق له تخویف و انفسار
 در تنکیم حدیثه كلور لقد همت ان امر رجلا
 یصلی بالناس و انظر الی اقوام یتخلفون عن الجماعة
 فأحرق بیوتهم بعد ذلک انا سی مسجدیه قریب
 اولنلر حقنده علما اختلاف اندیلر بعضیلر دیدیلر
 افضل اولان مسجدیه ابعده کتمك کر کدر زیر اهر
 آدمه ثواب وارد و بعضیلر دیدیلر که افضل
 اولان آقربده قلمقدر زیر الحق جوار وارددر پس
 بر کسه نك جوارنده مسجد اولسه که انك
 جماعتی اولسه و بونك اول مسجدیه واروب نماز
 قلمسیله جماعت حاصل اولور اولسه مسجد جواره
 قلمق افضلدر زیرا بونده مسجدی عمارت و جماعت
 ایله احیاء اتمك وارد و اگر مسجد جواره قلمسه
 یا لکر قلمق اقتضا ایدر سه مسجد بعید افضلدر
 و اگر کندی خانه سند جماعت ایله قلمق افضلدر

و دیمشردر مسجدك برحائبندن قرق خایه دك
مسجدك جاری عدا اولنور و بعضیلر دیمشردر كه اذان
اشیدلدو کی یره دك مسجدك جاریدر و مجمع الفتاوی
كلور كه بر كسه نك جوارنده ایکی مسجد اولسه
هر قنغسی اقد مایسه آنده نماز قله ذیرا انك حرمتی
زیاده در و اگر ایکی دخی برابر اولسه اقرب اولانده
قیلور و اگر فقیه ایسه جماعتی قلیل اولان مسجد کیدر
تاكه انك سببیل جماعت کثیر اوله و اگر فقها و علمادن
دكل ایسه مختیردر و قرآنده كلور انما یعمر مساجد الله
من امن بالله و الیوم الآخر دیمشردر كه مسجدك
عمارتی جوق و جهله در خراب اولان یرنی بنا اتمك و
سپورمك و پاك اتمك و قندیل و مصباح ایله تنویر
ایلك و جماعت اولق و نماز قلق و ذکر ایلك و درس علم
اتمك و حدیث دنیادن و كاردنیادن و صبیان دن
و مجانبین دن و بونلرك امثالندن صیانت اتمك عمارت
مسجد ندر و بوا عصارده خاتونلر مسجدلرده جماعته
ویا مجلس علمه حاضر اولماق كركدر ذیرا زسان فتنه

و فساد در واحیاده كلور كه خاتونلری فتنه دن
خوف اولندوغی و فتنه موضعده نماز ایچون و یا
مجلس ذكر ایچون حاضر اولمقدن منع اتمك واجب
و حاضر اولق لازم كلسه اراده حائل كركدر تاكه بری
برلونه نظر اتمیه لر پس قفص مقوله سی حاجر حصین
دكلدر و كذلك از لر نده ارلر عود تلرك حاضر اولد
اولدوغن بلمك كركدر و الا عرض نفسانی دن خلاص
اولماز لر و دیمشردر كه خاتونلرك صوتلری كندیلر
كبی عود تدر یعنی كندیلر اجنبیلره اظهار اتمك نیجه
سنی ایسه صوتلرن اشتدرمك دخی منهدر پس
عود تلره جماعت ایله نماز قلق لازم كلیمك جماعت
اولوب ذكر اتمك دخی اقتضا اتمز بلكه دفع صوت و خبر
ذكر اتملریله آثم اولور لر ذیرا نیجه ساده دلترا تلرك
صوتلرن استماعله فتنیه و عشق مجازیه دوشلر
و دینك خراب اولما سنه سبب اولور زیاده حذر
لازمدر اگر چه بزم دوراند و كز بلادك اكثر نده
منكر مزبور موجود در عصمنا الله و ایاكم من المنكرات

كما قال النبي عليه السلام اللهم اني اسئلك فعل
الخيرات وترك المنكرات وحب المساكين واذا اردت
عبادك فتنه فاقبضني اليك غير مفتون **وَالثَّانِي**
وَالْخَمْسُونَ **القول لمسلم يا كافر** . يعني بر كسه
بر مسلماننه يا كافر ديمك دخی کبائر دندرتکیم حدیث
کلور اذا كفر الرجل اخاه فقد باء بها احدهما يعني
بر كسه بر مؤمن فرنداشته يا كافر ديسه اول كلمه
كفر له ايكسندن بری رجوع ايسسه ايدريعی
ايكسندن برينك اوزدنه كفر لازم کلور زیر اسوزنده
صادق ايسه سويلدوکی كسه كافر درواكر كاذب
ايسه كندی كافر اوزور اكر بلا تاويل سويلرسه واکر
تاويل ايله سويلرسه كافر اولماز ولكن تغزير لازم کلور
وبعضيلر ديديلر كه يا كافر بالله ديمد كچه تغزير لازم
كلر زیرا الله تعالى مؤمنه قرأنده كافر بالطاغوت ديد
نتکیم کلور فمن يكفر بالطاغوت كفر بالطاغوت ايسه
محض ايماندر پس يا لکز يا كافر ديمك محتمل اولمش اولو
وهمستانی ده کلور كه اكر يا كافر ديمكي شتم اولواقعا

ايدرسه كافر اولماز واکر مخاطبي كافر اولق اعتقاد ايد
كافر اولور زیرا اسلامي كفر اعتقاد اتمش اولور و
اولكه موافق نام كتابده بالاجماع كافر اولماز ديمشد
مقصود اجماع متكلمين در فقط وبواعصاده
اعتقاد خصوصي زياده مشكل اولمش در نتکیم صوفيه
طائفي سي ايله غيريلر اراسنده ماجرې قدیمدر
زیر بعضيلر انكاره دوشوب صوفيه به ملحد ديرلر
بوسوز ايسه مطلقا صحيح دکلدر زیرا ملحد متبع
ديد کلريد كه فرقه ضاله در صوفيه اراسنده ايسه
اهل سنت و جماعت مذهب واعتقادي اوزدنه کاملتر
و محققلر وارد ر پس انلرك حسن اعتقاد لر
سوء اعتقاد اولق اعتقاد انك كفر در بناء علی هذا
اهل سنتدن اولان مطلقا و مقوله منكره اقتدا انك
صحيح دکلدر و كذلك متصوفه دن دخی نتیجه لر طرف
خلافده اولنلري اكفار ايدر لر بودخی صحيح دکلدر
بلكه ملحد ديد کلري بونلردر زیرا طريق تصوف سالک
اوليا انلرك جمله سي اهل انكار دکلدر و اهل انكار اولنلر

دخی سلا حده یه کوره اهل انکار ایدر پس سنی پی بدی
 اعتقاد اتمک کفر در و یوا فراطلر بوا عصارده زیاده
 اولدی والاسلفدن کسیه نك طریق نصوفی انکار ائدوکی
 یوقدر بلکه نیجه کبار علما اول طریقده دخول اتمشلدرد
 امام غزالی و شهروردی و قاشانی و نجم الدین و حضرت
 مولانا و شیخ صدر الدین القنوی و مولانا فناری
 و امثالی کبی پس مؤمنه سوء اعتقاد دن احتراز
 کر کرد **وَالثَّالِثُ وَالْخَمْسُونَ** مصادقة الامیر
 الجائر • یعنی جور و ظلم اهلی اولنلره بکله و قاضیلره
 و یونلرک اعواننه دوستلق اتمک دخی کبارشدندر
 زیرا نفس ظلم کبارشدن اولیجق انک اهلی اولنلره دوستلق
 دخی ظلمدن و کبارشدن در و قرأنده کلور و لا ترکنوا
 الی الذین ظلموا فتمسکم النار مرویدر که امام اعظم
 حضرت تلی رحمہ اللہ تعالیٰ برد فعه محبوبس ایکن ظلمدن
 بر کسیه اکا کلوب شوقلی تراش و قط ایلیه دیدی
 اولدخی دیدیکه خوف ایده در اول قومدن که خوف
 تعالیٰ بیورد احشرو الذین ظلموا و ازواجهم زیرا

از واجدن مراد اتباع و اعوان و اقراند که ظالملره
 افعالده اقتدا اتمشلدرد و انلرله صحبت و مواسبت
 و مصارقت ایلمشلدرد و احیاده کلور که استعمالی
 حرام اولان آلات و سلاهی بی عمل اتمکدن اجتناب
 اتمک ترک ظلم قبیلندندر پس طنبور و امثالی آلات
 فسق یا یمق معصیته اعانت و اجر قی حرامدرو کذلک
 ترکاه اهلنک مقدم دید کلری صارق و قوشاق که
 رجال ایچوندربونک عمل و اجر قی دخی حرامدرو دوزی
 نك رجال ایچون کسوب د کدوکی حریر لباس
 و قیومچینک التون آیر و رجال ایچون التون خاتم
 اشله سی دخی بویله در و تقوی ده شوپله تدقیق
 اتمشلدرد که ظلمه لباسنی دیکه آلت اولان آگنه
 یا یمق دخی ظلمدر دیمشلدرد و شرب دخان ایدنلر
 اعانت ایدوب دخانلر نه آتش کتور مک و یا خود
 یا یمق دخی بویله در الحاصل مؤمن اولانه واجبدر که
 معاصیدن و اهل معاصی یه معاونتدن اجتناب
 ایده و الاظالم اولور و حدیثده کلور العرافه حق

ولا بد للناس من عرفاء ولكن العرفاء في النار عرافت
سيادت ودياستدر یعنی بر قومہ امیر و رئیس و سرور
اولق شرعده جائز در زیر امصالح ناس انکله منتظم
اولور و لکن عریفا القوم و قیتم الامور و نقیب المحله
اولنلرک اکثری اهل جهنم در زیر اظالمری غالبدر انکیون
اوقات مبارکه ده انلره رحمت الهیه نزول اتمز پس بونک
موجبنجه کر کرد کسه امیر و قاضی و نقیب و رئیس اولقی
قبول اتمیه خصوصاً که بوا عصارده اهل سوقه و غیره
کتخدا و یکد باشی و بونلرک امثالی دیاست زیاده
محذور و منفور در اگر چکه عادل اولنلر نه ثواب وارد
حتی دیمشلدرد که سالیانه سلطانی توزیعنده بونوب
عدل ایلسه و هر کسه مقدار نه کوره تحمیل اتسه
مقابلہ سننده مشاب و مأجور اولور زیر نظر سالیانیه
دکلدر بلکه خدمت فقرایه و مصالح مسلمین ده بر نمغه
در **الرابع والخمسون** نکاح الکف بونک برآدی
دخی صلیح در که ذکر فی الیه معالجه در دفع حاصل اولنج
نتکیم حدیثده کلور ناکح الید ملعون کذا فی شرح

المنار لابن الملك ولكن رهاوى ديمشدر که بوحديثي
بن کتب حدیثده بولدم بلکه بونی علما کتب فقهد ه
ذکر اتمشلدرد و بعض شروح بخاری ده کلور که آلی
ایله استمنا اتمک کتاب و سنت ایله حرامدر نتکیم
قرآنده کلور والذین هم لفروجهم حافظون الحقوله
تعالی فاولنلک هم العادون یعنی حفظ فروج اتمینلر
و بونلرک امثالی ظالملر و حلالدن حرامه متجاوزلر
در و نکاح کف اهلی قیامت کوننده الیری حیالی
یعنی یوکلوا ولدوغی حالده محشور اولسلر کر کرد
شوقدر وارد در که امام اعظم و امام احمد رحمهما الله
تعالی دیمشلدرد که بر کسه زنادر خوف اتسه و فعل
مذکور ایله تشکین شهوت مراد ایلسه اکامباحدر
و کذلک ضرورت اولور سه منکوحه سنک و جاریه
سنک الی ایله استمنا اتمک مباحدر **والخامس**
والخمسون تعییب احد من الناس یعنی ناسدن
بر کسه بی تعییب اتمک دخی کبا ثرد ندر زیر امعیب
اولان کسه نک عییبی بحسب الغالب کندی فعلی کلدر

بلکه فعل خالق قدر فعل خالق تعییب اتمک ایسه خالق
 تعییب در تنکیم لهما ن حکیم علیه السّلم اسم اللّون ایدی
 بر جا اهل انک یوزینه باقوب آنی عیب لدی اولدخی بنی
 عیب لک بلکه خلاق علافی عیب لک دیدی زیبا
 خلقک الله اولسه هیچ کسه کندی وجود نده ساثر
 لر ارا سنده عیب اولاجق نشنه قومزدی وکنده
 زیاده حسن و جمال اوزر نه قیلوردی وکن حق تعالی
 حکمتله کیمن طویل و کیمن قصیر و کیمن حسن و کیمن
 زشت و کیمن دخی غیری صفتلر اوزر نه قلدی و حیوة
 الحیوانده کلور که بر کسه خنفساء دید کلری بوجگی
 کور ب الله تعالی انک بومقوله خوار نشنه بی خلق
 اتمکدن مرادی ندر دیو تحقیر اتدی صکره اول کسه
 بر مرض هائله مبتلی اولوب حذاق اطبا اکا علاج ایده
 مد یلر صکره بر کسه بر خنفسای یا قوب کلی ایله یاره
 سنه معالجه ایدوب انکله خلاص اولدی و اول کسه
 دخی انصافی ایدوب بوایش بکا تحقیر و تعییب اتدو کم
 یوزندن اولدی دیدی **المحرره** کورینور کن جهات

آینه سنده نور موتی فاش • ندن بویله بصیرت شر
 اولوب سن چاته سن کوز قاش • ایل تعییب ایدر کن
 کندو کی تعییب ایدر سن سن • که آیدر سیکا عالم
 سن اولدک جمله سنه باش **والتکادیر سور الخمسون**
 ترک العدل فی القسم • یعنی بر کسه نک ایکی ویا
 اوج ویا دورت خاتونی اولسه ارا لرنده کیجه لکده
 ولباسده و طعامده و غیره احوال امورده عدل
 اتمک دخی کبا ثرد ندر زیر احقنده وعید شدید
 وارد در که بویله بر طرفه منحرف و مایل اولان کسه
 قیامتده مفلوج کلسه کر کدر زیر اجزاء و فاقی در
 تنکیم حدیثده کلور من کانت له امرأتان فمال الی
 احدهما جاء یوم القیمه واحد شقیه ساقط
 بو حدیث ایله خفیه استدلال ایدوب دیمش لدر که
 قسمده بکرو ثب و جدیده و عتیقه و مسلمه و کتابیه
 و عاقله و مجنونه برابر در و کان علیه السّلم یقسم بین
 نسائه ویقول اللهم هذه قسمی فیما املاک فلا تؤخذ
 بما تملک انت ولا املاک انا ای محبت القلب و قسم

قافك فتحی و سینک سکونیلہ زوجک بیتوتتی قشمت
 اتمسیدر یعنی خاتونلر اراسنده کیجه لمکی تشویه در
 یوخنسه مجامعه و محبتی دکل زیر امجاسعت نشاط
 اوزر نه مینیدر و محبت دخی فعل اختیاری دکلدر
 ولکن بواعصاردہ اصلح اولان تکثیر ازواج اتمکدر
 زیر ابدع و عاداتک غلبه سی زمانه اولدوغندن ماعد
 اخلاق انسان دخی زیاده تغیر اوزر نه درحسن
 معاشرتہ ایسه حسن خلق لازمدر پس اجراءست
 ایدہ یم درکن اظهار بدعت و قباحه ایدر قال تعالی
 وان خفتکم الا تعدلوا فواحدة او ما ملکت ایمانکم تنکیم
 بواعصاردہ والدہ حیاتندہ تأهل اتمک کرکدر واحد
 اولور سه ده زیر اوالده و كذلك والد دخی سو خلقلر
 سببیلہ اولادی عقوقه حمل ایدر لر زنجیر ایسه ایکی
 دیوانه الیه کر بجه آخر قریلور **والتسابع والخمسون**
 ترک الشکر فی القیشم یعنی حق تعالی نک قشمت
 اندوکی آزه و چوغه شکر اتمک دخی کبائر دندر زیر
 کفر نعمت کفر منعمه مؤدی اولور و قرآنده کلور

افعال باطل یؤمنون و بنعمه الله هم یکفرون و دیمشلردر
 که توفیق ایمانه شکر اتمک سوء خاتمه مؤدیده تنکیم
 بلعام بن باعور دید کلری کسیه واقع اولدی انکچون
 ابتداء و ضوره الحمد لله علی دین الاسلام و توفیق الایمان
 دیمک مشروع اولدی و حضرت عمر رضی الله عنه بیور مشلر
 در که صبرک عهده سندن کلمک آسان و شکرک حققی
 و یرمک دشوار در زیر نعمت فی الحقیقه محنته غالبدر
 اول سببید نکه هر محنت نعمتی متضمندر پس هر حالده
 شکر لازم کلور شوقدر وارد در که عوامه محنت ظهورندہ
 الحمد لله دیمک کرکدر زیر محنتده دخی نعمت کبی کمال قدر
 حق وارد در حمد ایسه اظهار کمالدر الشکر لله دیمک
 کرکدر زیر محنتک زیاده لکنه سبب اولور تنکیم قرآنده
 کلور ثن شکر ثم لازیدنگم خواصه کوره ایسه حمد و
 شکرک ایکسی برابر در زیر انلر نعمت ایلہ متنعیم اولدقلر
 کبی محنت ایلہ دخی متلذذ اولور لر عوام ایسه محنتده متالم
 اولور پس انلره صبره و شن ماده ده بونلره شکر لازم
 اولور و حمد و شکر نهایت المقاماتند انکچون کمال انساندن

و آخرده چوق صادر اولور ذيراموطنلرينك حكيدرد
 اگرچه هر صفتدن فنا بولمشلرد فاعرف **جتا و الثامن**
والخمسون اتيان المرأة في الحيض يعني منكموه و جاريه
 سنه عذر حالنده قربان و جماع اتمك دخي كباثر دندرتكيم
 قرأنده كلور فاعتزلوا النساء في الحيض ولا يقربواهن
 في الحيض ولا تقربوهن حتى يطهرن ذيراحيض حالنده
 اتيان لواط كبيدر كه ايكسي دخي محل مستقذره ايتانده
 وحيض حالنده قربان دن علوق واقع اولسه ولد مجذوم
 اولور نفوذ بالله تعالى و حالت حيضده جماع حرام اولدو غي
 كبي تفخيز و امثالي ايله استمتاع اتمك دخي حرامدر و اگر
 خطا ايله قربان واقع اولور سه اكر قان قزل ايسه استجابا
 بر آلتون و اگر صار و ايسه يارم آلتون تصدق ايدرتا كه
 اول خطايه كفارت واقع اوله **والتاسع والخمسون**
 السرور بالفلاء غلاء فتحله سحر اغزو زياده اولوق
 يعني نزع آغرا و لوب فخط واقع اولمقدن سونمك دخي
 كباثر دندر ذيرادين ايكى سنه دن عبارتدر كه برى
 تعظيم لامر الله و برى شفقت على خلق الله در پس خلقه

شفقت اتميوب انلك غميله سونمك ضعف ديندندرد
 و حديثده كلور الدين النصيحة كله يعني كشي كندى
 نفسنه نه صانور سه عيره دخي آنى صانمق كر كدر
 انكچون ديمشلرد كه كفن صا تبجي اولماق كر كدر ذير
 خلقك سوتنى طلب اتمكدن خالى دكلدر ساثر امور
 دخي بو كاقياس اولنه و حديثده كلور من لم يهتم بامر
المسلمين فليس منهم **الستون** الخلوة بالاجنبية
 يعني اجنبية ايله خلوت اتمك دخي كباثر دندر ذير
 شهوت غالبه زنا يه مؤثديدر و اول وقتده شيطان
 انلك او چينجسى اولوب وسوسه اتمكدن خالى اولماز
 سكر كيم اول اجنبية او زنده حق اوله بو صورتده
 اكامل و زمتم اتمك و انكله بيله او تور مق و بيگندن
 و اتكندن طوتمق جاثر در و بر كسه اجنبية ايله اخذ
 اولنوب دواعى جماعدن بر نشنه معاينه اولنسه ^{شد}
 تعزير ايله تعزير اولنور و بر عورت كه فردم اوله بلا محرم
 اوج كون لك يره كتمك جاثر دكلدر كندينك عبد مملوكى
 اولسه اجنبى كبيدر كرك فحل و كرك محبوب و كرك

خصی اولسون زیر انکه خلوت اولق دخی اجنبی
ایله خلوت کبیدر بوا عصارده خاد مردید کلرک
قوللردن حرملرن مستوره طوقیوب آثم اولورلر
زیر اخصی نك خواتینه نظری حرامدر مکر کند
مملوکه سی اوله و ذمیته دخی رجل اجنبی کبیدر پسر
مسئله اولان خاتون انك یا ننده تجردا تمك حلال
دکلر تنکیم تنویرده و غیریده مسطوردر و اجنبی
اولان ارلرک یوزلری خاتونلره حقنده عورت دکلر
والا انلردخی نقاب طوتمق لازم کلوردی و لکن فتنه
دن خوف اولندوغی وقتده عورتلر ارلرک یوزلر نه
نظر اتمک حرامدر الحاصل ارقسمی تازه اوغلنلر یوزنه
نظر اتمک حرام اولدوغی کبی عورتلردخی ارلرک یوزنه
نظر اتمک بویله در کرک ملتی اولسون و کرک امر تنکیم
احیاده مسطوردر **وَالْحَادِي وَالسِّتُونَ** اثیان
البهیمه بهیمه چار پا اولان حیوانه دیر لر بری و بحر
اولق برابر در یعنی حیوانا نك چار پا انثاسنه جماع
اتمک دخی کبائر در در تنکیم جهله زهاد دن بری

بردیشی اشك صاتون الوب حلال اولق ظنیله تشکین
شهرت ایچون اکا جماع ایدردی صکرده حرمتن بیلوب
تائب و مستغفر اولدی و نوادر ای یوسفده رحمة الله
نعالی کلورکه وطه اتدوکی بهیمه اگر کند یملکی اولوب
ولکن ماکولة اللحم ایسه ذبح اولنور فقط واکر
غیرک ملکی ایسه فاعله قیمتی ایله ویریلوب ذبح
واخرق اولنور یعنی علی وجه الاستحباب و لکن فعل
مذکور ایله حیوان ماکولک اکل حرام اولماز اگرچه
اهل تقوی قاتنده مستقذر و مستخبثدر
وَالثَّانِي وَالسِّتُونَ تصدیق الکاهن کاهن
اودرکه کلچک زمانده اولاجق نشینه لردن خبر
ویرمک و کز لولری بیلورم و غیبیه اطلاع واردر
دیو دعوی ایلیه پسر بو مقوله بی تصدیق ایلمک
دخی کبائر در بلکه عالم بالغیب در دیو اعتقاد
ایدر سه کافر اولور تنکیم حدیثده کلور من صدق
کاهنا فقد کفر بما انزل محمد و اگر ملهم من عند الله
در و یا خود طائفه جن سلا نکه دن استماع اتدوکی

حواد فی اکا القا ایدرد یواعتقا ایدوب تصدیق ایلسه
 بوصور تده کافر اولماز و سؤل عرف دخی بویله در عرف
 اودر که سرقة اولنان نسنه دن وضایع اولان شیشک
 مکانندن خبر ویره نتکیم حدیثده کلور من سأل
 عرفاً لم یقبل له صلوة اربعین لیلة یعنی بومقوله کشته
 واروب نسنه صوران کسه تک فرق کون نمازی قبول
 اولماز و اگر عرافه و کاهنه سؤالی استهزا و یا تکذیب
 ایچون اولور سه نسنه لازم کلز **والتالث و الستون**
 اللعب بالشطرنج والرد شیر. شیطرنج شیرین معجم تک
 کسر یله لعب معروفدر که پادشاه هند اولان
 بلهیت و یا شهرام ایچون وضع اولمشدر نتکیم نرد
 دید کلری لعب ملوک عجمدن ارد شیر ایچون وضع
 اولمشدر یعنی شطرنج و نرد و اربعة عشر و قماره
 تعلق طوتن لعبلر کبا ثردندر که حرامدر نتکیم حدیثده
 کلور من لعب بالشطرنج والرد شیر فکنا غم سیده
 فی دم الخنزیر و دد حدیثی یوقروده مرور اتمشدر
 یعنی بر کسه شطرنج و یا نرد او یونلرن اویناسه النی

خنزیر قاننه با ترمق حرام اولدوغی کبی انلرله لعب
 اتمک دخی حرامدر و بومقوله لعبلر اگر قمار طریقیده
 اولسه دخی حرامدر زیر ابو صور تده عبث اولور
 عبث ایسه حرامدر نتکیم قرأند کلور المحسبتم انما
 خلقناکم عبثاً ای لتعبثوا و امام شافعی رحمه الله تعالی
 قاتنده شطرنج لا بأسدر دید کلری شافعی تک قول
 اولیدر نتکیم نصاب الاحتسابده مصر حدر و امام
 غزالی رحمه الله تعالی لعب مذکورک عند الشافعی مکروه
 اولدوغن احیاده تصریح اتمشدر و عقد الدرد نام کما
 کلور که اشهر خریده شاه مات اهلنه رحمت یوقدر مع
 هذا اشهر خریده هنگام خرمن رحمت الهیه در **والرابع**
و الستون النياحة. نياحت میتک محاسن عده
 ایدوب او زرنه آغلمقددر که امور جاهلیته دندر نتکیم
 حدیثده کلور. ثلث من امر الجاهلیة الطعن فی الانساب
 والنياحة والانواء. انواء نوءک جمعیدر که قرآن
 بکرمی سکرم منزلیدر طائفة عرب امطار و سائر خیر
 اول منزلدن کلور دیواعتقاد ایدر لر دی انکچورت

تقبیح اولندی الحاصل نوح و صیاح له میت او ذرنه
 آغلق حرامدر و اگر تعدید محاسن و نوحه و صیاح
 اتمیوب شویله سکون او ذرنه آغلسه لا بأسدر زیرا
 رسول الله دن علیه السلام دخی ولد نجیبی ابراهیم علیه
 وفات اتدکده واقع اولمشدر اگر چه خواصک بکاسی
 عوامک بکاسی بردکدر زیرا خواص امور خفیه یه
 مطلع اولوب اغلر لر عوام ایسه مجرد فراقه بناء بکا
 ایدر لر و نیاز حشدن غیری امور جاهلیه دخی منهدر سیاه
 پوش اولق و یوزن یولق و صاچن طاغتمق و بونلرک
 امثالی کی **وَالْخَامِسُ وَالسِّتُونَ** استماع الملاهی
 ملاهی الات لهو و لعبه دیر لر نتکیم قاموشده مصرحد
 یعنی الات لهو و لعبک صوتنی استماع اتمک و اختیار یله
 اکا قولق طوتمق دخی کبار ثردندر نتکیم حدیثده کلور
 استماع صوت الملاهی معصیه و الجلوس علیها فسق
 والتلذذ بها کفر بزاذیه ده کلور که بو حدیث شریف
 علی وجه التهدید وارد اولمشدر و لکن واجب اولان
 استماع اتمک جهدا تمکدر زیرا رسول الله صلی الله

علیه وسلم بر مقلرن قولق لرنه ادخال ایلمشدر و بعض
 علما بیورمشدر در که استماع ملاهی معصیت و اول
 مجلسده او تور مق فسق اولق اختیار و رضا سیله
 اولغه محمولدر و كذلك الات لهو ایله تلذذ اتمک
 کفر اولدوغنی علمی وجه الاستحلال اولغه کورده در
 والآ فحاة استماع اتمک واضطرار و یا اتفاقا جلوس
 ایلمک وطبعاً تلذذ ایلمک بر وجهه که عبدک انک
 دفعنه قدرتی یوقدر بو خصوصلرده معذوردر
 بوندن فهم اولنور که ملاهی وانک حکمنده اولمیان
 نشنه لری استماع اتمک کلاه دکدر اصواتله قراءت
 قرآن استماع اتمک حروف متغیر اولد قجه و الحانله
 مدح رسول علیه التلم و مجالس ذکرده قواللرک
 الهیات و قصائدن استماع اتمک مباحدر زیرا بونلر
 ملاهی و غناء عرفیدن دکدر بلکه بونلرده فائده
 وارددر زیرا قلوب سامعینی نظریه و تلیسند
 خالی دکدر و قاضی خاندان امامت خصوصنده در
 خوانی تقدیم ایلیه خوشخوانی تقدیم دیدوکی خوشخوانک

درست خوانی تقدیم ایلیه خوشخوانی تقدیم اتمیه
دید و کی خوشخوانک درست خوانی اولد و غنه و یا
الحان زانده ایله تغییر حروف اند و کنه محمولد و الّا
درست خوان و خوشخوان اولق بر پرده مجتمع اولسه
آنی تقدیم اولی در زیر اگر اشغال قلب ایدر دیر سیک
یا لکزد درست خوان اولانک صوتنده دخی اشغال
وارد در زیر اعوام ناسر متکدر اولور پس امام اولان
شویله کرکدر که قراءت بیله قلبی تحریک و نشاطی تجرید
و عالم معنایه عروجنه امداد ایلیه اگر چه قیل و قالدن
فارغ و ازاده اولان منتهیلرک بوسقوله های و هوویه
احتیاجلری یوقدر نتکیم بالاده اشارت اولندی و کتاب
الاستماع ده کلور که امام قرطبی رحمه الله تعالی تسکین
اطفال و امثال یجون تغنی اتمکی مستحب کور میشد
پس منی اولان فسق و فجوره مدار اولوب مفسده یه
باعث اولان تغنی در یوحسه صلاح و تقوایه سبب
اولوب مصلحتی متضمن اولان دکلدر و دیمشدر که
بر کسه خانه سنده طنبور و حزم مار و امثالی بنسبه

امسالک ایلسنه آتم اولور کرک استعمال ایلسون
و کرک ایلسون زیر او مقوله بنسبه بی امسالک
اتمک عادتالها یجوندر وحدیثده کلور که من
مات وله قینه فلا تصلتوا علیه یعنی بر کسه وفات
ایلسنه انک چنگی جاریه سی اولد و غنی حالد سز آنک
نمازن قلکوز بوا عصارده ایلسنه خلقک علما نام
اولان فاسقلری بله چنگی و دلا که جاریه لرا تخاذ
ایدر لرتا که انلرک کسب اند کلری حرامله انتفاع اید
لر پس زجر انهم انلرک نماز لرنه حاضر اولما مقکر کرد
وَالسَّادِسُ وَالسَّبْتُونَ النظر الى وجه الملیح عن شهوة
جمیل اولنلره ملیح دیمک استعاره طریقیله در زیر
چقن بر طعامده انی اصلاح ایده جک قدر ملیح یعنی
طوز اولسنه اکا طعام ملیح دیر لر صکره هر لذیذ و
مستحسن و مقبول اولان بنسبه اطلاق اولندی اصمعی
رحمه الله تعالی دیمشدر که حسن دبد کلری کوزلرده
و جمال بور و نده و ملاحت آغزده اولور یعنی بالک
یوزلی او غلا نه شهوتله نظر اتمک دخی کبا ثردندر زیر

جمیل اولان اوغلان عودت حکمنده در بلکه اشد در
 انچون دیمشلدرد که هر عودت ایله ایکیشر شیطان
 وهر اوغلان ایله اون سکرر شیطان وارد رسنقوله
 امام محمد رحمه الله تعالی تازه یوزلو اولغله امام اعظم
 رحمه الله تعالی خیانت عین دن خوف ایدوب مسجد ده
 درس ویردن آنی اردنده ویا مسجد در کلرینک بری
 خلفنده اجلاس ایدردی و بیستان فقیه ده کلور که
 تازه لرو صبیله و سفیله را ایله مجالسه اتمک مکروه
 زیرا مهابتی کیده رد و بر کسه و فاقه ایدوب رؤیاده
 انی یوزی سیم سیاه اولمش کوردی سببندن سوال
 اندیلر اولدخی براوغلان یوزنه نظر اتمش ایدم یوزم
 جهنم آتشنه یا نوب بوصورته کردی دیدی ایمدی
 بومقوله نظر دن پر هیز اتمک کر کرد و دیمشلدرد که
 انسانی اضلال ایدوب طریق حق دن چقاردن نسنه لر
 کرچه چوقدر فاما عودت و اوغلان مقوله لری زیاده
 مضلدر **وَالسَّابِعُ وَالْتِسْتُونَ** اخذ الصلوة والعطاء
 من اهل الجور والظلم یعنی ظلمه مقوله لرینک صرولری

و جائزه لرن آلق دخی کبا ثردن در زیر اظلمه مساعده یه
 باعثدر پس زجر اللهم انلرک صله لرن قبول اتمک
 کر کرد بلکه انلره انبساط کوسترمک دخی مشروع
 دکلدرو لکن قرن اول و قرن ثانیده کلن علماء متقین
 نیجه ظالم لرن قبول ایدیلر زیرا قوت تقوالری
 اولغله ظلمه مساعده اتمزلر و بلا طلب حاصل اولان
 ریزق مقسومی سلب ایلر لردی مکرکه اول مالک حرام
 اولدوغی معلوم اوله پس بوصورته قبول اتمک
 کر کرد زیرا بوا عصارده اولان ولایت و ملوکات
 اسوالنده حرام غالبدر زمان اولده کلن لرنک ایسه
 بویله دکل ایدی انچون سمرقندده امیر ضیاء الدین
 بنا اتدوکی مدرسه ده صاحب الهدایه و شمس الدین
 الکروردی رحمهما الله تعالی چوق زمان ساکن اولدیلر
 و کتابلر تألیف ایلدیلر و او مقوله لرنک بنا اتد کلری
 جوامع و مساجد ده نماز قلمقدن کسه امتناع اتمدی
 خصوصاً خانقاها لرده طائفه درویشان و صوفیان
 سلوک اتدیلر و اربعینلر چقاردیلر و خلوتلر ایدیلر

شوق در واد در که بوا عصاره دخی اصحاب خیرات دن
 اولوب اهتمام اهل اولئو استقراض واستبدال ایدوب
 مال حلول ایله خیرات ایدر لر و امام غزالی رحمه الله تعالی
 منهاج العابدین نام کتابده ایراد ایدر که بوزمان فساد
 قبول اتدی دیو کسیه سوء ظن اتمیوب ظاهر حال ایله
 عمل اتمک کر کرد **وَالثَّامِنُ وَالسِّيْتُونَ** سوء الظن
 یعنی سوء ظن اتمک دخی کبائر دندر زیر احرام در تکیم
 قرأنده کلور اجتنبوا کثیرا من الظن ان بعض الظن
 انهم دیمشلودر که ظنک انواع واردر بر ظن واردر که
 محظور و حرام در الله تعالی به سوء ظن کبی پس حق تعالی
 وجود نده و ذات نده و صفات نده و کمال اتده ظن اتمک
 حرام در و نبوت دخی بویله در یعنی بر کسه جمیع انبیاء
 ایمان کتورد م و لکن آدم بیغیر میدرد کلیدر دیو تر د
 ایلسه کافر اولور و کذلک بر کسه رسول الله علیه السلام
 ایمان کتورده و لکن خاتم الرسل اولوب دینی الی یوم
 القيام منسوخ اولمد و غنه بقیی اولسه اول کسه مؤمن
 اولماز و کذلک و خاتم النبیین آیتی و لا نبی بعدی حدیثی

عرق نبوتی قاطع ایکن حسنین حضرت لرینک رضی الله
 عنهما و یاغیری خلفا و اولیاء اتمک نبوتنی ظن اتمک
 حرام در و اگر قطع ایدر سه کافر اولور و کذلک رسول
 الله و علماء عاملین و سایر اهل اسلام عادیله سوء
 ظن اتمک دخی حرام در تکیم قرأنده کلور و ظننتم ظن
 النساء و کنتم قوما بورا و حدیثده کلور ان الله حرم
 من المسلم عرضه و رده و ان یظن به ظن النساء و بر
 ظن دخی واردر که ما سوردر الله تعالی به و رسول
 الله و عدول مسلمینه حسن ظن کبی انکچون عادلک
 شهادتن قبول اتمک کر کردر سوء ظن ایدوب و اتمک
 کر کردر و مرویدر که بر کسه قیامت کونی ناره مأمور
 اولد قدده تحریک شفتین ایدوب التفات ایلیه حق تعالی
 بیوره که نیه باقور سن اول قول دیه که یارب سکا
 ظنم بود کل ایدی بلکه بنی عفو ایدر سن دیر دم الله
 تعالی دخی قولناک ظننی تحقیق ایدوب اهل جنت ایلیه
 پس انسان سوء ظن ایدر سه نفس امارتیه اتمک
 کر کردر زیرا آنک یوزی خیره دکلدر بلکه شر و شور

ما واسیدر وحیلہ و خدعه سی چو قدر و طاعت و تقوا
صورتنده اولان نشنه کرده غرض فاسیدی وارد
و بر ظن دخی وارد که مباح در تنکیم بر کسه نمازده
و اورجده و قبله ده ظن انشه تحری ایده و غلبه
ظن اوزرنه بنا ایلیه و اسوردینا و مهمات معاشده
دخی ظن اتمک بویه در و مؤمنه کر کرد که کندنه سو
ظنه بیه باعث اولاجق اسورده بولیمیه مروید که
برد فعه رسول الله صلی الله علیه و سلم عشر اخیره
معتکف ایکن امتهات المؤمنین دن صفیه رضی الله
عنها انلرک زیارتلرینه واروب رسول الله اشکله
مُصاحبت ایدرکن اورادن بر کسه مروید اتمک
رسول الله بیوردیلر که یا فلا بوبنم خاتونم صفیه در
دیدک اول کسه دخی یا رسول بن سیرک حقکرده
سوء ظن ایدر مقوله سی د کلم دیدک رسول الله
بیوردیلر که بخی ان الشیطان لیجری من ابن آدم
مجرى الدم یعنی شیطان انسانک طمر لرنه کر
پس آنک شترندن امین اولماق کر کرد بوندن فهم

اولندیکه مواضع تمدن احتراز لازم در تاکه قلوب
ناسی سوء ظن دن و السنه عوامی غیبتدن صیانت
بولنه و کشتی کندی نفسنی تزکیه اتمک کر کرد زیرا
نفس و شیطانک مکر و اغوا و القاء فتنه و فساد
خصوصنده شان عجیبی وارد در **المحده** نفس
و شیطان داثما بکلر کین. انلرک شترندن اولمه
سن امین. انبیا و اولیا به یوق زیان. کیم ضرردن
اولدی انلر سالمین. **والتاسع والستون**
التخریة سُخریت استهزاء دید کلر که کسه بی
تحقیر و استخفاف اتمک و درجه سندن اسقاط ایدق
غیر ملتفت مقوله سندن عدا اتمک در و سُخریت قول
و فعل ایله اولور لمز ایسه یا لکر لسان ایله اولان
طعن در تنکیم اولکینک حقدده قرأند کلود لایسخر
قوم من قوم و ایکنجینک شاننده کلود ولا تلزوا
انفسکم یعنی کسه کسه بی استهزاء اتمک و لسانده
طعن اتمک حرام در زیرا بلکه استهزا و طعن اولنان
اندن خیر لو اوله خصوصاً که مستهزی و لامز اولان

فی الحقیقه کندی فی استهزا و لمز ایدر زیر اجمیع مؤمنین
نفس واحدہ کبیدر دیشلردر کہ غیرکی استخفافده
عجب نفس وارد رانچون ابلیس مایستحق عجبہ
دو شوب آدمی علیہ السلام استحقار ایلدی پس بر کسه
مؤمن قرنداشنی استحقار ایدوب اندن خیر لو اولوق
ظن ایلسه اول کسه ابلیس وقت و قرنداشنی آدم وقت
اولور و بونده اشارت وارد در کہ ارباب طلبدن
منتہی اولنلر مبتدی و متوسط اولنلرہ نظر حقارت
ایله نظر اتمک کر کردر زیر اعتبار بر نشنه نلث
خاتمہ سنہ در پس شاید نہایتہ اول مبتدی
و متوسط اول منتہی دن خیر لو اولہ و انلرک دُتہ
لرن تجاوز ایلہ نیکیم دینادہ نیچہ شا کرد لر استا
مرتبه سن گذر اتمشلردر اگرچہ بو کمال استاذک
وفاتندن صکرہ اولور زیر ایدیشلردر کہ ایکی
صدیق بریرده اولمازانچون رسول الله علیہ السلام
ایکی اوج کسه بی برخدمتہ ارسال ایلسه ارا لرندن
برینی امیر نصب ایدردی تاکہ تابع و متبوع بللوا

و ایکی رتبہ بری برندن امتیاز بولہ **السَّابِقُونَ**
التَّنَابُزُ بِالْألقاب یعنی انسان بری برینی بدلقب
ایله چاغرمق دخی کبار ثر دندر زیر اقرانده کلور
ولا تنابزو ابلا لالقاب بشن الاسم الفسوق بعد
الایمان و بدلقب اودر کہ انکله ملقب اولان
کسه اول وجهله سویلند و کنی و جاغرلد و غنی
کراحت ایلہ و محدثیندن بعضیلرہ تسلیم انمشر
و واصل احدب دیرلر و بونلرک غیرکی تعریفه محمولدر
نتکیم یوقرودہ کڈر ایلدی پس بونده استخفاف
واذی یوقدر و بوندن فهم اولنور کہ لقب حسن
منہی دکلدر محی الدین و شمس الدین و بہاء الدین
وامثالی کی وحدیثہ کلور من حق المؤمن علی اخیه
ان یتسمیہ باحب اسمائہ الیہ بعد از ذکر اولنان یتشر
عدد کبار ثر تفاسیردن و کتب کلامیہ دن و علماء الدین
الترکستان فی منظومہ سندن اخذ و نقل اولنمشدر
اگرچہ بونلرک بعضیلرندہ اختلاف و بری برلرنہ
نسبت ایله قبحدہ تفاوت وارد در کہ کیمی مطلقا

کبائر و گیمی دخی اکبر الکبائر در و شیخ علاء الدوله
 عروه نام کتابده دیمشد که جمیع فرق اسلامیه اهل
 بخا قدر و اول که حدیثده کلور ستفتر قاستی علی
 نیف و سبعین فرقه و الناجیه منها واحدة بونده ناجیه
 دن مراد شفاعت تعلق امتدن خلاص اولنلرد رانتهی
 بالترجمه شیخ مزبور دیک استر که شفاعتی لاهل
 الکبائر من امتی حدیثدن مأخوذ اولان شفاعت
 یتمش ایکی فرقیه کوره در یو خسه یتمش او جنحی اولان
 فرقه ناجیه یه کوره دکلدر و الا اهل قبله دن اولنلر
 نارد و مخلص اولمق لازم کلور بو ایسه نص قاطعه
 مخالفدر مکرکیم بو فرقه لردن اعتقاد لری کفره مؤدی
 اولمش و ارایسه انلره شفاعت اولما یوب مخلص اوله لر
 پس سوء اعتقادن توبه لازمدر و قرأند کلور
 ومن لم یتب فاولئك هم الظالمون یعنی تائب اولیان
 کسیه مظلومه سلکند منسلک اولور و توبه جمیع
 مخالفاندن کرکدر عموم او ذرنه یعنی صغائر اولسون
 و کبائر اولسون و الا انک ادینه ترک دیرلر توبه دیمزلر

زیرا توبه قرأند مطلق ذکر اولنمشدر نیکیم کلور
 توبوا الى الله توبه نضوحاً و توبه نك دخی مراتبی
 وارد در پس ماردون الکفر اولان ذنوبه کوره توبه
 و استغفار کافیدر و اگر کفر اولان ذنب اولور سه
 تجدید ایمان و نکاحه دخی محتاجدر و بعضر زهاد
 ذنب صادر اولد قجه احتیاطاً ایمانی و کفر دن
 تبری بی تازه لردی نیکیم زهرة الریاض نام کتابده
 مسطوردر پس بوندن فهم اولنور که کرچه هر معصیت
 کفر قیلندن دکلدر و لکن کفر طریقند در ذینرا
 اکا مؤدیدر یعنی صغائر کبائر و کبائر دخی اکبر الکبائر
 اولان کفره جرأیدر پس کفرک بطریق القطع وجودنده
 قطعاً توبه و استغفار و تجدیدین لازم کلد و کی کبی سائر
 معاصینک دخی بطریق القطع حصولنده قطعاً توبه
 و استغفاری احتیاطاً تجدیدین لازمدر و تفاسیرده
 لا ترفعوا اصواتکم فوق صوت النبی ولا تجهروا له بالقول
 کجهر بعضکم لبعض ایتی ذیلند کلور که رفع صوت
 و جهر قول بالذات کفر دکلدر و لکن اولان استخفاف

رسوله مؤدیر ذیرا عند الرسول رفع وجهی قایرین
 بلکه رسولك كندی دخی قایر میوب استخفاف ایدر
 بوسبیدن رفع وجهی در احتیاطا منع اولندی پس
 بوندن فهم اولندی که کبیره به مؤدی اولان دخی
 صغیره ایسه ده حکما کبیره کبیدر و کبیره دخی اکبر
 الکبار کبیدر انچون احتیاطا تجدیدن ایدر لر و حدیث
 کلور که اللهم انی اعوذ بک من ان اشرك بک شیئا
 وانا اعلم واستغفرک لما لا اعلم و شک یوقدر که انبیا
 علیهم السلام قبل الوحی و بعد الوحی بالاجماع کفردن و بعد
 الوحی سائر کبار در عهد معصومین در پس انک
 استغفار لری ترک اولایه تعلق ایدر و لکن واستغفرک
 لما لا اعلم مقالة جلیله سی دلالت ایدر که کاهیجه
 انساندن ذنب صادر اولور که انسانک اندن خبری
 یوقدر و اول ذنب امته کوره کفره و سائر معاصی به
 شاملدر پس عامه ذنوبه نسبت ایله استغفار لازم
 کلد و کی کفره کوره دخی تجدید اسلام لازمدر اگر
 چکه قطعی اولیان یرده بطریق الاحتیاط اولور یسه ده

ذیرا بر نشسته فی فرض و تقدیرا تمکدن بالفعل وجود
 و حصولی لازم کلز تکلیم اهلنه معلومدر و علماء
 رحمهم الله تعالی بیور مشلر در که بر کسه دن کفر صاد
 اولد قدن صکره علی وجه العاده کلمه شهادتی لسانه
 کتور مک اول کفری رفع اتمز بلکه قصده مقارن
 رجوع لازمدر و رجوع یا استحصار ذنبله در اگر
 صدور نه علی وار ایسه و یا خود استغفار و توبه
 مطلقه ایله در اگر صاد اولد ایسه و عوام و خواص
 کوره کفرک صدور نه امکان وارد در ذیرا خواص
 دخی غایه الغایات اولان مرتبه احدیته و اصل اولد فیه
 خطر دن خالی اولماز لر انچون سهل بن عبد الله التستری
 قدس سره بیوردر ولو وصلوا ما رجعوا نظر ایله که
 ابلیسک طاعتدن ماعد معارف الهیه ده ید طولی
 واریدی و لکن سرزاته و اصل اولما یوب مرتبه عیان
 کامله نائل اولما مغله معصیت رجوع ایدوب کافر
 اولدی انچون حدیثه کلور اللهم انی اسألك
 ایمانا یبشر قلبی و یقینا لیس بعده کفر یعنی قلبک

ظاهر نده اولان ایمان کفایت اتمز بلکه قلب ایچنه داخل
 واکا مشغول کرکدر و کذلک بر مؤمنک یقینی ضعیف
 اوزرنه اولسه اکا کفر دن خوف وارد در انکچون حدیثده
 کلور جدر و ایمانکم یعنی ایمانکزی کلمه شهادت ایلده
 تجدید ایدیکز و کلمه شهادتی تکرار تکرار دله کتوریکز
 تاکه رسوخ ایمانی حاصل اولوب ضعیف یقینه و یقین
 دخی کمال عیانه مبدل اولوب شیطان و نفسک افشا
 و اغواسنه مجال قائمیه زیر بونلرک مداخله سی ضعیفیه
 کوره در اوقویایه کوره دکلدر انکچون خوف و دهشت
 اهلی اکشار ذکر ایدر لر اگر چه تصدیق صحیح اولوب برکته
 شهادت اتمک دخی سنجیدر و لکن عقبات جو قدر انکچون
 الله تعالی کوچ بیورممشدر دیوتکاسل اوزره اولماق
 کرکدر زیر الله تعالی فرأنده کرچه رخصت و عزیمتک
 ایکیسن دخی درج اندی و لکن عزیمت و کمال تقوایه
 زیاده حث و تحریص ایلدی و ابرار له مقر بینک
 مراتبن بری برندن افراز قلدی تنکیم سوره رحماندن
 وغیری مواضعدن روشنددر مؤمن قرنداش

ضعیف شمع ایلده نره یه کیدرسن و صراطی نیجه
 کچرسن پس سکا شمع کافوری و فانوس دخی کرکدر
 تاکه عواصفدن خلاص اوله سن مؤمن قرنداش
 نظر ایلده که سلف صالحین نه وجهله اجتهاد
 اتمشلرو نه یوله کتمشلردر یعنی علوم نافع و اعمال
 صالحیه مشغول اولوب خصوصاً اخلاق باطنیه فی
 اصلاحده و نفس اماره فی ترکیه ده نه زحمتلر حکمشلر
 در اکل طیبات مباح ایکن صومی اختیار اتمدیلر
 و افطار ده دخی احتیاط ایدوب ورعده تدقیق
 ایلدیلر و منام و رخصت ایکن نفسیه تشدید ایدوب
 کیمه لری کلام و یا بعضاً احیاً قلدیلر و لباسدن
 دخی پکاسه قائل اولوب زینتی استمدیلر و قلبلرنده
 نایحه حاصل اولوب دائماً ماتم اهلی کبی خرنده کچندیلر
 و شوق الی الله غالب اولوب عالم حیرته دو شدیلر
 مؤمن قرنداش نیه مغرور سن ربک سکا باری
 تخفیف اتمدیسنه سنک مروتک یوقیدر تاکه سنن
 و نوافل ایلده دخی قوللق ایدیه سن وحدیثده کلور

الثافلة هدية المؤمن الى ربه فليحسن احدكم هديته
وليطيبها كما في المقاصد الحسنة كاشكي هر بر ميرده
بار اول درگاه عالي به هديته ارساله صالح اولاد
و حقدن بي نهايه صيله و جائز بولايدي مؤمن قرنداش
افتح عينك زير ابودنياده بي بصيرت اولان آخرته
جمال دن مهر و اولور بعد ذابرمؤمن كباثر دن اجتناب
ايلسه صفائري عفو اولور نكتم قرانده كلور

ان تجتنبوا كباثر ما تنهون عنه نكفر عنكم سيئاتكم
و حديثه كلور الصلوات الخمس والجمعة الى الجمعة
ورمضان الى رمضان مكفارات لما بينهن اذا اجتنبت
الكباثر يعني صلوات خمس اشنا سنده اولان صفائره
صلوات خمس كفارت اولور وايكي جمعه وايكي رمضان
اراسي دخی بوکافياس اولنه ولكن ذکر اولنان و جمله
كفارت واقع اولغه كباثر دن اجتناب اتمك شرطه
پس صلي وصائم اولان كسه كباثر دن اجتناب
اتمسه صفائري مغفور اولماز و بعضيلرد بدیلر
صلوة و صوم كباثر دن غيريه كفارت اولور فاما

كباثر يا توبيه محتاج و يا فضل حق موقوفدر هذا
هو مذهب اهل السنة و مؤمنه كركدر كه مطلقا
كناهدن احتراز ايليه و اگر سهوا و نسيانا و يا عمدا
واقع و صادر اولور سه مصر اوليه بلکه توبه بي
تعجيل ايليه زير اكاه زهر و توبه تریاق كبيدر پس
زهر ك دفعنه تریاق نقدر تعجيل اولنسه او قدر
فانده سي واردر و خلق اراسند بعض مبالات
اتمك كلري نشنه لرواردر كه انلر في الحقيقة معصيت
مقوله سندن در پس مؤمن متقی اولان كند في
ز نادن محافظه اندو كي كي كوز ذناسندن دخی
صاقنه يعني نا صحره نظراتيه و الحاييله دخی
يا پشميه زير رسول الله عليه السلام فتح مكه كوني
سبايعه ايدن خاتونلره النى ويرمدى بلکه كلامه
اكتفا ايلدى اگر چكه بعض روايات بر قدح ايجه
صوقويوب اللرن اول صويه ادخال ايدوب صكره
خاتونلر اول صويله تبرك اتديلر و بوندن غيري
دخی روايات واردر نكتم روح البيان نام تفسير عمريه

مفصله تحریر اول نمشد و مؤمنه کر کرد رعجب محلی
اولد قجه ضحك اتمیه و حاجت اولد قجه یرند قالقوب
بریره دخی کتمیه زیرا الله تعالی بوسقوله لره بغض
ایدرو قارنی آج اولد قجه طعامیمیه و شهوت
کاذبه یه الدائمه تاکه یدوکی حلال طیب اوله و کسیه
ضرر قصد اتمیه زیرا مؤمنلر حلقه سفر غه یعنی
دو کلمش حلقه کبیر و مسلم اودر که خلق انک الذن
ودلندن سالم اوله و ذقی به دخی اذیت اتمیه حتی اگر
کافر و یا بونک امثالی لفظله ذکر اولنمق اکا اذیت اولور
آریله و یا غیری وجهله ذکر اید و حق بهائم و حق
ذقی دن زیاده احترام ایله زیرا قیامت کونی بونلرک
خصوصتلی مصیبت عظمی در زیر اعطاء ثوابله و یا
کافرک کناهنی مؤمن اوذر نه تحمیل اتمکله ارضایه طریق
یوقدر و کسیه بی اخافه اتمیه یعنی قور قتمیه زیرا قیامت
کونی خلقک شری اول کسیه در که خلق انک شترند
احتراز اید و لردی و دیناده بلا سبب کسیه بی تحویف
ایدن عقباده فرغ اکبردن امین اولسه کر کرد و بلا غدر

جنب ایکن مسجد ده او تور میه و خروج اندکده تنیم
ایدوب طشره چقه و مسجدی یول اید نمیه مکر ضرورت
اوله و امور دنیویه ایچون اوج کوندن زیاده کسیه
ترك اتمیه مکر تأدیب ایچون اوله نتکیم یوقروده کچدی
و حق النده ایکن بله کسیه ایله چق چوق خصوصت
اتمیه زیرا خصوصت وجدل ایونسنه دکلدر و محق
اولان کسیه خصوصتی ترك ایلسه جنتده انک ایچون
سرای بنا اولنه زیرا دیناده سرای قلبی بنا اتمش
اولدی پس انک جزاء و فاقی سرای جنتدر و ضرورت
اولد قجه فاستقر مجلسنه و او تور میه و انلرله انسیت
اتمیه مکر یول رفیق اوله و یا مجلس فسقده اتفاقا
بولنوب دفعنه قادر اولما یوب و قالقوب کتمکله دخی
چاره بولنمیوب او توره نتکیم امام اعظم رحمه الله تعالی
برد فعه بوسقوله سننه ایله مبتلی اولوب صبر اندلیر
و اوقات مکر و هده نافله نماز قلبیه زیرا نماز فی نفس
الامر خیر موضع اولد و غیجهتدن کرچه ممنوع دکلدر
ولکن کراحت و قته مجاورتدن او توری قلمتی کر کرد

و مسجد ده بیع و بشری اتمیه و صبیان صفار و مجانین
 اولنلری مسجد ده ادخال اتمیه تاکه بونلرک یوزندن
 مسجد متلوک اولمیه و غیره امور دنیویہ دن پالک
 طوته و اوراده حدیث دینا سوبیلک انسانک حسنات
 اکل ایدر آتش خطبی اکل ادوکی کبی و اراده ضرورت
 اولدقجه دخی طعام میمه مکر اعتکافده اوله و یا خود
 مسافر اوله که طعام اکل ایدر حک محل بولا میوب مسجد ده
 اکل ایدر و مسجد مناره اعدات ایلسه اهالی محلیه حواله
 اولیا جق قدر قامتنی رفع ایلیه و الا اثم اولور و جماعت
 انی برعیب ایله کراحت ایدر کن اول جماعته امام اولیه
 و اگر کند نه کراحت ایجاب ایدر عیب شرعی و فساد
 عرفی یو غیسه اما مستنده کراحت یو قدر حتی بر ائمی
 اعلم القوم اولسه اماستی سکروه دکلر مرید مروید
 برکسه بر قوم امام اولوب قبلیه قارشو توکروی
 رسول الله علیه السلام اوراده حاضر اولغله مطلع
 اولوب اول کسه بی اما متدن عزل ایلدی زیر اقبلیه قارشو
 توکرمک الله و رسول الله اذ یتدر بوسبندن علما

رحمهم الله تعالى بیور مشلردر که نماز ایچنده مکروهات
 ارتکاب ایدن امامه اقتدا اتمک مکروه در و کذلک
 و سوسه اهلی اولان امامک اماستی دخی مکروه در
 زیر اکندی نفسندن صادر اولان افعالده شک ایدر
 پس ولی الامر اولانه لارمدر که جماعتک شرعاً تنفر
 اندوکی مواد بولنان امامی اما متدن عزل ایلیه
 و د خان شرب ایدن امام حقتده شیخ الاسلام یحیی
 افندی دن استغنا اولندقدن عزل اولنور دیو جواب
 ویر مشدر و ارایمدی بو کافیتا سرایله محبوب دوست
 اولنلری و فتوه خانه ده و غیره مواضعده متصل
 شطرنج و انک امثال او یون اوینا ینلری و کوکرجن
 اوچور نلری و آغز توفنکی استعما ایدنلری و سوقده
 طعام اکل ایلیلری و قرانی بکلشرا و قیاندلری و اداء خد
 اتمینلری و مؤمنه کرکدر که نماز ایچنده عبت اتمیه
 زیرا سناجات وقتنده عبت اولما از صقالن و یا غیره
 یرن قارشدر مق و بونک امثال سنه اشلمک کبی
 بوسببند در که نماز ایچنده ضحک اتمک مفسد

صلوات در زیر اضحکله نمازك مناسبتی یوقدر بلکه
 نماز بکایریدر انچون رسول الله علیه السّلم نمازه قائم
 اولد قلرنده صدر لرنده قرغان قینار کبی آواز اشید
 لوردی و بوکا برهان صدر دیر لرکه اول صدرک
 حقانی اولد و غنه دلالت ایدر و بو حالت و یا بو حالت
 قریب بر اثر بولنسه اول صدرک نفسانی اولد و غنه
 رمز ایدر و خطیب خطبه او قورکن تکلم اتمیه بلکه
 سکوت و استماع ایده زیر خطبه ذکر در پس جمعه
 کونی کر کردر که تذکر و اتعاظ اهل اوله و اگر انک معنای
 وقوفی یوغیسه صکره بر و اعظ سنی مجلسنه او توره
 اگر چه بوا عصارده مراتب آیات فهم ایدر و اعظ
 نادر در بلکه کما ینبغی معنای قرآنی تأدیه یه قادر
 قلیلدر و مسجد لرده خلقک او سوزینی با صوب کتمیه
 مکرکه ایلروده خالی یر اوله و مسجد ایجنده اولان
 سائلر مساعده اتمیه و نماز اثناسنده سقالردن
 صوالوب ایجیه تکیم تراویح اثناسنده ایدر لر و مسجد
 ایجنده بول ایجون ظرف قومیه زیر مسجد ایجنده

آبدست آلمق بله یوقدر فکیف که بول اتمک مکر آبدستی
 تجدید قبیلندن اوله تکیم حرم کعبه ده زمزم ایله
 تجدید وضو ایدر لر و یا خود ضرورت اولور سه برقا
 ایجنده آبدست الوب اول صوبی طشر دو که و مسجد
 اوستنده و طریق مسلینده تغوط اتمیه و کذلک
 خلقک انک سایه سیله انتفاع ایدر کلری اغاج التنده
 دخی اتمیه بلکه بونلری پاک طوته حرمتندن او توری
 و یا ناسر انتفاع اتسون ایجون و حمامده کشف عورت
 اتمیه یعنی بلندن دیزنه کلنجه ستر ایده و او رالرنه
 دلاکی دخی یا پیشدر میه مکر کیسه غلیظ ایله یا پیش
 و احیاء العلومده کلور که احتساب اتمک کباره
 مخصوصد کلدر بلکه حمامده کشف عورت اتمک و
 اجنبیه ایله خلوت ایلمک و اجنبیه لره نظری تابع قلمق
 و بونلرک امثال صفاتردن ایکن ینه نئی اولنمق
 کر کردر ویدی یا شندن صکره اولاد یله برد و شکده
 یا اتمیه و جنب و حیاض ایکن قرآن او قومیه بلکه آبدست
 الوب دعا نیتنه او قویه زیر دعا نیتنه او قیجق

قرآنیتدن چقار و اگر نمازده دعا نیتنه او قوسه
 نمازی صحیح اولور زیرا تلاوت محذره واقع اولش
 اولور پس بوندن فهم اولور که بر کسه جنازه نماز
 ثناود عاقصه دله فاتحه او قوسه مکره و دکلدر
 والا مکر و هدر و پرچم دید کلری صابچی ارسال اتمیه
 و صقالن تراش ایلیمه زیرا بونلر حرامد ر عورت صابچی
 تراش اتمک حرام اولدوغی کبی مکر که عذر قوی اوله
 و خصی که خادم دید کلریدر بعد ابلوغ حرمه اذخال
 اتمیه زیرا حرمه ساثر خصی اولیا نلر کبیدر و صبیانک
 حرمه دخولری وقتی اون بش یا ش ایله تقدیر
 اتمشدر و لکن بوا عصارده احتراز ایدوب تقوا ایله
 عملاییدی یا شندن یوقاری اجنبی اوغلا فی حرمه
 اذخال اتمک کرکدر و جنب ایکن قبل الغسل تراش
 اولیه و تنور و یا حلق عانه دخی اتمیه و تراشنی
 و طر نقلری پاک یرده حفظ و دفن ایلیمه و حریر کیمیه
 و صبیانه دخی کیدر میه زیرا صبیان انک لبسته
 معتاد اولوب مکره اول حال اوزر نه ^{سفر} اولمسنه سبب اولور

پس سید ذریعه اتمک کرکدر یعنی حرامه و مفسده یه
 یول اولان نشنه لری سدا اتملور و نیکیم دیمشدر که
 اجنبی نک او یلوغنه نظر اتمک حرام اولدی زیرا
 او یلوغک سوء تینه اتصالی وارد و اجنبیه ایله
 خلوت حرام اولدی زیرا خلوت مقدمه جماعدر و اوتار
 و مزامیر حرام اولدی زیرا شرب خمر اهلنک شکار
 و شربه مؤدیدر انچون اجنبیه نک یری بارد اولد
 یرنه اولور ممق کرکدر زیرا یری استی ایکن اونورسه
 بلکه فتنیه باعث اوله و اجنبیه نک آرتوغنی یمک
 و ایچک دخی بویله در و کسه نک قیوسی دکلدر
 و یادیواری اوزدندن حرمه نظر اتمیه و بلا اذن
 کرمیه مکر محرم اوله و جارنه اذیت اتمیه اگر حواله
 اولور و یادیوارنه و یا خانه سینه ضرر و یرد نشنه
 و ارایسه دفع ایلیمه و زیوف اولان اچه بی حیلله ایله
 ترویج اتمیه زیرا و بالی سرقه دن اشددر و صحیح اوله
 درهم و دیناری آتمکدن و قرمقدن نه اولمشددر
 بلکه اول صاع و سکه لو اولان اچه و التون ایله بی سکه

کش و آلتون آلوب مراد اولان نسنه بی صیانت اتمک
 کر کرد و دار الضربدن غیری یرده سکه حرامدرو
 جنین که دورت آیلق اولوب نفخ روح اولمش اوله
 معالجه ایله آنی اسقاط اتمیه زیر اقتل نفس اتمش اولور
 اگر چه نفخ روحدن مقدم اسقاط اتمکه رخصت وارد
 و بر خلقک صقالن تراش اتمیه و الا اجرتی حرام اولور
 و ذی روح اولنلری تصویر اتمیه زیر احقنده و عید
 شدید وارد و جنب اولان علی الفور غسل اتمیوب
 او یومق لازم کلور سه باری وضوء شرعی ایدوب اویو
 و الا آنک یا نندن سلاه که تنفر ایدر لر و وجودی جیفه
 کافر کی اولور و قهوه و دخان و آفیون و برش و بنج
 و بونلرک امثالی نسنه لری اکل و شرب اتمیه زیر
 ضرره مؤدیدر که تغیر طبع ایدر و صومی و سائر
 عباداتی استنقاله باعث اولور فرضی استنقال ایسه
 کفر در و کشش عقرب بر جنه دخول اتمکدن صکره
 سفینه یه راکب اولمیه زیر سلاه متی نادر و خطری
 غالبدر پس تملیکه القافس اتمش اولور بوا یسه

حرامدر و قرآن ختمیجون و سائر خدمات شرعیه ایجون
 الدوغی نسنه بی اجرت دیوالمیه بلکه هر ایشده
 رضاء الله اوله و بعض فتاواده کلور که ختم قرآن
 ایجون اجرت المق وارد و اجرت ختم اون در همدن
 اکسک اولق سکر و هدر و خاتونلره حمام اجرتی
 و یرمک بعض علما قانتده سکر و هدر زیر اسکر و
 اعانتدر نول سفینه دخی بویله در و لکن خاتونلر
 تزین و تعطیر اتمیوب تنهایر لر دن حمامه کتمک
 و انلره اجرت و یرمک و رخصتدر و جهاز ناسنه
 اولان زینتلور نسنه لری چارسودن خلقه قارشو
 نقل اتمک کر کرد زیر اینجه ساده د لک زینت
 دنیا یه میلنه باعث اولور نیکیم قرآنده کلور
 لا تمدن عینیک الی ما متعنا به از واجباتهم پسر
 اوسقوله نسنه لره مدعین اتمک منیدر و حرام
 اولان نسنه بی اکل اتمیه و حرام اولان مالک مالیک
 معینی و اریسه اکا صرف این و الا وارثه و یره
 و اگر مالکی غائب ایسه حضور نه منتظر اوله و یا خو

معتمد كسه ايله ايصال ايليه واکر مال کندن و وارثدن
 مأیوس اولور سه خیره صرف ایدر و تصدق ایدر و
 ثوابی صاحبک اولور اگرچه فاعل دخی اجر دن خالی
 اولان و حرام مالده زکوة یوقدر و انکله حج دخی
 صحیح دکلدر و اهل بدعتک ضیافتنه و ارمیه و مجلسنه
 او تورمیه و کذلک رند و کذاب و مزاح و مضحک
 و لائی و فحاش اولان مجلسلره و ارمیه و کیمجه صحبتلره
 مساعدده اتمیه زیرامسامره که بعد العشاء اولان
 مکالمه و محاکاتدرا حدیث کاذبه و سخریت و ضحکه دائر
 ایسه مکر و هدر یعنی کراحت تحریمیه ايله و الا لا بأسدر
 اگرچکه کفا تمک افضلدر و مجلسک اخری ذکر اسه و
 تسبیح و استغفار اتمک کرکدر تا که خلقدن حقیر رجوع
 حاصل اوله و خیرله ختم بولنه و بوا عصارده عزلت
 و خلوت ترجیح اولمنشدر مکر که خلقله اختلاطی
 تعلم علم و یا بر خیر لو مصلحتدن او توری اوله پس
 آخر و عاقبتنی فکر ایدن مؤمن اوقاتنی و بلکه انفاسنی
 اضاعت ایلر زیر دنیا دار الغرور در پسدار الغرور کر

عیش و عشرتنی دارا لستور و اولان عقباته تأخیر اتمک
 کرکدر. قال تعالی **إلى الله تصیر الامور**. نسأل الله الهدی
 و التوفیق. و سلوک طریق التحقيق. اللهم اعصمنا من
 خطرات الذنوب. و استر للعورات و العیوب. **م**
 و اجعلنا من العاملين باحکام القرآن. و المتأدبین
 با داب اکامل الانسان. و المتحققین بمقائیک المعارف
 و العلوم. و الواصلین من المعارف و العلوم الى المعرفه
 و المعلوم. انک القادر علی اسعاف الحاجات و قضاء
 المرادات. و حبیبک علیه الصلوٰة و التسلیمات. هو
 المتوسل الیه فی باب السفآت. و علماء امته الوردیه هم
 اساحین الدین. و سلاطین الیقین. و بهم یقوم الدین
 و یتجدد الاحکام و الامور. ما دام البطون و الظهور
م قد وقع الایتمام بید مؤلفه الفقیر ستمی الذبیح الشیخ
 اسمعیل حق نزیل بلدة بروسه عفی الله عنه و عن والیه
 و اتباعه فی السنه السادسه بعد العشره.

بعد المائة بعد الالف فی واسط

شهر الله رجب بمنه تعا و فضل



Handwritten text in Ottoman Turkish script, enclosed in a red rectangular border. The text is arranged in approximately 15 horizontal lines, though it is significantly faded and difficult to decipher. It appears to be a formal document or a letter.

Süleymaniye U. Kütüphanesi

Kısım. I | H. Hüsni

Yeni Sayı No. |

Eski Kayıt No. | 1200